



LEN  
1967

1999



ԱՂԵՔՍԱՆԻ ՎԵՅ

**ԱՂԷՔՍԱՆԴՐ ՎԷՅ**



**ԹԷ ՈՐ**

**ԱՄՈՒՍՆԱՑՆԵԼՈՒ ԱՂԶԻԿ ՄԸ  
ՈՒՆԵՆԱՅԻ**



**ԹԱՐԳՄԱՆԵՑ  
ՊԵՏ. Յ. ԱՏՐՈՒՆԻ**



**ԿՈՍՏԱՆԴՆՈՒՊՈԼԻՍ  
ՏՊԱԳՐՈՒԹԻՒՆ Ե. Մ. ՏՆՏԵՍԵԱՆ  
ՍԻՒՄՊԹԻԼԼԻ ԽԱՆ ԹԻԻ 47.**



*(Faint mirrored text, likely bleed-through from the reverse side)*

481

ՀԱՅԿԱՍՏԱՆԻ ԿՐԹԱԳՐԱԴԱՐԱՆ

ԳՐԱԳՐԱԿԱՆ ԿՐԹԱԳՐԱԴԱՐԱՆ

ՄԱՍԻՍԻ ԳՐԱԳՐԱԿԱՆ ԿՐԹԱԳՐԱԴԱՐԱՆ

ԳՐԱԳՐԱԿԱՆ ԿՐԹԱԳՐԱԴԱՐԱՆ

ԳՐԱԳՐԱԿԱՆ ԿՐԹԱԳՐԱԴԱՐԱՆ

Հ. 1974  
4/1967-60

206

ԱՌ

ԳՐԱՏԵՐԱ ԽԻՂԱՅԻ

ԳԵՂԱՆԻ ՍԵՌՆ ՀԱՅԿԱԿԱՆ

ԳՐԱԿԱՆ ՄԻՈՒԹԻՒՆ

ԳՐԱԿԱՆ ՄԻՈՒԹԵԱՆ ԿՈՂՄԱՆԷ ԵՐԿՈՒ ԽՕՍԻ

Հասարակութիւնն անշուշտ անտարբեր աչօք  
չպիտի կարդայ անուն մը որ առաջին անգամ ըլ-  
լալով երեւան կու գայ ելլել սյսօր, խորհրդաւր  
գրքի մը ճակատն անցած :

Գրական միութիւնը թէպէտ այդքան ցոյց  
մ'անգամ ընել չէր ուզեր, և նախասպառիւ կը  
համարէր բոլորովին անծանօթ մնալ, և աշխատիլ  
առանց յայտնուելու, սակայն հարկն ստիպեց որ  
վարագոյրը պատռէ, և իր անդրանիկ գործոյն  
հետ անուան յիշատակն ալ թողու գրական աս-  
պարիզին վրայ :

Անհրաժեշտ է ուրեմն որ ազգը փոքր 'ի շա-  
տէ ծանօթանայ անոր նպատակին, քանի որ ար-  
դիւնքն սկսաւ վայելել, մանաւանդ արդիւնք մը  
որ շատ խաղաղ մտքեր պիտի յեղափոխէ, ինչպէս  
պիտի հանդարտեցնէ շատ մը յուզեալ հոգիներ :

«ԱԶԳԱՑԻՆ ՄԱՏԵՆԱԳՐՈՒԹԵԱՆ ՕԳՆԵԼ» —  
Ահա այն կէտը առ որ կը դիմէ ընկերութիւնս,  
համոզուած ըլլալով թէ ժողովրդեան մը կենսա-  
կան ոյժը մատենագրութեան մէջն է. թէ գիւրջ  
մը այն սուրբ կրօնաւորին կը նմանի որ ամէն յար-  
կի տակ կրնայ մտնել, ամէն աչքերու հանդիպիլ,  
ամէն մոլորեալ քաւել, ամէն ընտրեալ քաջալե-  
րել. թէ գրագէտ մը մի քանի թերթ թուղթի

վրայ աւելի ազատութիւն կը վայելէ քան զինուորականը պատերազմի դաշտին մէջ, թէ գրիչն այն մոգական գործին է որ մերթ շանթ կ'արձակէ, մերթ աղօտ լոյս, մերթ կը գոռայ և մերթ կ'երգէ, թէ վերջապէս մատեան մը տարբեր իմաստ կրնայ զգենուլ մօրն ու զաւկին, ծերունւոյն և երիտասարդին, տգէտին ու իմաստունին աչաց առջեւ, և թէ շատ անգամ կին մը կը գտնէ հոն ինչ որ կոյս մը չի կասկածիր :

Այս սկզբմամբ, մատենագրութեան նպատեւը ընկերական կենաց մեծ դերերէն մին կատարել է, և այնքան մեծ զոր անհատ մը չէ կարող ստանձնել զայն, որքան ալ զօրաւոր լինի :

Բայց մի՛ գուցէ սխալ ըմբռնման տեղի տանք : Օժանդակութիւն մը շատ տեսակ կրնայ ըլլալ, զոր օրինակ, տիեզերական բառգրքի մը համար տարիներ զոհել և կեանք մաշեցնելն ալ օգնութիւն մ'է մատենագրութեան, ինչպէս նաեւ արդիւնաւէտ գիրք մը ժողովրդեան դիւրամատչելի ընել և աշխարհս ռամկին ծանօթացնելը :

Գրական միութիւնն աւելի այս վերջնոյն յարած է, առաջնորդ առնելով Եւրոպական բազմածաւալ ընկերութիւններ՝ որք իրենց ճոխ մատենագրութեան կընտելացնեն զքեզ բազմաթիւ հատորներու միջոցաւ, մինչ քսակդ տակաւին այնքան թեթեւցած չէ որքան գլուխդ ու միտքդ լեցուած : Կարծես մարդ չզգար թէ կարդաց, վասն զի գիրքը տերեւի մը թեթեւութեամբ կը ներկայանայ իրեն, չի խորհիր թէ հատորներ կան տակաւին, վասն զի հովի նման կու գան կ'անցնին :

Այլ միթէ հովին և տերեւին չա՛փ ազդեցութիւն ունին անոնք — երբեք, — Մեր խօսքը նիւթական առմամբ է : Ռասին և Քօնէյլ նոյն վսեմութիւնը կը պահեն, ինչ հատորի մէջ ալ ամփոփուած ըլլան, Ռուսոյ նոյն փիլիսոփայն կը մընայ միշտ, և Ղամաթինի երգերն իրենց ներդաշնակութիւնը չեն կորսնցեր, պարզ թղթի վրայ տպուած ըլլալնուն համար :

Գրական միութիւնը պիտի ջանայ ընտիրը գրուենել, խնամքով հրատարակել և դիւրամատչելի ընել զայն : Պէտք չէ միայն իր շուրջը դիտել, այլ հեռուներն ալ երեւակայել. մտածել թէ լեռներէ և ծովերէ անդին հայրենիք մը ունինք մենք, և քանի որ մամուլ չիկայ այնտեղ, պէտք է գոնէ մամուլ ծնունդները դէպի հոն թռչին. հօրկ է մտածել թէ այս ինչ գիրքը փոքր ըլլալու է, վասն զի մշակն իր ծոցը պիտի դնէ զայն, ամառը ծառին տակ կարդալու համար, այնինչը պարզ պէտք է լինի, վասն զի ձմեռը տանտիկինները կրակին շուրջը ժողվուած պիտի կարդան զայն :

Այս դիւրութիւններն ընդհանրացնել կը փափաքի Գրական միութիւնը, և յուսով է որ իւր փափաքները գործադրուին հետզհետէ, բաւ է որ ժողովուրդը խղճիւ դատէ իւր աշխատութիւնքը և աղէկին յարգը ձանձնայ միայն. — Այս պիտի ըլլայ իւր քաջալերութիւնը, աւելի բան մը չի պահանջէր նա :

Իթէ առ նուազն ժողովրդեան չորս մասին մէկը իւր վրայ պարտք դնէ նոր հրատարակու-

Թիւններէն մէկ մէկ օրինակ առնուլ, մնացեալ երեք մասը, զխաւորարար գաւառացին, ձրիաբար պիտի կարդայ, և հասնի օր մը՝ յորում նմանը չի տեսնուած աժանութիւն տիրէ գրքերու մասին: Այն ատեն հացը գրքէ մը նուազ կարեւորութիւն պիտի ունենայ, առաջինը պիտի ուտենք, իսկ երկրորդը պիտի լափենք:

Ահա ընկերութեանս նպատակը:

Երկու խօսք ալ սոյն գործոյն վրայ:

Թերեւս հարցուի թէ առաջին գործերնիս ինչո՞ւ թարգմանութեամբ մը սկսանք. — վասն զի գրքեր կան որոց պէտքը խիստ զգալի է, իսկ հեղինակեն անյուսալի: Թարգմանութիւն մ'ալ նոր հրատարակութիւն մը կը սեպուի, բաւական է որ մասնաւոր երկրի մը բարուց յատկացեալ չըլլայ այն:

Աղէքսանտր Ալէյ, Ֆրանսայի հեղինակը, ամուսնանալու տարիքին հասած աղջիկ մը կ'առնու իւր դէմ, և կ'սկսի մի առ մի կեանքն անոր ճանչցընել, սովորեցնել ինչ որ դասատու մը չէ կարող ըսել, խրատել ինչ որ մայր մը զանց կ'առնու: Ինչ հարկ թէ հեղինակն այդ անգին խրատները Ֆրանսուհւոյն ուղղած լինի, միթէ հայուհին ալ նոյն տարիքը չունի՞, նոյն սրտով և ոգւով երիտասարդներու չպիտի՞ հանդիպի, և միթէ երկու աղգաց քահանայն ալ նոյն պսակով չի՞ միացնէր զանոնք:

Այս գիրքն աղջկանց դաստիարակութեան շէնքին վերջին քարը կրնայ համարուիլ, և անոնք

որ նախ հետաքրքրութեամբ կարդան զայն, թերթերը վերստին պիտի գարձենն, ուրիշ աչօք կարգալու համար:

Այն միջոցին յորում ամէն ոք ազգային լուսաւորութեան խնդրով կ'զբաղի, խելքի մօտ չէ՞ միթէ իզական սեռի դաստիարակութեան խնդիրն ալ յառաջ բերել, և դէր մ'ալ անոր տալ: Արդէն այս փոքրիկ հատորն իր մէջ շատ բան կը պարունակէ, և եթէ աղջիկ մը սիրով և յօժարութեամբ կարդայ զայն, ալ պէտք չպիտի զգայ ուրիշ խրատներու և խորհուրդներու:

Հայ աղջկու՛նք, քանի որ Ֆրանսուհին ձեզ օրինակ կ'առնուք ուրիշ առիթներու մէջ, գէթ այս անգամ ալ անոր ուսուցիչները ձեզ իբր ուսուցիչ ճանչցէք, և պիտի տեսնէք թէ ինչչա՛փ շնորհալի կ'ըլլայ կին մը և ակնածութեան արժանի երբ հոգին ալ դէմքին նման կը գեղեցկանայ, և երբ սիրտն աղնուացնելու այնքան խնամք կը տանի նա որքան ձգնած է շրջազգեստին վայելուց ձեւ մը տալու համար:

Գրական միութիւնը բարեբաղդ պիտի համարի ինքզինքը, եթէ իւր առաջին աշխատութեան պտուղը գեղեցիկ սեռը քաղէ, վասն զի նա ամենեն աւելի զիտէ յարգել և յարգել տալ, մասնաւանդ որ ազգ մը միայն այրերէ չի բաղկանար այլ և կիներէ:

Օրթագիւշ

16/28 Ապրիլ 1879.



## ՅԱՌԱՋԱԲԱՆ

Այս գիրքը պատուաւոր արք և կանայք միայն պէտք է կարդան : Աին մը կամ աղջիկ մը , որ ըստ ամենայնի առաքինի չ'է , այր մը՝ որ իւր գործոցը և կամ կանանց հետ ունեցած յարաբերութեանցը մէջ նենգաւոր է , այս գիրքը կարդացած ատեն պիտի զգայ որ ջղերն կը քստմնին ու կը կարկամին : Խենթի մը համար ալ վտանգաւոր է այս գիրքը կարդալ :

Տեսէ՛ք ուրեմն թէ ո՞րքան կը փոքրկանայ ընթերցողացս թիւն :

Ուրեմն , — պիտի ըսուի ինձ , — ինչո՞ւ համար գրեցիր այս գիրքը :

Վասն զի , ըստ իս , գիրք մը անհատական էակ մ'է , որ իրեն յատուկ հոգի մը ( իմաստը ) և մարմին մը ( ոճն ) ունի :

Եթէ այն հոգին ազնիւ է , եթէ այն մարմինը բարեկազմ և առողջ է , եթէ բովանդակ գործն տրամաբանական է , այսինքն ամբողջ արարչութեան իշխող օրէնաց համաձայն կազմուած է , գիրքը կը մեծնայ և կ'ապրի :

Ապա թէ ոչ, կամ մեռելածին մ'է, և կամ, հակառակ սկզբնական յաջողութեան, ոչնչութեան մէջ պիտի մարի և մոռցուի :

Յըացող մայրն աղա՛տ է միթէ իւր աղեաց պտուղն յաշխարհ չ'բերելու :

Իրաւ է թէ Աստուած արարչութեան մէն մի գործին դոյզն ինչ կամք շնորհած է : Բայց այնչափ : Մնացեալը կատարուած պարտուց շարքին մէջ կը մտնէ, զոր օրինակ՝ տղուն գեղեցիկ կամ տգեղ, առողջ կամ վատառողջ, հանճարեղ կամ ապուշ ըլլալը :

Գնա՛ ուրեմն, աղջի՛կս, աչքդ առնելով մեռնիլ կենաց սեմին վրայ, գնա՛ կնքահայրներ և կնքամայրներ գտի՛ր : Ալ հօրմէդ յոյսդ կտրէ՛ : Նա կը թողու զքեզ՝ կրտսեր եղբայրդ ձեռք առնելու համար, ինչպէս որ զքեզ ձեռք առնելու համար ձգեց քու մեծ քոյրերդ, որոնք քու արժանիքդ ունէին :

Ա.Լ.Է.ՔՍԱՆՏՐ Վ.Է.Ծ



ԹԷՆ ՈՐ

ԱՄՈՒՍԵԱՅՆԵԼՈՒ ԱՂԶԻԿ ՄԸ ՈՒՆԵՆԱՅԻ



Ա.

Ա՛լ հարսնցու աղջիկ եղար, սիրելիս : Գիտես թէ ի՛նչպիսի խնամօք և ո՛րպիսի արթնութեամբ հայրդ ու մայրդ հսկեցին բանականութեանդ և առողջութեանդ վերայ, վասն զի, զաւակս, ինչպէս որ բանականութիւնը հոգւոյ միակ առողջութիւնն է, այնպէս ալ առողջութիւնը մարմնոյ իրական գեղեցկութիւնն է :

Կանուխէն սխար կարդալ և խօսիլ՝ քաղաքակրթութեան նոր պատմութեան մէջ տեղ մը բռնող աղանց լեզուներն : Չէ թէ միայն գիտես քու երկրիդ պատմութեան համառօտութիւնը, հապա նաև սոցրեցուցի քեզ Երեզերական պատմութեան այն երեւելի դէպքերն որոց կրնար հասնիլ միտքդ, որ, թէև վաղահաս, տակաւին չէր կրնար պատճառներու և արդեանց փիլիսոփայութեանը մէջ մտնել :

Բայց որովհետեւ ա՛լ մեծցար, և կրնայ ըլլալ որ ամուսնանաս, ժամ է որ մտցնեմ զքեզ կենաց մէջ, այսինքն առն և կնոջ բնախօսական

պատմութեանը մէջ , որ ընկերութեան , և հետեւաբար բովանդակ մարդկութեան հոգին է :

Բ.

Երբեմն , ա՛ղջիկս , ինձի այնպէս կու գար որ ճակտիդ վերայ անձնական գոհունակութեան ճառագայթի մը չողան կը տեսնէի , երբ դոց կը գրուցէիր ինձ պատմութեան , աշխարհագրութեան և կամ լեզուի դասերդ : Խոստովանէ՛ . կը հպարտանայիր մտացդ և սովորելու մէջ ունեցած դիւրութեանդ համար :

Այս ժամուս դու ինքզինքդ գիտուն մը կը կարծես , վասն զի ուղղագրութեան սխալ չես ըներ , պատմութեան թուականները , ինչպէս նաև պարտիզին ու մարգագետնին ծաղկանց անունները գիտես : Ինքզինքդ բարեկամուհւոյդ՝ նօտարին աղջկանը հետ բաղդատելով՝ կը գոռողանաս , չէթէ , շիտակը գրուցելու համար , անկից աւելի ըսպիտակ ակռայներ ունենալուդ , հասա՛ . վասն զի Գերմաներէն և Անկլիարէն կրնաս ըսել . «կտոր մը հաց տուր ինձի» :

Գիտութեան հպարտութիւնն ի՛նչ աննիւ է : Բայց աւա՛ղ . բացարձակապէս բան մը չես գիտեր , վասն զի չես ճանչնար այն ընկերութիւնը , որու մէջ պիտի մտնես : Տակաւին շատ բան ունիս սովորելու , և կանանց մեծագոյն մասն , աղջիկս , իրենց երիտասարդութիւնն կը վատնեն և երջանկութիւննին կը ծախսեն կենաց գիտութիւնը սովորելու համար , որ նոյն իսկ անձին ճանա-

չումն է : Դու ինքզինքդ չես ճանչնար : Ինքզինքիդ վերայ ամենեւին տեղեկութիւն չունիս : Ձեռ գիտեր թէ ի՛նչ է կին մը , և պէտք է որ , դեռ չասուանացած , գիտնաս թէ ի՛նչ է այր մը : Հաւատա՛ խօսքիս , աղջիկս , առանց այս գիտութեան , կինը շատ անդամ դիպուածին և աղետից մատնուած է , եթէ ի վերուստ բողբոջին իրեն սեպհական շնորհով մը օժտեալ չ'ըլլայ :

Գ.

Դու՛ , աղջիկս , այնպիսի երկրի մը մէջ ծնած ես , որ կնոջ վրայ ամենէն աւելի սխալ գաղափար ունի : Գիտնոց կամ բանաստեղծներու՝ կնոջ վերայ քարոզած ո՛չ մի սկզբունք համաձայն է նորա բնութեանն : Ամենէն թուուցիկ վէպերն այնքան վտանգաւոր չեն պարմանուհւոյ մը համար որչափ մեր աշխարհի կանանց և ծանրագլուխ արանց իսկ կնոջ վերայ ունեցած կարծիքն :

Շատ ատեն է որ Ծռանսայիք որոշեցին տեսլականապէս առն և կնոջ Փիղիքական կատարելութիւնն ասպացուցանել : (1) Այս տեսութիւնը չը

(1) Թէ և վերջը պիտի բացատրեմ քեզ միտքս , սակայն քու դիտողութեանցդ առաջքն առնելու համար կ'ուզեմ մէկէն ըսել քեզ թէ՛ իմացական և բարոյական հաւասարութիւնը բացարձակ է երկու սեռերուն մէջ : Ինչպէս որ հայրն , որ իւր մօրն պտուղն ու աղջկանն արարիչն է ,

կրցին ի գործ դնել, վասն զի ասիկայ անկարե-  
ւին փորձել էր. բայց բոլոր ընկերական յիմարու-  
թիւններն, բոլոր վիպական անպատեհութիւններն,  
բոլոր գրական տարօրինակութիւններն, որոց հա-  
մար հանձարեղ և տաղանդաւոր անձինք հանձար  
ու տաղանդ վատնած են, խարեպատիր ար-  
գիւնքն են այն պատճառին, որուն սկիզբն հա-  
կառակ է բնութեան ճշմարտութեանը:

Մանաւանդ այս սուտը մտաց ապականու-  
թեան հայրն է, ապականութիւն մը, որ առաքի-  
նութիւնը ծաղրելի կ'ընէ և պատիւը սնտոխք կը  
համարի:

Աշըի'կս, երբ կարդաս այս նամակներն և  
խորհիս ասոնց վերայ, այն ատեն թոյլ կու տամ

նոյնպէս մտացի էակներու խմբովին շարժմանը մէջ  
երկու սեռերն յիրեար կը խառնին, զիրեար կը  
սերեն և փոփոխակի զիրեար կը ընուն: Հոգիները  
պէտք է որ զանոնք միմեանց միացնեն, վասն զի,  
ինչպէս որ միակ արարիչ զօրութիւն մը կայ, այն-  
պէս ալ թէ միտքն և թէ նիւթն ստեղծելու հա-  
մար մէկ ձեւ մը միայն կայ: Ասիկց յառաջ կու  
գայ որ կատարելագործեալ կին մը՝ կնոջ մարմնոյ  
մէջ առն հոգի մ'է, և կատարելագործեալ այր  
մը՝ առն մարմնոյ մէջ կնոջ հոգի մը: Սակայն եր-  
կու մարմնոց համար սոյն հաւասարութիւնը կը  
խզուի, անոնց կենաց մէջ շարժած միջոցնուն:  
Անոնց իւրաքանչիւրն իրեն սեպհական բնութիւն  
մ'ունի, որ այս ինչ իրաւունքներն կը պահանջէ  
և այնինչներն ալ կը մերժէ:

քեզ անցեալ, ներկայ և ապագայ բոլոր վէպերն  
կարդալու: Այն ատեն պիտի տեսնես որ մեր վի-  
պասաններուն շատը, քեզ պէս բնութիւնը չճան-  
շելով, առն և կնոջ իրաւանցն ու պարտուցն բա-  
ցարձակ հաւասարութիւն կը պահանջեն: Պիտի  
տեսնես թէ, այս սխալ սկզբունքէն ելնելով, կնոջ  
գէշ վարմունքը կ'արդարացնեն, և անկէց անհը-  
րաժեշտ ընկերութեան և օրինաց գլխուն եկած  
աղէտն կ'ուրանան:

Ֆրանսացիք, աշըի'կս, սովորութիւն ունին  
կեանքն նորատիներու առջեւ քողարկելու, և մը-  
տածելու կամ խօսելու ո՛չ մի իրաւունք կը շնոր-  
հեն անոնց: Ֆրանսայի մէջ պարմանուհի մը նոյն  
խակ անտեղեակ պէտք է ըլլայ իւր առաքինութե-  
նէն: Իւր հօրն ու եղբօրն գլխարկէն ու վերար-  
կուէն զատ ոչինչ պէտք է ձանձնայ յառնէ: Մինչ  
խակ ծանրագլուխ անձի մը հետ՝ մօրը ներկայու-  
թեանը միայն պէտք է խօսի: Պէտք չէ երբէք  
խոստովանի որ մարդկութեան մեծ բանաստեղծ-  
ներն կարդացած է. և եթէ խորհի՛ պէտք է իւր  
մտածմունքն պահէ, այսինքն իւր սիրտն, միտքն  
ու դատողութիւնը, և պէտք է որ մինչև ամուս-  
նութեան երկրորդ օրը Աիքստոս Ե.ի պէս մտա-  
ւորական նեցուկներ կրէ, ամուսնութիւն մը՝ զոր  
իւր միտքն, սիրտն ու դատողութիւնը յառաջուց  
դատապարտած են:

Ֆրանսացի պարմանուհին իրակուն կամ առ-  
երեւոյթ տգիտութեան ենթակայ է: Անոր իմա-  
ցականութիւնը ամուսնութեամբ միայն կ'ազա-  
տագրի: Արդ, որովհետեւ շատ հազուադիւս

ցառութեամբ, նա օժտի մը միջոցաւ կ'ամուսնանայ և կամ կը զրկուի ամուսնութենէն, ասկից կը հետեւի որ Ֆրանսուէին, որ ազատ ծնած է, ստիպեալ է կանխիկ ստակով դնել իւր բարոյական կեանքն ու նիւթական ազատութիւնը :

Եւ նոյն այն Ֆրանսացիք, որ կնոջ կեանքն այսպէս կ'ծծութեամբ կը շարեն, կ'ըսեն թէ կինն առն հաւասար է, և կրնայ անոր հակառակորդն ըլլալ :

Կրցողը թո՛ղ բացատրէ այս հակասութիւնը : Գալով ինձի, աղջիկս, կ'ուզեմ որ չ'ամուսնացած աղէկ մը գիտնաս առն և կնոջ հոգեկան և ֆիզիքական պատմութիւնը : Ասան զի ամուսնութիւնը, կնոջ իրաւունքներն պաշտպանելով հանդերձ, զայն այնպիսի պարտուց կ'ենթարկէ, որոնք, եթէ հաճոյքներ չ'ըլլան, այնքան դժուարաւ կը գործադրուին որ, երբեմն չ'վարանելու, վայրկեան մը չ'կրնայ համար կնոջմէ մ'աւելի բան մը, հրեշտակ մ'ըլլալ պէտք է : Ի զուր կը խորտակես այն շղթայն. վարատեալ բեկորներն, օձի բեկորներու պէս, ինքնիրեննին կը միանան : Ասկից զատ կը բաւէ որ օր մը միայն կրած ըլլաս զայն, և անոր նշանը մնալով՝ զքեզ կը ցուցնէ ժողովրդեան և թշուառ կ'ընէ :

Կ'ուզեմ որ չ'ամուսնացած, և չ'է թէ միայն մտօք, այլ նաև ամուսնութեան պահանջած պարտքերովն ու անձնութեամբն յառնէ գեր ի վեր չ'եղած, — վասն զի ամուսնացած կին մը՝ որ իւր պարտքերն կը կատարէ, գեր ՚ի վեր է քան զամուսինն, — կ'ուզեմ որ այն շղթայն ոսկեզօ-

ծելու և զանիկայ արեւուն և լուսոյ առջեւ փայլող մատանիի մը վերածելու արուեստն գիտնաս :

Կ'ուզեմ գիտնաս թէ ինչի՞ կը ձեռնարկես. կ'ուզեմ որ բնութեան օրինացն համեմատ երջանիկ ըլլաս, չէ՞ թէ դիպուածաւ, այլ ՚ի շնորհս նոյն բնութիւնը և ինքզինքդ ձանչնալուդ :

Մէկ խօսքով, կ'ուզեմ որ այս վայրկեանէս սկսեալ դո՛ւ կառավարես ինքզինքդ, վասն զի կրնայ ըլլալ որ այսօր կամ վաղն ծնողքդ կորսնցնես. կրնայ ըլլալ որ ստիպուիս հացդ ուրիշներէն վատտիլ : Կ'ուզեմ, աղջիկս, որ ինչ վիճակի մէջ ալ որ ըլլաս, որք կամ ծնողացդ սիրելի դուստրը, հիւանդ կամ առողջ, առանձին կամ հրապուրելներէ չրջապատեալ, կարենաս չէ՞ թէ միայն պահել յարգդ ու առաքինութիւնդ, հապանակ պատիւ բերել քու սեռիդ, որ իւր սեպհական բնութիւնն ունի, և որ այն բնութիւնն և իւր պարտքերն պղծածին պէս, անդառնալի կերպիւ կը մատնուի թշուառութեան :

Դ.

Խոստովանէ՛, աղջիկս, յառաջարանս կարգալով քիթդ բերանդ ծռմակեցիր, վարդագոյն բերանդ պատրաստ է հօրդ ետական սկզբանցն գէ՛մ բողբոջելու : Արջատէս, առն և կնոջ անհաւասարութեանը դէմ կը դիմուիս : Բնաւ միտքըս ինկած չէ մարդկութեան պատմութեանը մէջ կինը աւելի ստորին դասու մը մէջ դնել քան զայրն : Չէ թէ միայն կը հաւատամ որ կինն ը-

դունակութեամբ, մտօք և բանականութեամբ առն հաւասար է, հապա նաև զգացմամբ և առարինութեամբ գեր ի վեր է քան զայրն : Պէտք է որ այր մը իւր սեռին խենթն ըլլայ վայրկեան մը հաւատալու համար թէ զինքն յղացող և արեամբըն սնուցանող էակը, յայրը, և կամ իւր սղեաց պտուղն եղող էակը, ալ ջէլը, իրմէն ստորին ըլլան : Ո՛չ, հազար անգամ ո՛չ, այր և կին միևնոյն բանաւոր էակին երկու երեսներն են, և այս նըկատմամբ, բոլորովին հաւասար :

Բայց այլ է հասարակութիւն, այլ է նահանգութիւն : Կին մը երբէք նման չէ առն, բայց իւր գործարած պարտքերովն անոր հասարակ է : Այս բնական հակապատկերէն կը ծնին ներդաշնակութիւն, միութիւն, սէր : Հոգեկանապէս կինն առն հաւասարն է, Ֆիզիքապէս՝ ո՛չ :

Այլ է կնոջ բնախօսութիւնն, այլ է առն բնախօսութիւնն : Ա՛էկ սեռին երջանկութիւնը միևսինէն վեր չ'է, բայց միևնոյն տեսակէն չ'է : այս փիլիսոփայական տարբերութենէն կը ծնի պարտուց և իրաւանց զանազանութիւնը :

Աղջիկս, դիտէ՛ որ մարդկային օրինաց համեմատ չեմ խօսիր, թէ և այնքան մտորութեանց հակառակ, ընկերական օրէնքներն ամէն բանէ յառաջ իրաց բնութեանը վերայ հիմնուած են : Արք գրեթէ միշտ անիրաւ գտնուած են կանանց մասին, բայց շատ անգամ ալ կանայք իրենց բնութեան օրէնքներն ուրացած, մինչ իսկ պղծած են :

Ո՛չ ալ յանուն կրօնից կը խօսիմ. վերջէն դու անձամբ պիտի պատշաճեցնես բանականութեանդ

օրէնքներն կրօնական օրինաց, որոնք ամուսնութիւնն կը վարեն և ամենուրեք առն և կնոջ վերայ պարտքեր դրած են :

Յանուն բնութեան կը խօսիմ, որ ամենուրեք մէկ է, վայրենեաց, ինչպէս նաև ամենէն քաղաքակիրթ ժողովրդոց մէջ, ի Բարիզ, ինչպէս ի Կոստանդնուպօլիս, և որ ամենուրեք զկինն հպատակեցուցած է մասնաւոր օրինաց, որոնք կը զանազանին անոնցմէ, որոց ստիպեալ են հնազանդիլ արք, և որոց դէմ շիրնար կինն ասպտամբիլ առանց իւր անհատականութեան նախնական և յաւիտենական օրէնքը պղծելու. պղծութիւն մը, ուսկից յառաջ կու գայ և պիտի գայ միշտ և ամէն տեղ իւր թշուառութիւնը :

Ե.

Գիտցի՛ր, որքան թե, պարմանահայն բնութիւնն ամուսնութեամբ կը խորտէ, բայց այրը մի և նոյն օրէնքն ենթակայ չէ :

Կրնայ ըլլալ որ աղջիկ մնաս, բնաւ չ'ամուսնանաս. կրնաս երիտասարդութիւնդ և գեղեցկութիւնդ գաղտնիարի մը դռնէլ. կրնայ ըլլալ որ այդ գաղտնիարն Աստուած կամ պղատոնական սէր կոչուի, սոյսինքն բոլորովին իտէական սէր մը. բայց այն ատեն դու կնոջ մը չ'ես ըլլար, այլ կոյմ մը : Կոյս ըսուածը անձ մ'է՛ որոյ մարմինը բնաւ յարձակում մը չէ կրած մարմնաւոր սէրէն : Բայց կոյմ մը կնոջ մը չէ :

Կինն՝ առն ընկեր եղած կոյս մ'է, որու հե

կը խառնուի սիրով, անոր հետ մէկ մարմին միայն ձեւացնելու համար : Բայց սիրոյ այս խորհուրդը մէյ մը որ կատարուի, այն կինը, նոյն իսկ ասով, այն առն վերայ նուիրական և յաւիտենական իրաւունքներ կը ստանայ, վաս զի «էբոյ Դաւաթ կնոջ Բնութիւնը Ժոխուած է :

Կոյ՝ էր և կնո՛ւ եղաւ, և նոյն դաշին յիշատակը երբէք չ'պիտի ելնէ իւր մտքէն : Եւ երբէք չ'պիտի կարենայ ալ իւր կուսութեան իրաւունքներն պահանջել :

Այս դաղտնեաց մէջ, կարծես թէ այրն բընութեան մի առանձնաշնորհութիւնն կը վայելէ : Իւր մարմինը փոխուած չէ : Ասոր համար բոլոր ժողովուրդք ամուսնութիւն բառով կը հասկնան այր մը, որ արդէն կիներ ճանչցած է, և որ կ'ամուսնանայ կուսի մը հետ : Ո՛չ մի ազգի, նոյն իսկ Քրիստոնէից մէջ տեսնուած չէ ամուսնութիւնը չը ճանչնալ, առաջուց առն խել մը կիներ ճանչցած ըլլալուն համար :

Բայց իրաց բնութիւնը կ'ուզէ որ այրը կոյս մ'ընտրէ իրեն կին և զաւակացը մայր ըլլալու համար :

Մի՛ բարկանար այս անհաւասարութեան վերայ : Ընդ հուսյ պիտի տեսնես թէ բնութեան մի և նոյն օրէնքն բացարձակ հաւատարմութիւն կը պահանջէ յառնէ իւր կնոջն համար, և թէ խել մը բնախօսական նկատմամբք, կինն գեր ի վեր է քան զայրն :

Աւելի հեռուն պիտի բացատրեմ քեզ թէ, ինչո՞ւ համար բնութիւնը, նոյն իսկ կրօնքէն դուրս,

առ կինն հաւատարմութիւն կը պահանջէ յառնէն : Բայց առաջ պէտք է ըսեմ քեզ թէ, ամուսնոյն անհաւատարմութիւնն բնաւ և ոչ իւրք հրաման կուտայ կնոջ վրիժառու ըլլալու և ինքն ալ անհաւատարիմ դռնուելու :

Յիշէ՛ միշտ թէ յանուն բնական օրինաց կը խօսիմ քեզ, և ոչ երբէք յանուն մարդկային օրինաց :

Արք իրենց նպատաւոր օրէնքներ շինած են — զօրաւորագոյններն ըլլալնուն համար. — բայց չեն կրցած բնաւ ստեղծել կամ փոխել կնոջ Քրիզական բնութիւնը :

Սոյն օրինաց չ'մտեցած, կ'ուզեմ դիտել տալ քեզ թէ՛ ոչ մի ազգի մէջ հաւատարիմ կին մը, որ իւր անհաւատարիմ ամուսինը կը սիրէ, ո՛չ յարգը կը կորսնցնէ և ո՛չ առաքինութիւնը . հապա ամէն տեղ և ամէն ժամանակ այր մը, որ անհաւատարիմ կին մը կը սիրէ, անպատիւ էակի մը պէս աչքէ կ'լինայ : Շահը, ընկերական վիճակը, ծայրայեղ տրիփ մը, վրէժխնդրութեան թաքուն նպատակ մը կամ իւր որդւոցն համար իբր զոհորութիւն մը կրնան ամուսնոյ մը աչքերն փակել տալ իւր կնոջն գէշ վարմունքին վերայ : Կրնայ նաև անոր մտացն ու գեղեցկութեանը վերայ ըսքանչանալ, բայց չի կրնար զայն իրականապէս սիրել, չի սիրեր զայն : Պիտի կարդաս վէպեր որ ասոր հակառակը կը զրուցեն . կը ստեն անոնք : Անոնք իրենց սուտ պատմութիւններն սիրոյ առջեւ առն և կնոջ բացարձակ հաւասարութեանն սխալ սկզբանը վրայ կը հիմնեն : Ամէն պարագայի մէջ,

այնպիսի այր մը անսպառիւ , կին մը երջանիկ ընելու անկարող , և նոյն իսկ իւր անհաւատարիմ կնոջմէն անարգուած այր մ'է :

Այր մը կրնայ պատուաւոր այրիի մը հետ ամուսնանալ և զայն իւր կենացն ընկերն ու զաւակացը մայր ընել . բայց բնաւ զայն այնպէս չը պիտի սիրէ ինչպէս պիտի սիրէր եթէ իր հետ ամուսնացած ատենն կոյս ըլլար :

Կնոջ առ միակ այր մ'ունեցած հաւատարմութիւնը առաքինութիւն կը կոչուի :

Առն առ միակ կին մ'ունեցած հաւատարմութիւնը «բ» կը կոչուի :

Այս երկու զանազան բաւերուն մէջ կը գըտնուի երկու սեռից անհաւասարութեան գաղտնիքը : Կին մը առանց առ միակ այր մը բացարձակապէս հաւատարիմ ըլլալու՝ չ'կրնար երջանիկ ըլլալ : Այր մը իւր կնոջն անհաւատարմութիւն մ'ընելով՝ իւր պատիւը չ'կորսնցներ :

Պիտի հարցնես թէ ո՞ւսկից յառաջ կուգայ այս անհաւասարութիւնը , և թէ ինչո՞ւ բնութիւնը զկինն ենթակայ ըրած է այսքան դժուար վիճակի մը , որն որ , քիչ անգամ ամուսինն ինքն անձամբ ընտրելուն համար՝ աւելի անտանելի կ'ըլլայ : Բայց սիրոյ բնախօսութեանը մէջ տակաւին ուրիշ գաղտնիքներ կան զորս չես գիտեր , և պէտք է որ յառաջ զանոնք յայտնեմ քեզ :

Քիչ ատենէն պիտի տեսնես թէ կնոջ բոլոր կարծեցեալ ստորնութիւններն իրեն փառք են , և թէ առն ընկերական առանձնաշնորհութիւններն կ'աներեւութանան առաքինութեան մեծու-

թեանն առջեւ , որ կնոջ սեպհականութիւնն ու նեցուկն է :

2.

Կնոջ բացարձակ հաւատարմութեանն անհրաժեշտ ըլլալն կը հասկնաս , աղջիկս , եթէ սա չափը միայն գիտնաս թէ՛ առն անհաւատարմութիւնը , ի բաց առեալ հազուագիւտ պարագաներ , զաւակաց վերայ ազդեցութիւն չ'ունի , որոնք միշտ իրենց հօրն ու մօրն զաւակներն են . բայց անհաւատարիմ կին մը չէ՛ թէ միայն անհարազատ զաւակներ կու տայ ամուսնոյն , հապա նաև քիչ ատենէն մայր ըլլալէ կը դադրի , նոյն իսկ Ֆիզիքական պատճառաւ :

Երբ որ վերը գրուցածներուս պատճառը բացատրեմ քեզ , թերեւս հետեւութեանց որ մէկն ուզես ուրանալ . բայց մի՛ մոռնար զայս . ինչպէս որ կոյս ըլլալով՝ դեռ չես գիտեր թէ ի՞նչ է կին մը , այնպէս ալ առաքինի կին մը անհաւատարիմ կնոջ բնութիւնը չ'գիտեր :

Եւ այս է պատճառը որ իզական հետաքրքրութիւնը բռնի առ ոճիր և թշուառութիւն կ'առաջնորդէ :

Վա՛յ , երիցս վա՛յ այն կնոջ որ ա՛լ սովբերու բան չ'ունի : Մէ՛յ մը որ այս վերջի սահմանն անցնի , ա՛լ անհնար է անոր ետ դառնալ , իւր առաքինութիւնը վերստին ձեռք ձգելու համար :

Ա՛լ կին մը չ'է նա , այլ էգ էակ մը , որ դատապարտուած է ամբողջ կենացը մէջ իւր ստուե-

րին ետեւէն վազել, առանց կարենալ զայն բռնելու :

Ասիկայ աշխարհի վերայ դժոխքն է : Վասն զի, գիտցիր թէ՛ կէն ինչ, որ, ահաւանացած կամ ո՛չ ահաւանորէ՛ է առայր ինչ, ՆՈՅՆ ԻՍԿ ԻՒՐ ԲՆՈՒԹԵԱՄԲՆ ԱԼ Զ՛ԿՐՆԱՐ ՀՈՒՅՄԱՐԻՄ ԸՂԼԱԼ ԵՒ ՈՉ ՄԷԿՈՒՆ :

Կնոջ ցանկութիւնը ԱՆՍԱՀՄԱՆ է : Առն ցանկութիւնը ՍԱՀՄԱՆԱԻՈՐ է : Այրը, որչափ ալ որ մոլորեալ ըլլայ, չարեաց մէջ սահմանաւոր է, և կինը չ՛է : Գաղտնիք կամ ո՛չ, բնութիւնն այսպէս ուղած է, վասն զի նոյն իսկ այս Ֆիզիքական օրէնքովն է որ կնոջ առաքինութիւնն ստեղծած է : Առաքինութիւնը զօրութիւն ըսել է : Արդարեւ կինն հոգւոյ մեծ զօրութեան մը կարօտ է հաւատարիմ գտնուելու համար ամուսնոյ մը, զոր շատ անգամ չ՛սիրեր, և որու բացարձակ հաւատարմութիւն մը պէտք է նուիրէ, չէ՛ թէ առն փրկութեան համար, հասկա՛ իւր անձնական երջանկութեանն համար :

Բացառութիւններն այնքան հազուադիւտ են որ, կանոնը կը հաստատեն : Կինը ասոր հակառակը կը կարծէ, կը սխալի : Այս այրը, կ'ըսէ ինքնիրեն, ամենասիրելիս պիտի ըլլայ : Բառե՛ր, բառե՛ր միայն :

Եթէ բարոյական զօրութիւնը կնոջ բնութիւնը չ'ըսպէ, եթէ, անդու՛նդին եղերքն եղած ատեն, սոսկալով յիտէականն չապաստանի, որ միակ ապաստանարանն է, այն ատեն առաջին մեղք մը երկրորդ մը կը ծնի, ետքը երրորդ մը, և իրեն

համար անկրկանց Երազեոց ճշմարիտ շղթայ մը պիտի լինի :

Այրը, որչափ որ ալ հաճոյատէր ըլլայ, նոյն իսկ իւր բնութեամբն, ուզէ չ'ուզէ իւր անհաւատարմութեանցն մէջ կը դադրի : Արարիչը՝ չարիք գործելու անսահման կարողութիւնը մերժած է անոր : Բայց անհաւատարիմ կին մը, կարենալով միշտ շարունակել իւր ճամբան, չ'գիտեր թէ ո՛ւր պիտի դադրի : Մէյ մը որ հոգին մարմնէն յաղթուի, մարմնոյն անյազութիւնը զայն յառնէ յայր կը ձգէ, բնառելով ամենուրեք և ոչ մէկ տեղ կարենալով գտնել երեւակայեալ երջանկութիւնը :

Կնոջ միակ երջանկութիւնն՝ մարմինն՝ հոգւոյ, տրիփը՝ սիրոյ, և նիւթը՝ իտէականին զոհելն է :

Ամենէն թշուառ կինը, այն՝ որ ապերախտի մը հաւատարիմ է, նորէն աւելի երջանիկ է քան այն շնացող կինը կամ այն բողբ, որ, սիրահարի մը բազկացը մէջ, յաւիտենակուն սէր մը կ'երդնու անոր, վասն զի կը ստէ :

Այս սիրահարը եթէ տաղանդի, հանճարի տէր ալ ըլլայ, եթէ Ազդողնի պէս գեղեցիկ ալ ըլլայ, իրեն համար մի միայն նիւթական զօրութեան ներկայացուցիչն է և ուրիշ բան չ'կրնար ըսալ :

Այն կինը զայն պիտի խաբէ. պէտք է որ խաբէ, վասն զի ալ անոր համար սէրը ուրիշ բան չ'է՛ եթէ ոչ ՆԻԻԹԻՆ ԲԱՐՁՐԱԳՈՅՆ ԶՕՐՈՒԹԵԱՆՆ ԽՈՒՋԱՐԿՈՒԹԻՒՆԸ :

Վասն զի Բնութիւնը կ'ուզէ որ կնոջ իրեւելուն ԱՌՄԻԱԿ ԱՅՐ ՄԸ Եղած հասարակութեան մէջ կ'այտնայ :

Վասն զի այս հաւատարմութենէն կը բղխի մարդկութիւնը :

Վասն զի առանց այս հաւատարմութեան , կրնը մտի շնչաւոր կոյտ մը միայն ներկայացնելով , կամ ապուշներ պիտի ծնի և կամ ամուռ պիտի մնայ :

Վերջին հաւատարիմ կնոջ հետ կ'աներեւութանայ այրը :

Առն հետ՝ մարդկութիւնը :

Եւ մարդկութեան հետ՝ ամբողջ բնութիւնը :

Է.

Աղջիկս ,

Ամէն ատեն մեծ օրէնսդիրներն բնութեան առողջապահական օրէնքներն կրօնական պատուէրներու փոխած են : Արդարեւ կրճ+ բառը կապ կը նշանակէ , և բնութեան օրէնքներն օգտաւէտ և խաղաղարար կապերով զմարդիկ կցելու համար շինուած են : Ամուսնութիւնը բնութեան այս կապերուն մին է , քաղցր կապ մը , վարդերու , փրջերու և պտղոց կապ մը , որ բնաւ շղթայի պէտք չ'է փոխուի : Եղթայ եղածին պէս , մարդս կ'ուզէ զայն խորտակել , և օրէնքն , եթէ բնութեան վերայ հիմնեալ է , անոր օգնութեան կու գայ , կամ ապահարզանով և կամ առժամանակեայ բաժանմամբ :

Օրինաւոր ամուսնութիւնը կը նմանի երկաթներու վերայ քալող վայրաշարժ մեքենայի մը : Ի շնորհս այս երկաթներուն , որոնք բնութեան օ-

րէնքները կը ներկայացնեն . վայրաշարժ մեքենայն , զոր կրակը ճամբայ կը հանէ , արագութեամբ կը յառաջանայ և անվտանգ կը հասնի պէտք եղած տեղն : Եթէ այս երկաթներն չ'ըլլային , վայրաշարժ մեքենայն քիչ մը տեղ պիտի յառաջանար անկանոն կերպիւ , և ետքը պիտի երթար ինար անդունդի մը մէջ , որ բոլոր իր կերակին և շարժմանը վտահոգներուն գերեզմանը պիտի ըլլար : Ճիշդ ասոր պէս է առն և կնոջ ապօրինաւոր միութիւնը , շարժում մը , որ անկանոն կրակէ մը յառաջ եկած է , և ամուսնոց իւրաքանչիւրին յաջ և ի ձախ խոտորմանցն թոյլ կու տայ և յանդունդ կ'առաջնորդէ :

Արդէն ըսի քեզ թէ , նոյն իսկ այնպիսի երկրի մը մէջ , ուր ապահարզանն ընդունուած չ'ըլլայ , առն անհաւատարմութիւնը երբէք իրաւունք չ'իտար կնոջ անհաւատարիմ ըլլալու : Սակայն առնական այս անհաւատարմութիւնն ալ բնութեան օրէնքին մեղապարտ մի պղծումն է , վասն զի բնութիւնը միահնութեան համար ստեղծած է զայր , այսինքն մէկ կրն մ'ունենալու համար միայն , իրենը : Արք , որ ըստ իրենց հաճոյիցն օրէնքներ կը շինեն , այս հիմնական ճամարտութեան դիւրաւ չեն համոզուիր : Վասն զի այր մը անհաւատարմութիւն մ'ընելով Քիզիբայէս չ'փոխուիր , ասկից առնելով կը կարծեն թէ բնութիւնը զայն շատ մը կրնէր միանգամայն ունենալու համար ստեղծած է : Ասիկայ ահագին սխալ մ'է , և Գրիստոնէական այն օրէնքը , որ ամուսնութիւնը խորհուրդ մ'ըրած է , այսինքն առն և կնոջ մէջ բացարձակ

հաւատարմութիւն , նոյն իսկ բնութեան օրէնքին վերայ հիմնեալ է , բնութեան՝ որ զինքն ստեղծող Աստուծոյն մի ծագումն է :

Աղէկ միտքդ պահէ՛ ըսելիք . իւրաքանչիւրն իւր տեսակն աճեցնելու համար ստեղծուած բնութեան բոլոր արարածներուն մէջ կինը միայն կայ որ միշտ իւր ամուսնոյն ընկերն ըլլալու համար ստեղծուած է : Նա միայն դաշտանաւոր է : Ստորին արարածոց ոչ մէկուն էզն այս առաւելութիւնն ունի :

Արարիչը զկինը միայն ստեղծեց իւր ձեռքն այնպէս մը որ , բաց ի անմաքրութեան քանի մը օրերէ , կարենայ միշտ սիրել իւր ամուսինը և սիրուիլ անկից : Այրն ոչ մի պատրուակ ունի առ կինն անհաւատարիմ գտնուելու :

Ուրիշ հիւանդութեանց պարագայներն փոփոխակի և կատարելագոյն հաւասար են : Ո՛չ մի մահկանացու զերծ է այս դէպքերէն : Այրը այս ոճիրը գործելով (վասն զի ոճիր մ'է) , ցածութեամբ կը նմանի արու անասնոյն , որ ամուսնական հաւատարմութիւն չ'ձանչնար : Բայց արու անասունը անհաւատարիմ առն չափ անարդելի և յանցաւոր չ'է , վասն զի ընտրութիւն չ'ունի :

Բնութեան օրէնքը կ'ուզէ որ էգ անասունը , յղանալուն պէս , արուին չ'թողու որ իրեն մերձենայ : Արու անասունն նոյն իսկ բնութենէն արգիլուած է մէկ էգի հաւատարիմ ըլլալէ : Ասոր համար ամուսնութիւնը անասնոց աշխարհին մէջ ծանօթ չ'է : Ահառնութիւնը Բուրբիէն մարդկայն է , և միացեալ այն ու կենը աւելի երեշտակաց կը մտեցնէ թան

Թէ անանոց : Զմարդ աւելի յերկէս կը բարձրացնէ թան յերկեր կ'ընկնէ :

Մի քանի թռչուններ մէկզմէկու հաւատարիմ են , բայց միայն թուխի ժամանակ , վասն զի նոյն միջոցին էգը կարօտ է որ արուն ուտելիք տայ իրեն , ինչպէս նաև այնչափ ատեն որչափ որ ձագերն դեռ չեն կրնար ինքզինքնին սնուցանել : Այն միջոցն անցնելուն պէս , թռչունը , որ չորքոտանիէն աւելի եթերական է , ա՛լ հաւատարմութեան օրէնքը չպահեր , որն որ մի միայն մարդկային ամուսնութեան պահուած է , որ , ամոլ մը միացնելով , բացարձակ հաւատարմութեամբ կը հրեշտակացնէ զանոնք , չէ թէ բնութեան օրէնքէն դուրս և անկից վեր , այլ անոր բոլորովին համաձայնութեամբ : Վասն զի , ով որ բնութեան օրէնքը կը պղծէ , կը պղծէ նաև Աստուծոյ օրէնքը , վասն զի մահկանացուի մը համար անկարելի է գիտնալ Աստուծոյ օրէնքներն առանց բնութեան օրինացն նայելու , որոնք իւր գործերն են , և զորս մարդ կրնայ ստանալ գիտութեամբ և փորձառութեամբ : Այն օրէնքն կամ դաշնը , որ ամուսնացեալ առն կամ կնոջ հրաման կու տայ , ինչ պատրուակաւ կ'ուղէ ըլլայ , անհաւատարմութիւն մ'ընել , սուտ՝ և բնութեան ու Աստուծոյ օրէնքին հակառակ է :

Միայն թէ բնութիւնը չ'պահանջեր որ մի և նոյն այրն ու մի և նոյն կինը յաւիտեանս յաւիտենից միացեալ մնան , անոնց իւրաքանչիւրին ուճիրներն ու մոլութիւնները մէկդի ձգելով : Զուգեր նաև որ ոճրի մը , մոլութեան մը համար , կամ

հակակրօթեաթի իրարմէ բաժնուած այր մը և կին մը ցյաւելտեան սէրէ և զաւակներ ունենալու երջանկութենէն զրկուին : Միայն ամուսնութեան միջոցին բացարձակ հաւատարմութիւն կը պահանջէ :

Մէկ մը որ օրինօք բաժնուին , արդարեւ ըզձալի և իտէականին աւելի համաձայն կ'ըլլար որ անոնց իւրաքանչիւրն հրաժարէր սիրելէ , բայց բանի որ այս իտէականը մահկանացուաց կարողութենէն վեր է , օրէնքը թոյլ տուած է ապահարզանի , որով ամուսնոց իւրաքանչիւրն կրնայ կրկին ամուսնանալ և նոր հաւատարիմ միութիւն մը կազմել :

Ասիկայ ամուսնութեան իտէականը չ'է , բայց համաձայն է բնական օրինաց :

**Ը.**

Ընկերութեան մէջ միշտ գտնուած են երազատեսներ, որոնք ուզած են բնութեան օրէնքները փոխել :

Ամենէն յառաջ յայտարարած են թէ , սիրօք առջեւ , այր և կին հաւասար են :

Ետքը , այս սխալ սկզբունքէն ելնելով , և սիրտըն աջ կողմը գետեղելէ վերջը , ամէն տեսակ դեղ հնարած են զայն նորէն ձախ կողմը դնելու համար : Ոմանք կ'ըսեն թէ որդւոյն հարազատութեանն համար մայրը կը բաւէ , մոռնալով որ անհաւատարիմ կին մը մայր չ'է և չ'կրնար ըլլալ , և թէ վաղ կամ անագան որդին սիրահարներուն պիտի զոհէ : Մայր ըլլալու համար ամենէն յառաջ

ամուսին կամ ամուսին ըլլալու արժանի պէտք է ըլլալ , այսինքն որդւոյն հօրն հաւատարիմ :

Ոմանք ալ , ամուսնութեան ղէմ խօսելով , կ'ամբաստանեն ընկերութիւնը հնարած ըլլալուն համար այս կազմը , որ բնութեան մէջ չ'կայ :

Արդ , ամէն տեղ ամուսնութիւնն ստեղծողը բնութիւնն է միայն , որ զայն ստեղծած է կնոջ իրաւունքներն ու յարգը պահելու համար , բայց միշտ սա պայմանաւ որ նա իւր ամուսնոյն հաւատարիմ պիտի մնայ , մինչ իսկ եթէ նա իրեն անհաւատարիմ գտնուի :

Արդարեւ գիտես հիմայ թէ , կինն առն հաւասար չ'ըլլալուն , իւր բնութիւնը սիրով կը կերպարանափոխուի , մինչ առն բնութիւնը չ'փոխուի :

Գիտցար նաե թէ այրը , որ սիրով չ'փոխուիր , նոյն իսկ Փիզիքապէս սահմանեալ ըլլալուն , բնութեան օրինաց համեմատ մէկ կին մը միշտ սիրելու ենթակայ է , եթէ ոչ զայն մի միայն սիրելու , և , եթէ այս կինն իւր հաւատարմութեան պարտքը կատարէ , այն այրն արարածներու յետինն եղած ըլլալու է որ կնոջ իրաւունքներն չ'ապահովէ :

Կինն սիրով չ'է որ շատ կը նստած , այլ աւտիւսթեաթ : Շատ անգամ կնոջ սէրն , իւր պահանջող բնութեամբն , զօրութեան և ժամանակի մեծ զտհողութիւն մը կ'ուզէ ամուսինէն : Բայց առաքինութիւնը կը շղթայէ անոր հոգին , կը գերէ իւր միտքը , և քաղցր բարձ մը կ'ըլլայ ազատութեան կամութեանցն :

Հիացի՛ր արարչութեան օրինաց վերայ : Եթէ

այրն իւր բնութեանն անայլայլութեամբն կնոջ չափ տափոտ ըլլար, ամուսնութիւնը անկարելի պիտի ըլլար, և կին չ'պիտի գտնուէր: Նա արուին էգը պիտի ըլլար:

Եւ եթէ կինն, իւր ցանկացող բնութեանն յաղթելու համար հոգւոյ ամբողջ զօրութեանցն, սրտին բովանդակ ամբօութեանը պէտք չ'ունենար, բնաւ չ'պիտի կարենար վայրկեան մը համբերել այն մարդուն արհամարհանացն, որու տեղի տուած է, բնաւ չ'սիրտի ճանչնար ամուսնական հաւատարմութիւնը, և ամուսնութիւն չ'պիտի ըլլար:

Եւ առանց ամուսնութեան, չ'կայ ընկերութիւն:

Վասն զի կինն, ամուսնութեան միակ դիւցազնուհին, մարդկութեան քրմուհին ըլլալուն համար, ինքզինքին յաղթելու համար բարոյական աւելի հաստատուն զօրութեան մը կը կարօտի:

Վասն զի կանուխէն վարժուած է մարմինը՝ ոգւոյն, նիւթը՝ իտէսկանին, սէրը՝ առաքինութեան գոհել, ասոր համար առն և հրեշտակին մէջտեղն բռնող մասնաւոր էակ մ'է: Եւ եթէ իւր առաքինութեամբը գեր ի վեր չ'ըլլայ քան զայր, այն ատեն ուզէ չ'ուզէ առն և սատանային մէջ տեղն կը գտնուի:

Քիչ անգամ կը պատահի որ այս միջին աստիճանին մէջ մնայ: Քիչ ատենէն, անկուժէ անկուժմ, սէրէ սէր, անասուններէն աւելի վար կ'իյնայ:

Թ.

Կը տեսնես որ ամուսնութիւնը, որքան ալ որ ծանր պարտուց կ'ենթարկէ զկինն, բայց և այնպէս անոր իրաւանցն, երջանկութեանն ու պատուոյն միակ նեցուկն է: Գրեթէ միայն ամուսնութիւնը կրնայ կնոջ տիրոջան տալ անոր, քանի որ իրր թէ ազատ կինը առն համար հաճոյից գործի մ'է և եթ: Այրը կրնայ ըլլալ որ յարի անոր, բայց զայն չ'կրնար յարգել և սիրել:

Չ'կրնար նաև մայր ըլլալ, վասն զի որդին չափահաս եղածին պէս, իւր մենութեանը պատճառն պիտի հարցնէ իրեն: Որդին մայր մ'ունենալով չ'բաւականանար: Հայր մը պէտք է անոր: Բնութիւնն անհրաժեշտ կը պահանջէ այս ընտանեկան երրորդութիւնը, և ծննդեան օրինաւորութիւնը նախապաշարուժ մը չ'է բնաւ:

Մարդիկ միշտ կը պահանջեն այն արեան մաքրութիւնը՝ ուսկից սերած են: Եթէ Յոյներն կը գոռողանային Ողիւմպոսի աստուածներէն սերած ըլլալուն համար, դո՛ւ, որ պարզ պարմանուհի մ'ես, կրնաս հպարտանալ առաքինի մօր մը և պատուաւոր հօր մը զաւակն ըլլալուդ: Ասկից բարձրր ազնուականութիւն չ'կայ գրեթէ:

Առանց հօր ընտանիք չ'կայ, վասն զի հայրն է որ իւր անունը կու տայ որդւոյն:

Ապօրինի զաւակ մ'անուն չ'ունի:

Ասկից զատ, մի՛ կարծեր թէ, եթէ հայր չ'ըլլայ, կին մը իւր մօր պարտքերն ճշդիւ կատարէ: Կինը իւր բնութեամբն միշտ հարձի ազատ

կեանքին դիւրաւ կը միտի : Ամուսնոյ իրաւունքներն վայելած ատեն միայն ուրախութեամբ և երջանկութեամբ կը կատարէ մայրական ազնիւ պարտքերն :

Եւ եթէ հայրը չ'ըլլար որ աշխատէր և ընտանիքը սնուցանէր , մայրը , որչափ որ ալ մեծ ըլլար իւր մայրական սէրը , շուտով պիտի ընկճէր ընտանեկան և արտաքին աշխատութեանց կրկին բռնին ներքեւ :

Նաև հայրն ալ որդւոյն համար չ'պիտի աշխատէր՝ եթէ կնոջ հուատարմութեանն վրայ վստահ չ'ըլլար , վասն զի ապահովապէս չ'պիտի գիտնար այն որդւոյն իրն ըլլալը :

Այս բնական և ընկերական պատճառներով , հայրը , մայրը և որդին նախ ընտանիքը , ետքը տունը , ետքը գիւղը , ապա քաղաքը , նահանգը , հայրենիքը և վերջապէս մարդկութիւնը կը կազմեն :

Եւ այս է պարտաւոր որ , ամուսնացեալ կնոջ աստիճանը բարձրագոյն ընտանեկան բնութեան բնութիւնն է :

Բայց այս բարոյական նկատողութիւններէն զատ , աս ալ կայ որ ամուսնութիւնը նոյն իսկ բնութեան մէկ պէտքն է , և այս ալ արարչութեան մէկ գաղտնիքն է , որու դէմ ի զուր պիտի բողոքեն մարդիկ , եթէ Պրոմէդէոսի հանձարն իսկ ունենան :

Այո՛ , բնութիւնը առն և կնոջ սիրոյ երջանկութիւնը չնորհեալով , որն որ մարդկային սեռին աճմանն անհրաժեշտ է , այս հաճոյքին սահման մ'է դրած ցաւերով , զորս կ'զգայ այրն՝ երբ իւր ազատութիւնը չարաչար կը գործածէ և ամուս-

նական ամբոթեան օրէնքներն կը պղծէ :

Այն մարդը որ շատ կ'ուտէ և իւր առողջութեանն զնասակար այս կամ այն կերակուրէն չը ժուժկալիր , ստամոքսի հիւանդութեանց կ'ենթարկուի :

Այնպէս ալ , սիրոյ հաճոյքներն , երբ օրինաւոր չ'են , այրն ու՛կինը սոսկալի հիւանդութեանց , դառն ցաւերու կ'ենթարկեն , որոնք քիչ ատենուան մէջ մարմինը կը կրծեն , ժամանակէն յառաջ կը ծերացնեն զայն և միտքը կը ծիւրեն :

Այս հիւանդութիւններն , որոնք բոցեղէն սըրով մը կը պահպանեն հայրենեաց և ընտանեաց դրախտը , ամէն ատեն եղած են : Ուր որ ամուսնութեան պարտքերն կը պղծուին , հոն երեւան կ'եղնեն անոնք : Անոնց այնպիսի անուաններ են տրուած , որոնք այս կամ այն ազգին համար նախատինքներ են . բայց սուտ է : Կը կրկնեմ թէ զանազան անուամբ միշտ դոմնուած են անոնք : Զասոնք բնութիւնն ստեղծած է , ստիպելու համար զայր որ իւր օրինաւոր կնոջն յարի , և զկինն՝ որ առ միակ այր մը հաւատարիմ գտնուի : Եւ կարծես թէ բնութիւնը ուզած է խսկեցնել ըզմարդիկ , որոնք իրենց օրէնքներն երեւան կը հանեն , վասն զի բժշկութեան այս պիղծ հիւանդութեանց դէմ հնարած գեղերն գրեթէ հիւանդութենէն աւելի հոտորածներ կ'ընեն : Կարծես թէ Աբարէլն յառաջուց ուզած է պատասխանել բոլոր այն սխալ պատճառներուն , զորս յոսի վարք ունեցող արք կը հնարեն , կամ չ'ամուսնանալու , այսինքն ընտանեաց հօր պարտքերն չ'կա-

տարելու համար, և կամ ամուսնութեան պահանջած մաքրութիւնն ու հաւատարմութիւնը պղծելու համար:

Ուրեմն բնութիւնը ուզած է որ իտական սէրէն և զաւկի կապէն դուրս այրը ստիպեալ ըլլայ ամուսնանալու, զոնէ իւր առողջութեանն և դառն ցաւոց վտանգներէն ազատելու համար, ցաւեր, որոնք ծերութեան, շատ անգամ ալ վաղահաս մահուան մը պատգամաւորներն են:

Արդ, այս երկիւղն կը ծնի, երբ կնոջ հաւատարմութեանն վրայ դոյզն ինչ կասկած ըլլայ: Վասն զի այն կինը, որ իւր ամուսինէն զատ ուրիշին կը յանձնէ ինքզինքը, Ֆիզիքական ցաւերու կենթարկուի, զորս իւր ամուսնոյն կը հաղորդէ: Այն ատեն ամուսնութիւնը, փոխանակ ապաստանարան մը, նաւահանգիստ մ'ըլլալու, դժոխք մը կ'ըլլայ:

Իրաւ է թէ կինն ալ ամուսնոյն անհաւատարմութեամբն մի և նոյն վտանգներուն ենթակայ է, և ասոր մէջ կը կայանայ երկու ամուսիններու և նոյն իսկ զաւակաց առողջութիւնը, վաստն զի այս դժոխային հիւանդութիւններն տղոց կը հաղորդուին, իրենց մօրն ծոցոյն մէջ եղած ատեննին:

Ուրեմն ամէն ամուսնական անհաւատարմութիւն երկսայրի վրժխնդրութիւն մ'է, որ զինքն գործածել ուզողն կը վիրաւորէ: Աինք, այս վրժխնդրութեամբ փոխանակ ազատելու, եւս քան զեւս կը հպատակի, և զինքը թշուառութեան շղթային կցող գամը կը հաստատէ:

Ներուած է կնոջ որ իւր ամուսնոյն անհաւատարմութեանը վրայ կասկածածին պէս, մարմնով բաժնուի անկից, և եթէ ամուսինը իւր յուր վարմունքը շարունակէ, յաւիտենաբար բաժնուի. բայց ո՛չ երբեք իրաւունք ունի անոր օրինակին հետեւելու, եթէ օրինաւոր ապահարզան մը տեղի ունեցած չ'է:

Կան երկիրներ որոց մէջ ապահարզանն ընդունուած է, բայց հաղուագիւտ է որ ապահարզանով արձակեալ կին մը երկրորդ ամուսնութեան մը մէջ երջանկութիւն գտնէ: Կնոջ երջանկութիւնը բացարձակապէս իւր առաքինութեանը մէջն է, այսինքն առ միակ այր մ'ունեցած հաւատարմութեանը մէջ:

Մէկ առողջութեան դէմ հազար հիւանդութիւններ կան, այնպէս ալ, թշուառ ըլլալու հազար տեսակներուն դէմ, միակ և ճամարիտ երջանկութիւն մը կայ կնոջ համար, առաքինութեան:

Կը տեսնես որ նորատի աղջկան մը համար ամուսնանալն կենաց ամենէն կարեւոր դաշնագիրն է, ծննդեան և մահուան դաշնագրերէն աւելի կարեւոր դաշնագիր մը, վասն զի ասիկայ չէ՛ թէ միայն կնոջ, չէ՛ թէ միայն առն, այլ ամբողջ ընտանիքի մը երջանկութիւնը կամ թշուառութիւնը կ'որոշէ:

Եւ թէ ըստ բազդին և առանց խորհրդածելու ամուսնանալն, ինչպէս որ կ'ամուսնանան ի Ֆրանսա, առանց ամուսնութեան պարտքերն ու վտանգներն ճանչնալու, Բարբորոսիան և Վայրենիան դաշնագիր մ'է:

ժ.

Մինչեւ հիմայ, աղջիկս, երկու սեռերու Փի-  
զիքական անհաւասարութեանն վրայ խօսեցայ  
քեզ: Բայց մարդս մի միայն կաւէ շինուած չ'է.  
Նա խառն էակ մ'է, նիւթով և մտքով, մարմնով  
և հոգւով, մտով և բանականութեամբ սքանչելի  
կերպիւ հաւասարակչուած:

Եւ նոյն իսկ այս հաւասարակչութեամբ եր-  
կու սեռերու հաւասարութիւնը երեւան կ'ելլէ իւր  
բովանդակ ճշմարտութեամբն:

Հիացի՛ր ինձ հետ արարչութեան օրինաց վե-  
րայ: Բոլոր գտնուած բաներն այն էակին անհա-  
տականութիւնը վարող մասնաւոր օրինաց համե-  
մատ են, կամ, ուրիշ բառերով ըսենք, իւրա-  
քանչիւր բանի կազմութիւնն այնպէս է որ, չ'կըր-  
նար արարչութեան սանդուղին վերայ աւելի վեր  
ելնել կամ աւելի վար իջնել: Բոլոր այս էակնե-  
րուն մէջ, արդարեւ, մարդը բարձրագոյն աս-  
տիճանին վերայ է, վասն զի իւր Փիզիքական և  
հոգեկան կազմութեամբն, արարչութեան միւս  
գործերուն վերայ իշխելու կոչուած է, որոցմէ  
գեր ի վեր է նիւթական և մտաւորական կենաց  
հաւասարակչութեամբն, մարմնոյն՝ մտքէն, մը-  
սին՝ բանականութենէն ստորադաս ըլլալովն: Բոյ-  
սըն իւր յատուկ կեանքն ունի, անասունը մտա-  
ւորական բնագոյում մ'ունի, վասն զի իրմէ վար  
եղող ուրիշ էակներու վերայ կ'իշխէ. բայց մարդ  
միայն ազատ է, վասն զի նա միայն ինքզինքին

կ'իշխէ, ինքը միայն կը հետեւի իւր բանականու-  
թեանն ստեղծած օրէնքներուն, և այն բանակա-  
նութիւնն ալ Աստուած կոչուած անհուն և արա-  
րիչ զօրութեան մի բոցն է:

Մարդ միայն է՝ մը ունի, նա՛ միայն կը խօ-  
սի և կը բանադատէ, մա՛րդ միայն կը տեսնէ  
զինքն, և յինքեան՝ զԱստուած:

Եւ մարդ իւր միտքն դատելէ յառաջ, մար-  
մինը կը դատէ: Անոր զօրաւոր կամ տկար մա-  
սերը կը զանաղանէ, իւր աստուածեղէն բանա-  
կանութեամբն մին կը տկարացնէ, միւսը կը զօ-  
րացնէ, կատարեալ հաւասարակչութիւն մը ձեռք  
բերելու համար:

Այս նկատմամբ կինն առն հաւասարն է: Ա-  
մենէն յառաջ իւր և առն սիրոյն մէջ գտնուած  
տարբերութիւնն հասկցած է, և մէկէն իւր հոգ-  
ւոյն ու մտքոյն ջնջած է Փիզիքական անհաւասա-  
րութիւնը: Չէ՛ թէ միայն մինչեւ ցայր բարձրա-  
ցեր է, հապա նաև հարիւր գրկաչափ ալ անցեր  
է անկից:

Այրն ու կինն, ամուսնութեան իտէականին  
չեկած, որն որ մարմին մը և հոգի մը ունեցող  
երկու էակներու հաւասարակչութիւնն է, իւ-  
րաքանչիւրն իւր մտքն իւր սեպհական մարմինն  
հաւասարակչութիւն է: Այսինքն, այրն ու կինն ա-  
մուսնացնելէ յառաջ պէտք էր մարմինն հոգւոյ  
հետ ամուսնացնել, և դեռ այսօր, այս յառաջըն-  
թաց կրկին խնամութենէն յառաջ՝ ամուսնութիւնն  
անկարելի է:

Ահնը, իւր ցանկացող բնութեանն անսահմա-

նութիւնը տեսնելով, մէկէն առաքինութիւնը ստեղծեց է : Վասն զի, ինչպէս ըսաւ ինձ որ մը Տիկին տը յիրարտէն, կնոջ առաքինութիւնն ստեղծողը այրը չ'է, այլ նոյն ինքն կինը :

Առն հնարած բացարձակ ամբռութիւնը ընտրութեան հակառակ ծայրայեղութիւն մ'է : Ասիկայ երբեմն իբր միջոց պէտք եղած է, բայց բընաւ իբր նպատակ : Ծրած զաւաղանը շիտկելու համար, պէտք է հակառակ կողմէն ծռել : Կինը, որ ծայրայեղութիւններն չ'սիրեր, աւելի աղէկ սեպած է ստեղծել առաքինութիւնը, որ յաւիտեանական կուսութեան և անսահման սիրոյ մէջն է : Ուրեմն առաքինութեամբ կինը, չէ՛ թէ միայն առն կը հաւասարի, այլ զայն կ'անցնի ալ : Վասն զի, առաքինի ըլլալու համար, կը սովորի ինքզինքին իշխել, մարմինն մտաց ստորակարգել, անոր բնական իրաւունքներն շնորհելով անոր . մինչդեռ այրն, ընդհակառակն, այս նկատմամբ, մտաւորական ամենափոքր ձիգ մ'ընելու պէտք չ'ունի :

Ինչ որ այրն ընտրեցէն առած է, կինը զայն իւր բարոյական զօրութեամբն, ինքզինքին յաղթելով ձեռք կը բերէ : Արդ, ամէն ե՞ ի վերայ տարուած յաղթութիւնը ի հարկէ կը տարածուի ոչ ե՞ ի վերայ : Արդարեւ, զայր նուաճողը կնոջ սէրը չ'է, այլ առաքինութիւնը : Արք՝ ի կանայս ամենէն աւելի առաքինութիւնը կը յարգեն և անակից կը վախնան : Ընդհակառակն կինը, ամենէն աւելի առն իրեն համար զգացած սէրն կը սիրէ, անսահման սէր մը, նոյն իսկ անոր համար որ բնականապէս սահմանաւոր է :

Առաքինի կնոջ հաստատամտութիւն կոչածը ուրիշ բան չ'է բայց եթէ առ աղօտ նշմարուած սէր մը, որ մինչեւ իրենինին բարձրութեանը կը հասնի, վասն զի աղէկ գիտէ թէ իւր առաքինութիւնը սիրելոյն համար ուրիշ բան է :

Նայնպէս ալ այրը կ'զգայ որ կինն իւր առաքինութեամբը զոհողութիւն մը կ'ընէ իրեն, չէ թէ ինչպէ՞ որ զնոյն սէրէ (առ այս ընտրութիւնը կը մղէ զինքը), հոպո՞ տրէկելով սորէն ու է առն նոյն երջանկութեան վերայ մտածել :

Այրն, տեսնելով որ սիրոյ մէջ սահմանափակ է, ասոր սլակասը մտքով լեցուցած է : Նա ըստեղծած է իրեան սէրը, պարտական սէրը : Վասն զի նա է որ ստեղծած է երկու մարդոց մէջ ամենէն գեղեցիկ բանը, Բարեկամութիւնը :

Ըստ այսմ, այրը սիրոյ բանաստեղծն ու կինը քրմուհին է : Իրաւ է թէ կինը զայր կը գերազանցէ առաքինութեամբ, որ հոգւոյն մարմնոյ վերայ տարած յաղթանակն է, այրն ալ կը գերազանցէ զին իտէականով, որ, հաւասարակընտրութիւնն հաստատելով, մասց՝ նիւթոյն հետ խառնուիլն, մարմնոյն՝ հոգւոյ մէջ գոյափոխուիլն կը ստեղծէ, այնպէս մը որ երկու էակներն մէկ հոգւով մէկ մարմին միայն կը բաղկացնեն : Այրն իւր մտքովն նիւթոյն զօրութիւնն կը տասնապատուի : Այրն ու կինն ուրեմն մտքով մարմինն հոգւոյ հետ հաւասարակընտրով, հաւասար կ'ըլլան, և նուիրական միութեամբ մը, որ իտէական և միանգամայն նիւթական է, ի մի կը ձուլուին :

Ըսի քեզի, աղջիկս, թէ անբիծ պարմանու

հի մը արդէն կիներ ճանչցող երիտասարդի մը հետ կրնայ ամուսնանալ, սակայն պէտք է որ այդ երիտասարդը իւր անցեալ սկրեբուսն մէջ ձգած չ'ըլլայ իւր մարմնոյն զօրութիւնը և հոգւոյն ցընորքները: Իրաւ է թէ ասիկայ քեզ համար երեւակայած իտէական ամուսնութիւնս չ'է. բայց մեր ընկերութեան մէջ բաւական է որ աստուածային և մարդկային օրէնքներն չ'պղծուին, պէտք է կարելի եղածէն գոհ ըլլալ, և հոգւոյ արեամբն ու բանաստեղծութեամբ պէտք է նիւթոյն տգեղութիւնը գեղեցկացնել:

Հիմայ որ ամուսնութեան բնախօսութիւնը գիտես, կրնաս այնքան թշուառ ընտանեաց աղետիցն պատճառը իմանալ: Այն երիտասարդ ամուսիններէն շատը պիղծ սէրերով ժամանակէ յառաջ ծերացած են: Այս մարդիկը, զորս կը կըրծեն գաղտնի կոչուած հիւանդութիւններ, որոնք վարժ աչաց համար բնաւ գաղտնի չ'են, այս մարդիկը հայր ըլլալու անարժան են, վասն զի իրենց հիւանդութեան սերմը տղոց կը հաղորդեն:

Շատ անգամ ալ այս իբր թէ գեղեցիկ երիտասարդներն, որոց գովեստն կը լսես, սիրոյ բանաստեղծութիւնը մուրթեան փուշերուն մէջ ձըգած են, — բանաստեղծութիւն մը, որով միայն այրը կրնայ առաքինի կնոջ հաւասարիլ — վասն զի անոնց ճանչցած կիներն, առաքինութիւնն ու պարկեշտութիւնը պղծելով, զանոնք անգործարան էակի մը պէս գործածած են, ծաղիկ մը պէս զոր կը ժողուեմք, և զոր կը տերեւատեմք հոտը չընչելու համար, և վերջն առ ոտն կը կոխեմք:

Այսպէսով իրենք ալ այնքան կը նուաստանան որ, ամէն բանի մէջ ստորին, և պարտուց մասին ու է զոհողութիւն ընելու անկարող ըլլալով, նոյն իսկ իրենց յանցանքներն չեն ներեր իրենց կանանցն, և զանոնք կ'ամբաստանեն ամէն տեսակ պակասութեանց համար, իրենց յանցանքներն հասարակաց աչքին առջեւ արդարացնել ուզելով: Մտածէ՛ ուրեմն թէ ի՞նչ վտանգի կ'ենթարկուի տգէտ պարմանուհի մը ցկեանս միանալով այնպիսի էակի մը, որուն, որքան ալ կ'ուզէ հարուստ ըլլայ, անցեալը չ'ճանչնար:

Երբ տեսնես երիտասարդ մը որուն մազերը ժամանակէ յառաջ ճերմկած են, կամ որուն գանգը լերկ է, կրնաս ապահով ըլլալ թէ, եթէ ասոր պատճառն բարոյական մեծ ցաւեր կամ զինւորական ծանր յոգնութիւններ չ'են, այն մարդը իւր ղէմքին վրայ կամ իւր և կամ հօրը գէշ վարմունքին հետքերն կը կրէ:

Ամուսնութեան իտէականը, որու մարդիկ դուռնուրեք կը հասնին, մարմնով և հոգւով կատարելապէս առողջ երկու էակներու, առն և կընոջ սէրն է. վասն զի, ինչպէս որ մտաց անկարգութիւններն կրնան մարմինն աւրշակել և մինչ իսկ մահ պատճառել, այնպէս ալ մարմնոյ անկարգութիւններն մտաց կը վնասեն, և բնութեան օրինաց համեմատ գործելու արդելք կ'ըլլան անոր:

Ուրեմն Ֆիզիքական սէրն կամ հոգիներու բարեկամութիւնը չ'է միայն ամուսնութիւնը հաստատողն. ամուսնութեան նպատակն, ամենէն յա-

առջ , սիրելն է , այսինքն այնպիսի զաւակներ ծը-  
նիլ որոնք մարմնով և մտքով առողջ ըլլան , վասն  
զի առանց այս յատկութեանց չ'են կրնար երջա-  
նիկ ըլլալ և իրենց պարտքերն կատարել , արք ,  
հօր , որդւոյ , եղբօր , կանայք՝ դստեր , կնոջ և  
մօր . յատկութիւնք՝ որոցմով անոնք ամենէն յա-  
ռաջ հայրենեաց ճշմարիտ քաղաքացիներ , վերջը  
մարդկութեան քարոզիչներն կ'ըլլան :

Թէ որ ուղես վաթսուն , յիսուն կամ քա-  
ռասուն տարեկան կանանց հարցնել , պիտի ըսեն  
քեզ թէ՛ իրենց ժամանակի երիտասարդներուն և  
այսօրուաններուն մէջ ամբողջ աշխարհ մը կայ :  
Այն ատեն երիտասարդը իտէականի մը , մտաւո-  
րական սկզբան մը համար ապրելով , սրտի զոհո-  
ղութեանց ընդ յառաջ կը վազէր և կը սիրէր ըզ-  
կինն , որն որ նաև սիրոյ քրմուհին էր :

Արք , երբ դիպուածաւ բարձրանային , կնոջ  
մ'առջեւ ծունկի գալով չէին կարծեր թէ կը նը-  
ռաստանան : Ասկից զատ , երբ այրն ամէն օր  
կամ աղատութեան և կամ պատուոյ համար կեան-  
քը վտանգի կը դնէր , սիրոյ տաճարին սեմին վը-  
րայ կայնած ատեն , սրտին մղման համեմատ ,  
չահու և հարստութեան դժբաղդութեանց վրայ  
չէր մտածէր :

Մէրը , մահուան առջեւ , իբր թէ ազգի մը  
կեանքն եզող մեծ սկզբան մ'առջեւ , իւր իրա-  
ւունքներն կը պահէր : Հարստութիւն , շահ , վի-  
ճակ , կրօնական նախապաշարում , ամէն ինչ տե-  
զի կու տար անոր :

Ընդհակառակն , այսօրուան երիտասարդու-

թիւնն հաշուոյ , ստորին շահերու , զուտ նիւթա-  
կանութեան թուականէ մը կը սկսի : Ասոր համար  
արդի երիտասարդաց շատերն իրենց նախահօրն  
դէմքն ունին : Երցա կերպարանքն կարծես թէ  
քանդակուած է : Արծաթէ կիսանդրիներու (buste)  
ուրուագծերուն պէս կանոնաւոր ուրուագծեր ու-  
նին , բայց թուի թէ իրենց կուրծերն ալ մետա-  
ղէ են , և երբ անոնց զարնեմք , կը տեսնեմք որ  
ոչ իտէականի , ոչ սկզբան մը և հետեւաբար ոչ  
ալ սիրոյ համար արծաղանգ կու տայ . վասն զի  
առն կնոջ մը համար ունեցած սէրն , ինչպէս քիչ  
մը յառաջ ապացուցի , վայրենական անասնու-  
թիւն մ'է , եթէ իտէականը զայն չմաքրեր , չզե-  
ղեցկացներ , բանաստեղծական և յաւիտենական  
չըներ :

Ասոնք կանուխէն թանձրամիտ բողբու պիղծ  
սիրոյն վարժուելով , ժամանակէն յառաջ կը ծե-  
րանան , և ամէն բանի մէջ սիգագլուխ և միան-  
գամայն հեղգ անզօրութեան մը ծայրայեղ ստոր-  
նութիւնն կը կրեն :

Ամէն ինչ կը յուզէ զանոնք , ոչինչ զանոնք  
կը զուարճացնէ , բացի խեղկատակ մանրավէպնե-  
րէ և սնտոի խօսքերէ : Սակայն ասոր յանցանքը  
իրենցը չէ , այլ իրենց հարցն ու մարցը , որ առանց  
զիրար սիրելու ամուսնացեր են . Մին եկամուտ-  
ներ ունենալու համար ծերի մը հետ ամուսնա-  
ցող . կամ իւր սրտին եռանդուն բայց աղքատ  
բարեկամն իւր չսիրած խենդ մէկ ազնուականին  
համար մերժող աղկան մը պտուղն է . միւսը  
խուլագար ծնողաց զաւակ . երկուքին դէմքին վը-

րայ ալ քնէած գծեր կը տեսնուին : Կարծես թէ  
Շուայաութեան և Չանձրոյթի զաւակներն են :

Ազգի մ'անկումն հոնկից կը սկսի ուր կը վեր-  
ջանայ անբիծ և նուիրական սէրը : Մէն մի շա-  
հադիտական ամուսնութիւն չէնքին նուիրական  
մէկ քարն կը քակէ կամ կը թուլացնէ : Իրաւ է  
թէ ծնողք մարմին միայն կու տան տղոց . անոնց  
հոգի տուողն Աստուած է : Բայց ուր չկայ անբիծ  
և միանգամայն ջերմ սէր , հոն չկայ Աստուած :

### ԺԱ.

Քաղաքակրթեալ ժողովրդոց մէջ ամուսնու-  
թիւնը քաղաքական և կրօնական օրինաց բնու-  
թեան օրէնքը սրբագործելն է :

Կրօնից ընտանեաց մասին տուած սկզբունք-  
ներն գրեթէ միշտ առողջապահական օրէնքներ  
են : Քրիստոնեայն որ , յանուն կրօնից , իւր կը-  
նոջն հաւատարիմ կը մնայ , թէ՛ ստորին հոգի-  
ներու անծանօթ երջանկութիւն մը կը վայելէ , և  
թէ՛ իւր առողջութիւնն ու երիտասարդութիւնը  
կը պահէ : Մարմնոյ հրապոյրներուն միակ պահ-  
պանիչն իտէականն է , իտէականն՝ որ Աստուծոյ  
ստեղծած ընտրելագոյն բժիշկներուն մին է :

Սակայն , նոյն իսկ Քրիստոնեայ երկիրներու  
մէջ , երկու ամուսնոց պարտքերը բոլորովին հա-  
ւասար չ'են : Ընկերական և կրօնական օրէնքներն  
ո՛րչափ կ'ուզեն խիստ ըլլան , այն ատեն միայն  
յարգելի են , երբ բնութեան օրինացն հակառակ  
չ'են :

հոյն իսկ վայրենական վիճակի մէջ , կին մը  
այն առնն է՝ որու յանձնած է ինքզինքն : Ա՛լ ու-  
րիշի մը կինն ըլլալու արժանի չ'է : Այն առն գե-  
րին է նա :

Կէս քաղաքակիրթ նահապետական ընկերու-  
թիւնը կը ստիպէր զայր որ իւր հրուպուրած կոյ-  
սը պահէ և կամ գոնէ անոր և անոր որդւոյն  
կեանքն ապահովէ :

Բողոքական երկիրներն այս օրէնքը պահեցին :  
Սակայն Ֆրանսայի մէջ չկայ այնպիսի օրէնք մը որ  
ստիպէ կոյս մը հրապուրողը այն կնոյ և անոր որ-  
դւոյն կեանքն ապահովելու , թէ՛ ըստ սկզբան  
մեր քաղաքակիրթ ընկերութիւնը այնպէս կ'ըն-  
դունի որ , արդէն այր մը ճանչցող պարմանուհի  
մը ա՛լ չկրնար ամուսնական առաքինութեան փառ-  
քըն ստանալ , եթէ իւր սիրահարին հետ չամուս-  
նանայ :

Ուրեմն ամուսնութիւնը , պարմանուհւոյ մը  
համար , յեկեղեցի և կամ քաղաքապետին տունը  
երթալու վրայ չկայանար միայն : Այն էջոջ , որ ըն-  
դնուէ մարդու մը կը յանձնէ , բարձու կ'ամուսնանայ :

Եթէ այն այրը ձգելու ըլլայ , հարձ , այրի ,  
ապահարզանեալ պիտի ըլլայ , բայց բնա՛ւ կին :  
Կրնայ ըլլալ որ հարուստ , չքեղ , սիրուն , պաշտե-  
լի , ցանկալի ըլլայ , բայց երբեք չ'կրնար երջանիկ  
ըլլալ : Կրնայ ըլլալ որ երկրորդ անձի մը հաւա-  
տարիմ գանուի , պատժուելի վախճալով , և կամ  
թերեւս իւր տուած իօսքը պահած ըլլալու հա-  
մար , բայց երբեք առաքինութեամբ , վասն զի առա-  
քինի կին մը չ'ճանչնար , չ'պիտի ճանչնայ բնաւ

երկու այր : Երբ կնոջ միտքը երկու արանց մէջ կը տարուբերի , երբ կը սկսի բաղդատութիւններ ընել , այն կինը իւր ասաքինութիւնը կը կորսնցնէ :

Նոյնպէս է նաև առն սիրոյն համար :

Երբ կ'ըսկսի երկու կնոջ մէջ տարուբերել , վարանիլ , ա'լ անիկայ սէր չէ :

Առն կնոջ համար ունեցած սէրը և կնոջ առն համար ունեցած ասաքինութիւնը մի և նոյն արդիւնքն յառաջ կը բերեն , այսինքն բացարձակ հաւատարմութիւն :

Միայն թէ սէրը վաղանցուկ է , մինչդեռ ասաքինութիւնն յաւիտենական է :

Ասոր համար այն երկրին մէջ , ուր այրն ըստիպեալ չէ յօրինաց իւր հրապուրած կուսին հետ ամուսնանալ , կամ անոր համար աշխատիլ , որպէս զի կարենայ իբր ասաքինի կին ապրիլ և իբրեւ հաւատարիմ մայր մեծցնել իւր զաւակն , այն խարուած կոյսը երբեք ունի սպաննելու այս բարբը որ իւր ասաքինութիւնը , պատիւը , երջանկութիւնը , խնայականի և պարտուց ամբողջ կեանք մը յախշտակած է իրմէ :

Եւ կամ , եթէ այդ կինն մեծհոգի է , լաւ եւս կ'ընտրէ այրի կամ հաւատարիմ աղջիկ մնալ , մտնալով իւր հրապուրիչն և զանիկայ բոլոր պատուաւոր անձանց արհամարհանացն և աստուածային ու բանական օրինաց վրիժուցն ենթարկելով , վրէժխնդրութիւնն մը , որ աշխարհի վրայ կը գործադրուի անպատճառ , եթէ ոչ իր , գեթ իւր ընտանեաց գլխուն :

Բայց երբ ինքզինքն ուրիշ մը յանձնէ , ա'լ

իւր հրապուրչին վրայ ոչ մի իրաւունք կ'ունենայ , վասն զի ա'լ նա կին մը չէ , այլ բող մը :

Ասիկայ , աղջիկ , կը սովորեցնէ թե թէ , աւելի լապետ է համարեա մեռնել քան թէ քնուրբ քնուրբ յանձնել , որպէ՛ որ ալ «աստի՛կ ԸԼՈՒ» անոր համար զեպո՛ւ «եբր» , եթէ այս այրն ամուսնութեամբ զքեզ իւր կինն կոչելու և այս անուան յարակից պարտուց փառքն վայելելու իրաւունքն տուած չ'ԸԼՈՒ լայ քեզ :

Եթէ այս այրն իւր Փիղիբական կամ բարոյական զօրութիւնն և քու տկարութիւնդ շարաշար գործածէ , ՆԵՐԵԼԻ Է ՔԵԶ ԱՆԿԻՑ ՎՐԷԺ ԼՈՒՄԵԼ Ո ԵՒ Է ՄԻՋՈՑԱԻ , երբ քեզ հետ շամուսնանար և կամ ուրիշ կնոջ մը հետ կ'ամուսնանայ :

Եւ եթէ այս թշուառականն անարգելու և երբեք ուրիշ առն չպատկանելու շափ ոյժ չես զգար վրադ , աւելի լաւ է որ դու ալ մեռնես :

Աշխարհային կենաց մէջ մարդ ինքզինքին թըրթուրն է : Մահը թիթեռնիկի թեւեր կու տայ անոր :

Մահը՝ տիեզերական ըլլալով՝ ինչք մ'է , և կենաց հակառակն չէ , այլ ծննդեան :

Ասիկայ , ըստ բանականութեան , անցում մ'է , փոխում մ'է , անհրաժեշտ շարժում մ'է :

Իսկին վերայ ոչինչ կ'եղծանի , բաց ի իւր անձամբ ևղծածներէն :

Եթէ ասաքինութիւնդ պահես , ոչ մի զօրութիւն , նոյն իսկ աստուածային , կրնայ զքեզ նուաստացնել , փոքրկացնել , խպնեցնել և կամ

ամենափոքր չարիք մը հասցնել քեզ :

Բնութիւնը , նոյն ինքն Աստուած , ոչ մի դորութիւն ունին մարդկան վերայ : Ինքնիրեն չեղած չարիք մը չարիք չէ :

Կին մը անսպարկեշտութեամբ միայն կը մեռնի :  
Այր մը անպատուութեամբ միայն կը մեռնի :

### ԺԲ.

Աղջիկս , այնպիսի ժամանակի մը մէջ կ'ապրիս , յորում ամէն մարդ բացարձակապէս իւր իրաւանց վերայ կը խօսի , իբր թէ իրաւունքն պարտքէ դուրս և անկախ բան մ'ըլլար : Արդ , պիտի տեսնես թէ ընկերութիւնը , հովուէն մինչև թագաւորը , պարտքով և զոհողութեամբ միայն կ'ապրի , և թէ ամէն իրաւունք գործադրուած պարտքէ մը յառաջ կու գայ :

Դու ալ իրաւունքներ ունիս : Սննդեան , հանդերձանաց և դաստիարակութեան իրաւունք ունիս : Արդարեւ ծնողքդ սնուցին և հանդերձաւորեցին զքեզ , և դաստիարակութեանդ համար դասատուներ բռնեցին : Ասով ծնողքդ իրենց պարտքը կատարեցին , և անոնց այս երբեմն տաժանելի պարտքերն կատարելովն է որ դու իրաւունքներդ վայելցիր : Եթէ ծնողք չ'ըլլար , ընկերութիւնը պիտի շուր անոնց տեղը : Այն ատեն պետութիւնը իւր պարտքն ընելով քու իրաւունքներդ պիտի պարգեւէր քեզ : Բայց թէ որ ծնողքդ կամ ընկերութիւնը իրենց պարտքը կատարած չ'ըլլային , ի՞նչ պիտի ըլլար քու իրաւունք-

քդ : Սնտի բառ մ'եւեթ պիտի մնար անկից : Արդարեւ իրաւունք բառն է , բայց պարտք՝ տրժը :

Ուրեմն սնտի բաներ մի՛ երեւակայեր . կնոջ և ամուսնոյ իրաւունքներն վայելելու համար , պէտք է որ յառաջ անոնց պարտքերն կատարես : Երբեմն պարտքերնիս կը կատարենք և իրաւունքնիս անմիջապէս ձեռք չենք կրնար բերել : Երբեք ինքնիրենն իրաւունք չկայ : Ինչպէս որ ծառը , պարտիզպանին գործադրած պարտուցն հակառակ , միշտ պտուղ յառաջ չբերեր . փոթորիկներ , կարկուտներ կան , որ անոր ծաղիկներն կը վարատեն . բայց առանց ծառի պտուղ չըլլար : Ուրեմն , եթէ կ'ուզես կնոջ , ամուսնոյ և մօր քաղցըր պտուղներն ճաշակել , նախ պարտուց ծառը տնկէ՛ : Հաւատարիմ՝ եղիր միշտ այն առն՝ որու խոստացած ես սէրդ : Երբեք չես կրնար պատրուակ մը գտնել , և կամ անոր ո՛չ մի յանցանքն առիթ է քեզ պարտքը չկատարելու : Հիմայ գիտես թէ առաքինութեամբ և եթ առն կը հաւասարիս : Ուրեմն , ի՞նչ ալ ըլլան ամուսնոյդ յանցանքներն , եթէ անկից դատուիս ալ , վրէժխնդրութեամբ բնաւ չես կրնար իրաւունքներդ վայելել :

Կ'ուզե՞ս որ ամբողջ կենացդ մէջ ընդհանրութեան յարգանքն վայելես , այնպէս մը որ բոլոր արք , եթէ Տօն Ժուաճաններ ալ ըլլան , զքեզ տեսած ասաննին յակամայս ստիպուին քու սեռդ պատուել :

Առաջինէ՛ եղի՛ր : Խո՛յս տուր անհաւատարմութեան ամենափոքր տարակոյսէն :

Երբ ամուսին մ'ունենաս, որչափ որ ալ սիրէ գբեղ, կը սկսի յանցանքներդ բնտօել: անոնցմէ օգտելու համար: Այրը շատ չցանկար կնոջ վաղանցուկ յատկութեանցը, բայց կը խոնարհի առաքինութեան առջեւ, զոր ինքը չունի:

Ո՛րչափ որ ալ գեղեցիկ ըլլաս, գեղեցիկութիւնըդ ցոյժ մ'է, երիտասարդութիւնդ այդ մը. առտոնց ամէնն սպիտակ ամպի մը պէս կ'անցնի:

Բայց առաքինութիւնը կը տեւէ չէ՛ թէ ի կեանքս միայն, այլ գերեզմանէն անդին իսկ:

Երբ այր մը կնոջ մը գովեստն ընէ, չըսեր միայն թէ «գեղեցիկ էր», այլ կ'ըսէ նաև «առաքինի էր»:

Գիտէ բոլորտիքդ աշխարհի կիներն: Ինչպէս կը ներկուին, ինչպէս կը շպարին, ինչպէս կը յարդարուին, ինչչափ կը ասնջուին երիտասարդութիւն ու գեղեցիկութիւն պահելու համար: Ար մի ե՛ւս, ժամ մի ե՛ւս:

Թշուառնե՛րը:

Երեսուն տարեկան եղածնուն պէս կը ծերանան, քառասուն տարեկան երբ ըլլան՝ կ'աներեւութանան:

Գեղեցիկ կեանք այն կեանքը որ տասնեւութ տարեկանէն կը սկսի և որ երեսունին, շատ շատ քառասունին կը լմնայ . . . :

Բայց առաքինի կիւնը, այս սնտոի բաներուն պէտք չունի: Չներկուիր, չշպարիր, վասն զի բընաւ չծերանար, երբեք չձանձրանար: Քսան տարեկան հասակին մէջ յիսուն տարեկանի չափ ըզգօն է, յիսուն տարեկան հասակին մէջ քսան

տարեկանի չափ գեղեցիկ: Գեղեցիկ ընկերութեանց կիներուն բոլոր վշտերն հազիւ կրնան ժպտի մը առիթ տալ անոր: Մէկ երջանկութիւն մը միայն կը ճանչնայ, իւր պարտքն ընել. մէկ բարեբաւտութիւն միայն գիտէ, իւր պարտքն ըրած ըլլալ: Այս երջանկութիւնը, այս բարեբաւտութիւնը մինչեւ ցմահ կը տեւեն: Նաև իւր պարտքը կատարող կին մը մինչեւ ցմահ Ֆիդիքսայէս երիտասարդ կը մնայ: Նախ նորատի աղջիկ է, վերջը կ'ըլլայ նորատի կին, ապա նորատի մայր, ապա նորատի մեծ մայր, ապա նորատի հանի և վերջապէս նորատի կրկնհանի (bisaiëule):

Պարտքը ընել, պարտքդ ըրած ըլլալ, գբեղ շրջապատող անձանց իրաւունքներն ապահովել ըսել է:

Ամուսինդ սիրելով, բնաւ ականջ չպիտի կասես այն անձանց սուտ խօսքերուն որոնք կ'ուզեն քու հրապոյրներդ վայելել, կարենալ ըսելու համար թէ «նա կը սիրէ զիս»: Ասով ամենէն յառաջ ամուսնոյդ իրաւունքներն պիտի ապահովես: սիրոյ, առողջութեան, երջանկութեան, որդւոյդ վիճակն ապահովելու և գբեղ հարստացնելու իրաւունք:

Մօր պարտքերդ կատարելով, չէ՛ թէ միայն կ'ապահովես զաւելիդ այն իրաւունքներն, առանց որոց չկրնար ապրիլ, հապա նաև անոր հօրը: Աւելին կայ. ընկերութեան և նոյն իսկ թաղապետութեան իրաւունքներն կ'ապահովես: Վասն զի, եթէ ամուսինդ խաբէիր, գբեղ չպիտի յարգէր, և ի հարկէ, տղան, իւր հօրմէն ու մօրմէն կաս-

կածելով, անհնազանդ պիտի գտնուէր ձեզ, և բարի որդւոյ կամ հնազանդ դասեր սլարտքերն չպիտի կատարէր : Եւ ահա՛ անկարգութիւն, յուզում մուտ կը գտնեն տան մէջ : Անկից վերջը, յառաջ կու գայ մոլութիւն, ապա ոճիր և լուծումն ընկերութեան :

Անկարելի է որ մարդկային էակ մը իւր պարտքերն չկատարէ առանց իր նմանեաց իրաւունքներն վայելելու : Անուուած որդի մը, խառնազրնաց աղջիկ մը իրենց չըջանակին մէջ քսան հոգիէ աւելի մարդու մոլութեան պատճառ կ'ըլլան, և մոլութիւնը գրեթէ միշտ ոճրի հայրն է : Ինչ փոյթ դրացւոյդ թէ պետութիւնն իւր ստացուածոց իրաւունքը կ'ապահովէ իրեն, եթէ քու որդիդ կը գողնայ զայն և անոր աշխատանացն արդիւնքն կը կորդէ, և ի՞նչ օգուտ ունի ինձ ապրելու իրաւունքը, եթէ դրացիս զիս կը սպաննէ :

Մնտի՛ բառեր :

Ամէն բարիք պարտքէ կախումն ունի, և պարտուց առաջինն կնոջ և ամուսնոյ պարտքն է :

Իրաւունք չունի՞մ միթէ քեզ ըսելու որ պետութեան փրկութիւնը, մարդկութեան գոյութիւնը կնոջ առաքինութենէն կախումն ունին . թէ առանց այս առաքինութեան ամէն ինչ տեղէն կը խախտի, նախ տունը, ետքը գիւղը, ապա քաղաքը, վերջը նահանգը, վերջը հայրենիքը, և վերջապէս տիեզերք . . . :

Ամբողջ արարչութեան մէջ ամենէն գեղեցիկ, յարգի և նուիրական բանն է խելացի կին մը որ, իւր եռանդուն բնութիւնը զսպելով, տուփանաց

իծը սպաննելով, սերճութեան և հաճոյից բոլոր փորձութեանցն խուլ մնալով, առաքինութեան իտէականին համար միայն կ'ապրի, և իւր ամուսնոյ և կնոջ սլարտքերն կատարելով՝ ամբոխէն, յառնէ և ամուսինէն վեր կը բարձրանայ :

Հո՛ն է մարդկութեան փառքը :

Հո՛ն է Աստուած :

### ԺԴ.

Ճանչնալով քու քննադատ միտքդ, կը փութամ կանխաւ պատասխանել քանի մը հարցմանց զորս թերեւս ընես ինձ, և զորս ապահով եմ թէ արդէն ինքնիրենդ ըրած ես :

Քանի որ կնոջ երջանկութիւնն ու ճակատագիրն միանգամայն զայն դէպ յառաքինութիւն կը մղեն, պիտի հարցնես թէ՛ ինչո՞ւ համար ոչ—առաքինի կանայք ալ կան :

Եւ քանի որ քաղաքական և ընկերական կարգը բարի վարուց վրայ հիմնեալ է, և բարի վարք ալ կնոջ առաքինութեանն վրայ հաստատուած են միայն, պիտի հարցնես ինձ թէ՛ ի՞նչպէս ապականեալ վարքով ընկերութիւններ կան, այսինքն այնպիսի ընկերութիւններ, որոց մէջ կան այնպիսի կանայք՝ որք, ամենուեւ գիտնալովն և ամենուեւ աչացն առջեւ յանպատիժս կը պղծեն առաքինութիւնը և կնոջ փառաւոր տիտղոսն կ'անպատուեն :

Կրնայ ըլլալ որ հարցնես նաև թէ՛ ի՞նչպէս կ'ըլլայ որ կան կառավարութիւններ, որոնք կը ներեն այս կանանց և կամ կը հանդուրժեն որ փառաւորուին անոնք :

Վերջապէս պիտի հարցնես ինձ թէ, քանի որ այրն դառաքինի կինը կը սիրէ միայն և կը յարգէ ճշմարտապէս, ինչպէս կ'ըլլայ որ այսքան ամուրի արք հարճերու հետ կ'ապրին և երբեմն ալ կը սընանկանան կամ զիրար կը սպաննեն բողբուռ համար:

Մի առ մի պիտի սրտասխանեմ հարցումներուդ, որոնք, շիտակը զրուցելու համար, կենսական հարցումներ են:

**ԺԴ.**

Ընկերութեան բնական վիճակին մէջ բոզ շըկայ և չկրնար ըլլալ: Նոյն իսկ վայրենական վիճակի մէջ, ամէն կին, եթէ ապուշ չէ, առաքինութեան բարոյական բնազդ ունի. վասն զի կը հասկնայ թէ, երբ գեղեցկութիւնն ու երիտասարդութիւնն անցնին, իւր առաքինութիւնը միայն զինքն սիրելի ու յարգելի պիտի ընէ: Մինչ իսկ ապականեալ ընկերութեան մը մէջ, բոլոր այն գեղեցիկ աղջիկներն, որք կը հեգնեն և ակոռայներով կը բղկտեն պատուաւորութիւնը, կէս գիշերուն անառօին մէջ երգող վախկոտներու կը նմանին: Անոնց ո՛չ մէկն սրտանց համոզուած է ըրածին աղէկութեանն: Չէ թէ միայն ինքզինքնին կ'արհամարհեն, չէ՛ թէ միայն՝ եթէ կարենային նորէն սկսիլ՝ չսիրտի սկսէին, հասլա նաև անոնց քաջադոյնն զլլման արտասուքներ կը թափէ ծածուկ: Ի զո՛ւր: Մէկ մը որ խնան, և առաջին քայլին ինկած են, երջանկութիւնը, ճշմարիտ եր-

ջանկութիւնը, անձին գոհունակութիւնը առ յաւէտ կը խուսեն, և ալ քաւութեան բացասական երջանկութիւնը միայն կը մնայ անոնց:

Բնական վիճակի մէջ, այր և կին աշխատելու սահմանուած են. այրն՝ տունէն դուրս, կինն տան մէջ: Այրը, բնութեան վիճակին մէջ, կը մշակէ, կը սերմանէ և կը հնձէ. կինը իւր որդիքը կը սնուցանէ և ընտանեկան աշխատութիւններն կը կտտարէ: Այս վիճակիս մէջ՝ բոզ չկայ: Մոլութիւնը ընկերութեան երկու ծայրերուն վըրայ միայն կը բուսնի, չաւորութիւնը և պեճութիւնը, այսինքն՝ կամայ կամ տկամայ դատարկութենէ:

Բայց նոյն իսկ չաւորութիւնը և պեճութիւնը, որ այս անկարգութիւններն յառաջ կը բերեն, նախնական պատճառ մ'ունին միայն, պատճառ մը, որ ընկերութիւնը կրծող բոլոր աղետից աղբիւրն է. Գգե՞րութիւնը:

Եթէ այն խեղճ աղջիկը որ, կամ գործ չուենեալուն և ազրուստը ճարելու համար, և կամ իւր ցանկութիւնը յագեցնելու համար, ամուսնութենէ առաջ ինքզինքը մարդու մը կը յանձնէ, պատմական ղէտքերը սովորելով և կամ զինքն կըրթող կանանց փորձառութեամբն գիտնար թէ՛ այս տկարութիւնն օր մ'անպատճառ աղետից աղբիւր մը պիտի ըլլայ իրեն, նոյն իսկ եթէ վերջէն այն այրն հանդիսական կերպիւ ամուսնանայ իրեն հետ, աղէկ մը պիտի մտածէր ասոր վրայ: Բայց, մեր ընկերական վիճակին մէջ, ժողովրդեան դուստրը կնոջ պարտուցը վրայ ամենեւին տեղեկութիւն չունի: Կը սովորեցնեն իրեն թէ սիրոյ

առջեւ կը ելլով անհաճոյ կ'ըլլայ Առսին . ինչ փոյթ իրեն համար Արյսը : Տասնեւեօթն տարեկան եղած ատեն սիրած անձին հաճելի ըլլալու կը նայի միայն : Արյսը ծերութեանը կը պահէ : Չէ՛ թէ միայն չգիտեր սխալի մը Փիղիքական և բարոյական հետեւանքներն , չէ՛ թէ միայն կնոջ և սարմաշուհուհոյ բնախօսական օրէնքներն չճանչնար , հասկալ կը յուսայ նաև թէ՛ կրնայ վերջէն թողութիւն խնդրել և ընդունիլ , և թէ՛ այն թողութիւնն ընդունելէն վերջը՝ ընդհանուր օրէնքին ներքեւ կը մտնէ :

Մեր ընկերական փիճակին մէջ , ժողովրդեան գոռօտորը իւր տգիտութեամբն , դատարարակեալ շըլլալուն և քծնութեան հակամիտութեամբն , հակամիտութիւն մը , որու ընկերութիւնը , թեթեւախօս թերթերն և նամանաւանդ կանայք զարմանալի կերպիւ կը նպաստեն , առն որսը , հաճոյից բազնին վրայ պատարագեալ զոհն է : Աթէ այս բազմաթիւ զոհերն շըլլային , այնքան արք չսիրտի գտնուէին որք ամուրի են , կամ յակամայս , վտան զի իրենց երիտասարդութիւնը յարատեւ և պատուաւոր աշխատութեամբ մը ընկերական փիճակ մը բնտուելով անցնելու տեղ՝ շուայտութեան մէջ վատնած են , կամ կամայ , վասն զի լուագոյն կը համարին ապրիլ ի միշտ տգիտութեան կամ չքաւորութեան և կամ մատնուած բարեկամի մը (չնացող կի՛նը) , վասն զի ամէն ամուրի , ի բաց առեալ հագուազիւտ բացառութիւններն , կամ հայր մը և կամ ամուսին մը կը մատնէ :

Ուրեմն ժողովրդեան խեղճ աղջկը , աշխատութիւն և դատարարակութիւն չունենալուն , և կամ իւր աշխատութիւնը զինքը ապրեցնելու անբաւական ըլլալուն , ընդհանրապէս կը յանձնէ ինքզինքը այնպիսի մարդու մը , որ իրեն հետ ամուսնանալ խոստացած է և որ կը լքանէ զայն : Չօրաւորագոյնն չէ նա . ի բարին վերադառնալու զօրութիւն չ'ունի . օրէնքն իրեն ի թիկունս չի գար վասն զի նա բռնաբարեալ չէ . այն ատեն ինքզինքըն կորսուած տեսնելով և զգալով որ ա՛լ անկից վերջն ամուսին ըլլալու արժանի չպիտի սեպուի , մոլութեան մէջ կը նետուի և իւր երիտասարդութեանն ու գեղեցկութեանն կ'օգտի :

Իրաւ է թէ , եթէ զօրաւոր ըլլար , կրնար աշխատութեամբ և քաւութեամբ՝ այսինքն պարկեշտութեամբ իւր յանցանքը սրբել , Ասիկայ երբեմն կը պատահի , մանաւանդ երբ խեղճ կինը սիրելու պէտքը կարենայ մայրական սիրոյ փոխել : Բայց , ինչպէս որ ըսի , պարմանուհեաց մեծագոյն մասը վայրկենական փորձութեան դիմադրելու չափ բարոյական զօրութիւն և առողջ դատարարակութիւն չունին : Աւա՛ղ . արք և կանայք ընդհանրապէս ի տէականէ , զօրութեանէ և ազնուութեանէ զուրկ են :

Հոգին , մարմնոյ պէս , զօրացուցիչ սննդեան պէտք ունի : Հոգւոյ սնունդը , գիտութիւնը , պատմութիւնը և բանաստեղծութիւնն են :

Միւս ծայրն , անդադ պերճութիւնը , ոչինչ նուազ վտանգաւոր է : Աին մը , որ ծառայներով շրջապատեալ է , որ ո՛չ ընտանեկան և ո՛չ ալ զաւակներուն հոգն ունի , որոնք վարձկաններու ձե-

ուօք կը սնանին և կը դաստիարակուին , շուտով կը ձանձրանայ և ամուսնոյն սէրը միօրինակ կը գտնէ : Վասն զի պէտք է որ մարդիկ աշխատին , ոմանք մարմնով , ոմանք մտօք , և պէտք է որ ի չարն աշխատին , եթէ ի բարին չեն աշխատիր : Աշխատութիւնը աստուածային բնութեան գործադրական օրէնքն է :

Ուրեմն այն կինը , որու միտքը կամ ի բարին կամ տանը մէջ , կամ գործոց մէջ և կամ գիտութեամբ և արուեստով զբաղած չէ , խնայու , և անվերականգնելի կերպիւ խնայու դատապարտուած է , կ'ուզէ վէպեր կարդայ , կ'ուզէ չկարդայ , — Գիրքը անկումը կը փութացնէ , բայց երբեք չպատճառ եր զայն : — Աշխատող կամ խորհող կին մը դիւրաւ չհետեւիր վէպի մը մէջ քարոզուած գէշ օրինակի մը : Թող փորձեն մոլորեցընել իւր պաւակը սնուցանող , և կամ զայն սընուցանելու համար պատուաւորապէս իւր ասլորուտը շահելու զբաղած կին մը : Ասիկայ միայն այն ատեն կրնայ ըլլալ երբ միտքը առաջուց առաքինութեան վրայ սխալ սկզբունքներով մոլորած է , կամ շնացող կիներն ու բողբոլը յարգող , պատուող և փառաւորող ընկերութեան մը մէջ կ'ապրի :

Այն ատեն կինը բնազդմամբ չէ որ կ'իյնայ , այլ սրտի անկարգութենէ : Շատ անգամ ամուսնութեան ինչ ըլլալն առանց գիտնալու և առանց իտէականի , առանց բանաստեղծութեան , առանց եռանդեան մարդու մը հետ ամուսնանալով , թըշուառը կը կարծէ թէ՛ իւր գեղեցկութենէն օգ-

տող սիրահարը կրնայ իրեն համար այր մ'ըլլալով , որն որ չյարգեք զայն , վասն զի մարդ , ո՛րչափ թեթեւամիտ ալ ըլլայ , չյարգեք բնաւ այն կինը , որ իրեն համար իւր պարտքերն ոտքի տակ կ'առնու , ըստ որում , եթէ անոր ամուսինը մեռնելու ըլլայ , հազիւ կը պատահի որ ամուսնանայ անոր հետ :

Աոր համար կրնամք ասպակով ըլլալ թէ՛ շնացող կանայք պատողութիւն չունին : Միթէ պարտքերն պղծելով երջանկութիւն կը գտնէ՞ : Երբեք :

Քիչ անգամ կը պատահի որ կին մը կարենայ իւր ոճիրն ծածկել զաւակներէն , որոնք վերջէն պիտի զգացնեն իրեն , թէ մայր ըլլալու արժանի չէր : Ընդհանրապէս վրէժխնդրութիւնը այսքան երկար չսպասեր : Պաշտեցեալ սիրահարը կ'ամուսնանայ , և կամ աւելի նորատի ու աւելի գեղեցիկ զո՛հ մը կը գտնէ : Չարեաց զառիվայրը արագ է : Ընդհուպ , չքեալ ու թշուառ կինը կատաղութեան և զղման արտասուքներ կը թափէ : Երանի՛ անոր եթէ կարենայ իւր յանցանքն ու թըշուառութիւն ծածկելով՝ Աստուծոյ սուջեւ միայն պատասխանատու ըլլալ , և գլուխը ծռելով՝ մոլութեան տնդունդին մէջ նետուիլ :

Գալով իւր դրացին , շատ անգամ բարեկամը իրարող ու գողցող թշուառականին , վաղ կամ անագան իւր պատիժը կը գտնէ նա : Քիչ կը պատահի որ դահիճը , եթէ ամուրի իսկ մնայ , ինքըն ալ զո՛հ չըլլայ :

Շատ մը ասլացուցեալ դէպքեր ի նպաստ կը-

նոջ կը մարտնչին : Հիւանդ , ծեր և թշուառական արանց հետ յակամայս ամուսնացող պարմանուհիներ կան . բայց , հաւատա՛ խօսքիս , աղջիկս , այս արարածներն ընդ հանրապէս իրենց պարտքերն պղծող և կամ զանոնք բնաւ չճանչցող ծնողաց զաւակներ են . վասն զի պարտքն և ամուսնութիւնը ճանչցող մայր մը իւր աղջիկը ծերի մը կամ մոլի երիտասարդի մը չծախեր :

Քաղաքակրթեալ ընկերութեան մը մէջ , եթէ հարստութիւնը և աղքատութիւնը չվերցուին մոլութիւնը անխուսելի ըլլալուն , ընկերութիւնը , բնագոյմամբ , առաքինութիւնը պահպանելու համար օրէնքներ հաստատած է :

Առաքինութիւնը վարձատրելու համար մարդկային օրէնք մը չկրնար շինուիլ :

Եթէ ընկերութիւնը կարենար առաքինութիւնը վարձատրել , ա՛լ անիկայ առաքինութիւն չէր ըլլար : Որպէս զի առաքինութիւնը կարելի ըլլայ , պէտք է որ գոնէ օրէնքը մոլութեան թի՛ խօսքով և թի՛ գործով յարգուին արգելու . վասն զի մոլութիւնը յարգուածին պէս , առաքինութիւնն ի բողոքչիւն կը թօշնի :

Յորեն հասցնելու համար զաշտի մը մէջէն գէշ խոտերը քաղելը բաւ չէ , անձրեւ ու արեւ ալ պէտք է : Բայց բաւ է որ անոնք չքաղուին , և ահա՛ , արեւուն և անձրեւին հակառակ , լաւ ցորեանը կը չորցնեն :

Յոռութեան հալածուելուն համար չէ որ առաքինութիւն կայ , հապա յոռութեան հալածուելովն առաքինութիւնը կարելի կ'ըլլայ :

Երկրաւոր արդարութիւնը , որ բացասական է , չգողցող և չսպաննող մարդը չի վարձատրեր , բայց դողն ու մարդասպանը կը դատապարտէ , և սառլ կեանքն ու ստացուածքը կը պահպանէ :

Մի և նոյնն է մոլութեան և առաքինութեան նկատմամբ :

Որպէս զի պատուաւոր կիներ կարենայ առաքինութիւն գործել , ԱՆՊԱՏՃԱՌ ՊԷՏԲ Է ՈՐ ՄՈՒԼԻ ԿԻՆՔ , ԵԹԷ ՈՉ ՊԱՏՃՈՒԻ , ԳՈՒՔ ԱՆԱՐԳՈՒԻ : Ասով է որ աշխարհիս ստեղծումն ի վեր կառավարութիւններն միշտ ստիպուած են բողք խարելու և կամ ոսկեզօծ դօտուով մը վայն զանազանելու :

ԺԵ .

Գանը երկրորդ հարցման :  
Անոր պատասխանը դիւրին է :

Ժողովրդեան մը մէջ կարգապահութեան տարերքն ո՛րչափ քիչ ըլլան , ապականեալ կանայք այնքան շատ կ'ըլլան :

Այն ընկերութիւնը , որ առաքինութեան դէմ կը միարանի , սոսկալի յեղափոխութեանց ենթակայ կ'ըլլայ :

Յեղափոխութիւն ըսելը անիշխանութիւն և բռնաւորութիւն ըսել է . բռնաւորութիւն և անիշխանութիւն :

Աւելին կայ : Յեղափոխութիւն մը միշտ կառավարողներու համար պատուհաս մ'է , և այն ատեն միայն կը պատահի , երբ իշխանութեան

ներկայացուցիչներն մոլութեան յարգուելուն օրինակ կու տան :

Մի՛ ցաւիր , աղջիկս , Ֆռանսական Միասութեան անկմանը վրայ . անիկայ առաքինութեան բոլոր օրէնքներն պղծեց : Ամբողջ դարեր ուզեց վաւերացեալ բողոքութեան և յարգուած շնութեան հետ կառավարել :

Ֆռանսուա Ա. էն ի վեր , Ֆռանսայի բոլոր թագաւորներն և զահը պղծող հարձերը , պատուաւոր և առաքինի գործաւոր աղջկան մը մէկ արցունքը չեն արժեր :

Այո՛ , զաւակս , երբ կը տեսնես ընկերութիւն մը , որու մէջ բողոք , շնացող կիներ իրենց իրաւունքներն կը պահեն , և առաքինի ու պատուաւոր կիող մը հաւասար կը մնան , կրնաս ապահով ըլլալ թէ՛ այն ընկերութեան հիմերն հաստատուն չեն , և թէ՛ մինչեւ յիսուն տարի պիտի տապալի :

Մարդկութիւնը հաստատուն և անայլայլելի օրէնքներ ունի : Այս օրինաց մին է սեռի սերիլն : Գիտես թէ՛ ասիկայ առաքինութեան արդիւնքն է , վասն զի , եթէ բոլոր կանայք առաքինութիւնը պղծէին , քիչ ատենէն ամենքն ալ ամուլ պիտի ըլլային , և անվերջ հաճոյից մատուցած կանանց ոչ մին պիտի ուզեր մայրական ցաւերն և որդւոյ պահանջած յարատեւ խնամքներն յանձն առնուլ : Անպատիւ կին մը ծոցոյն մէջ կրած զաւակը կ'ատէ , և զանիկայ կը սպաննէր չի ծնած , եթէ բնութիւնը , կանխատեսութեամբ , զաւկին կենացը կցած չըլլար նաև մօրը կեանքը :

Գանք հիմայ երրորդ հարցման :  
Իրաւ է թէ կան արք որոնք կը սնանկանան , երբեմն ալ զիրար կը մեռցնեն այս տեսակ կանանց համար : Միայն թէ այս արանց շատը , եթէ այն տեսակ կիներ չըլլային , շանց և ձիոց համար պիտի սնանկանային , և երբ անոնցմէ մին սպաննուի , բան մը չկարուիր : Այս պարուններն , աղջիկս , չկան , միայն կ'երեւին : Եւ իրենց ամբողջ էսթիլը անեւաշուն մէջն է : Եթէ այն կիներն ազտոտ ու տղմոտ թաղ մը արտրեալ ըլլային , կէս գիշերուն միայն ոտք պիտի կոխէին հոն :

Մարդս նշանաւոր ըլլալու պէտք ունի : Անոնք որ տաղանդ , սիրտ և միտք ունին , ի բարին նշանաւոր կ'ըլլան : Անոնք որ նշանաւոր ըլլալու համար ստակ ունին միայն , ստիպուած են ի շարն դիմել : Պէտք չէ շատ մեղքնալ զանոնք և ոչ ալ շատ ատել : Պարագ աշխատանք է զանոնք այն ճամբէն դարձնելու ճղնիլն . անոնց մեծագոյն մասն անկարող են պետութեան և ընկերութեան իրական ծառայութիւն մը մատուցանելու :

Սողոմոն կ'ըսէ թէ , թէ որ խենթը սանդի մը մէջ դնես ծեծես , նորէն խենթ կը մնայ : Այս պարուններն՝ երբ իրենց տունն և կամ աւանձին են՝ կը ձանձրանան : Նաև քիչ կը խօսին : Մտածում մը ո՛րքան բարձր ըլլայ , այնքան անոնց կարողութենէն վեր կ'ըլլայ : Ինչ փոյթ խլորդին արեւը : Իտէական բան մը , ճշմարտապէս գեղեցիկ բան մը չի յանկուցաներ զանոնք . անոնք հաճոյք և շուայտութեան բարեկամներ միայն կը փնտռեն : Անդադար կը վազեն այն կանանց և

տեւէն , որք իրենց ծախած մէն մի յիմարութեան , մէն մի անվայելչութեան , իրենց համար յատուկ շինուած թերթերու մէջ կարդացած մէն մի համարձակութեանց ատեն , զանոնք սիրուն , մտացի , անդիմադրելի կը կոչեն , անոնց ստակէ կորզելով միանգամայն : Երբեմն ալ այս կիներն զանոնք գեանափոր ճամբայներով մինչեւ պետութեան բարձր գործերն կը մղեն , վասն զի ամենուրեք խենթեր և շուայտներ կը գանուին : Խաբը այս պարոններն գեղեցիկ կառքերու , ընտիր ձիերու տէր կ'ըլլան , և հարճերնուն քով նստած՝ հասարակաց հրապարակներն կը շրջին , որպէս զի անցնող խենթն ըսէ . « Ահա՛ հարուստ և երջանիկ մարդ մը : » Խեղճը՝ անոր երջանկութիւնը տասն սկուտ շարժող բանի մը միլիօն մը վճարելու մէջ կը կայանայ , Որքան երջանիկ երեւի՝ այնքան թըլուատ է : Եւ եթէ այն արարածէն սիրուելու երջանկութիւնն ունենայ իւր թշուառութիւնն Յորի թշուառութենէն մեծ կ'ըլլայ :

Գալով կնոջ , անկմանը հետեւեալ օրն իւր առաջին խնամքն է ինքզինքն համոզել թէ տակաւին կրնայ սիրուիլ , գոնէ վայրկեան մը : Այս համոզման հասնելու համար ամէն բան աչքն կ'առնու , վասն զի , ըստ իրեն , սիրուիլն պատուաւոր կնոջ մնացորդ մ'է , զոր կը յուսայ աղատել իւր նաւարեկութենէն :

Քիչ անգամ կը պատահի որ այս կիներն , ընկերութենէ վրէժ լուծելու համար , այր մը շուայտութեան մէջ ձգեն : Անոնք ամենքն ալ վրէժ-խնդրութեան գաղափար մ'ունենալու չափ խելք

չունին , վասն զի վերջապէս ան ալ գաղափար մ'է : Պատուաւոր անուն մը կրող այր մը իրենց քաշել , այր մը որ այս կցորդութեամբ անունը կ'աւրէ , ասիկայ բողբոլին ինկած չըլլալու , մասամբ տակաւին ընկերութեան պատկանելու ցնորք մ'ունենալ է , և անոնցմէ շատն մեծամեծ գոհողութեամբ յանձն կ'առնուն ընկերութեան մէջ մըտնել , բայց անոնց համար ընկերութեան մէջ մըտնելն պատուաւոր մարդ է մը սիրուիլն է : Որքան խորամանկութիւն , որքան ճգունք , որքան հրակմունք , որքան մախուստ , որքան տանջանք տասը վայրկեան սուտի համար :

Ա՛հ , սիրելիս , եթէ կինը մտօք և առաքինութեամբ ալ պատուաւոր չըլլայ , գոնէ հաշուով պէտք է ըլլայ : Քաղցր ու դիւրին է առաքինի ըլլալ , բայց տաժանելի և դժուար է անպատիւ ըլլալ : Այս կիներն վայրկեան մը ցնորքի համար մէկ աւուր մէջ աւելի շատ միտք և գործունէութիւն կը վասնեն , քան թէ պատուաւոր կին մը ամբողջ կեանքին մէջ :

Այս թշուառներն , պատերազմէ յոգնած , երբեմն ինքզինքնին սիրել , և իրենց սիրովն քաւութիւն գտնել կ'երեւակայեն :

Յնորք , տե՛սիլ :

Առաւելնալիւնը կորնցնող կին մը չկրնար ալ եւս սիրել : Ի զուր կը ջանայ ինքզինքն խարել , ի զուր ամբողջ ձայնովն կը գոչէ . « Կը սիրե՛մ , կը սիրե՛մ և կը սիրե՛մ : » Կը սիրեմ՝ զո՞վ . Պողո՞սը թէ Պետրոսը : Պետրոսը որքան ալ որ սիրուած ըլլայ , Պողոս , մի և նոյն պայմաններով , անոր պի-

տի յաջորդէ . սա ալ կայ որ Պօլոս անիրաւութիւն մ'ըրած չպիտի ըլլայ Պետրոսին : Կրնայ ըլլալ որ իտէական կին մը , ամուսնութեամբ իրեն անարժան մարդու մը միացած ըլլալով , ուրիշի մը միտի՝ անոր մտացն ու հանճարոյն համար : Քայց պէտք է որ այս մարդն երիտասարդութեան և գեղեցկութեան Ֆիզիքական յատկութեամբք գոնէ իւր հակառակորդին հաւասարի : Ապա թէ ոչ Սէն—Լամպերներն միշտ Վօլթէրներէն գեր ի վեր պիտի համարուին : (1)

Ո՛չ , հաղար անգամ ո՛չ : Աին մը իւր ամուսինը միայն կրնայ աղէկ սիրել , և անկից միայն աղէկ սիրուիլ : Եւ իւր ամենամեծ երջանկութիւնը սիրուիլը չէ : այլ սիրելը , վասն զի աւելի պէտք ունի սիրելու քան թէ սիրուելու :

Եւ անպատիւ կնոջ ամենէն մեծ թշուառութիւնը ալ եւս չկարենալ սիրուիլը չէ , այլ չկարենալ սիրելը :

Այրող կեանքը սիրած անձը միտուելով կ'անցընէ , և երբ իւր անկմանը կամ թշուառութեանը վրայ լաւ մը համոզուի , շուն մը կամ թռչուն մը կը սիրէ : Վասն զի ամուսին մը չսիրելով և

(1) Տ. Տիւշաթլէ , իւր ժամանակին ամենէն ընտիր անպատիւ կանանց մին , Վօլթէրի բարեկամուհին , քառասուն երկու տարեկան հասակին մէջ հրապուրուեցաւ Սէն—Լամպերէն , գեղեցկի , և իւր հանճարաւոր բարեկամէն քսան տարու աւելի պզտիկ մարդէ մը : Քառասուն երեք տարեկան հասակին մէջ տղաբերքի ցաւերէ մեռաւ :

սիրելու երջանկութիւնն չունենալով , իւր որդին ալ չսիրեր :

Նա կին մը չէ , այլ շնչաւոր արձան մը :

Մարմարեայ դուռը տխուրը խիստ յարմար անուն մ'է :

ԺԶ.

Աղջիկս . հասարակաց բարուց խնդիրն դեռ չաւարտեցաւ : Ասիկայ աղքատին և հարուստին , գեղեցկին և տգեղին , Ֆռանսացւոյն կամ օտարին , ամէն նորատույ համար կենաց և մահու խընդիր մ'է :

Այնպիսի ընկերութեան մը մէջ կ'ապրիս , յորում մոլութիւնն բարձր դասուց մէջ յանպատիժ լաւ կը պարզի , և առաքինութիւնն օրինօք իրաւունք չունի զայն քաղքին ստորին տեղերն քշելու , ուսկից ելնելու չէր բնաւ և ուր օրէնքն զայն դատարարակութեամբ և բռնի աշխատութեամբ կործանելու համար միայն մտնելու էր : Ուր որ որումը չբացուիլ և մոխիր չըլլար , ցտեալ ցորեանն կ'իյնայ և հողուն վրայ կ'որդնոտի : Մոլութիւնը առաքինութեան որումն է : Անշուշտ տեսած ես այն գեղեցկի նորատի աղջիկներն , որոնք բող , հարձ , կիսաշխարհի կանայք կը կոչուին , (ասոնց անուններն հիւանդութեանց պէս զանազան են) և որոնք ծառուղիներու վրայ , Պուլօնեի անտառին մէջ կառքերով կը շրջին , երբեմն ալ ամենէն ընտիր ցեղերէ երիտասարդաց քով նստած : Զանոնք Օթէրայի , Իթալիէնի մէջ տեսած ես , և նո-

ցա յաջողութեանցը, զարդուցը, աղամանդներուն  
 և սիրահարներուն վրայ խօսուած է քու առջեւ :  
 Տեսած ես թէ շքեղ ընկերութեան կիներէն ու  
 մանր անոնց նորաձեւութեանցն, երբեմն ալ խօսուածքնուն կը հետեւին, վասն զի մոլութիւնը  
 բնաւ առաքինութեան լեզուն չխօսիր, նոյն խակ  
 եթէ անոր դիմակն առնու : Ի շնորհս մեր օրէնքս  
 դիրներու և օրինաց տկարութեանն, ի շնորհս  
 մամուլը, թատրոնը, գրականութիւնը, և բարեքերն  
 ստեղծող ընկերութիւնը ապահանող մոլութեանց,  
 այս բաղդախնդիր բողբերը կրնան պարծիլ  
 այնպիսի երջանկութեան մը վրայ՝ որմէ կը  
 գրկուի անօթիտ առաքինի աղջիկ մը, մինչ խակ  
 եթէ անոնցմէ գեղեցիկ ըլլայ, վասն զի քիչ անգամ  
 աղջկան մը հետ կ'ամուսնանան իւր գեղեցկութեանը  
 կամ առաքինութեանը համար : Մեր հարուստ  
 երիտասարդներն ամուրի կ'ապրին այն թեթեւամիտ  
 աղջկանց հետ, զորս իրենց հարձերը կը կոչեն,  
 որոց հետ տարիներով իրենց ժամանակըն ու  
 հարստութիւնը կը վատնեն, և ուշ կ'ամուսնանան,  
 վասն զի միշտ զուարճանալու չափ ոյժ և  
 կարողութիւն չունին, և կամ երբ իրենց խրամատեալ  
 հարստութիւնը պէտք ունի դոցուելու օժտի մը  
 միջոցաւ, որ աւելի սիրելի կ'ըլլար իրենց՝  
 եթէ անոր հետ կին մ'ալ միացած չըլլար :  
 Այսպէս կ'ըլլայ ուր որ օրէնքն ամէն իրաւունք  
 կը շնորհէ այն ամուրիներու, որոնք ամուսնոյ, հօր  
 և քաղաքացւոյ պարտքերը կատարելու համար չեն  
 որ կ'ամուսնանան, և ուր որ լաւ դաստիարակեալ  
 պարմանուհիք և մարք այս տեսակ անձանց

միայն վերայ ձեռք կ'երկնցնեն և զայն իրենց  
 ընկերութեան և սրահներուն մէջ կ'ընդունին : Այն  
 երիտասարդները, որոց դրամական կացութիւնը  
 այնքան լաւ վիճակի մէջ չէ, և որոց դաստիարակութիւնն  
 սուղի նստած է իրենց ծնողացն, նոյնպէս  
 օժիտներու հետ կ'ամուսնանան, կամ վիճակ  
 մը գնելու, և կամ պաշտօննին կատարելագործելու  
 և բարեբերու համար :

Իրենց գեղեցկութեամբն ու առաքինութեամբըն  
 ամուսնացեալ աղջկանց թիւն խիստ փոքր է :  
 Սովորաբար զանոնք ձերեր և կամ տղաք ունեցող  
 այրիներ կ'առնուն :

Կը տեսնես որ եղածին պէս կը նկարագրեմ  
 այն ընկերութիւնը, որու մէջ ստիպուած ես ապրիլ :  
 Ձքեղ վարդագոյն ցնորքներով չեմ պատրեր,  
 որոնք վարդերէ աւելի շեն տեւեր, առաւօտ մը  
 միայն :

Ուրեմն պիտի ըսես ինձ, (և կը խոստովանիմ  
 թէ շատ աղջկունք ալ ըսած են) :

«Ինչո՞ւ ես ալ այլոց պէս չընեմ. ինչո՞ւ համար  
 փոքրիկ սենեկիս մէջ մնամ. ինչո՞ւ համար աւուր  
 առաքինութեամբ քողարկուիմ. ինչո՞ւ համար  
 կնձնոյն ներքեւ գեղեցիկ իշխանի մը սպասեմ, որ  
 հիօթներու պատմութեանց մէջ միայն կ'երեւի :  
 Եւ քանի որ երիտասարդ եմ, քանի որ գեղեցիկ  
 եմ, և թերեւս աւելի գեղեցիկ և աւելի երիտասարդ  
 քան թէ հարձ մը, որ հարիւր հազար Քրոանքի  
 ազամանդ, ութը զսպանակով կառք մը, ծառայներ  
 և խել մը երիտասարդ ցանկացողներ ունի,  
 վերջապէս ինչո՞ւ համար առաքինի, մոռ-

ցուած և թշուառ մնամ, քանի որ մուլութեամբ կրնամ նշանաւոր, պաշտեցեալ և երջանիկ ըլլալ:»

Առջիկս, եթէ երբեք ուշադրութեանդ պէտք պիտի ունենամ, այն ալ տալիք պատասխանիս վերայ է: Անոր մէն մի բառն յիշողութեանդ մէջ քանդակէ, և կրկնաբանութիւններէս մի՛ երկնչիր վասն զի, եթէ չկարենամ զքեզ համոզել, դու չէ՛ թէ միայն կորսուած ես ինձ, ընտանեացդ և հայրենեացդ համար, հապա կենաց մէջ ա՛լ ճըլմարիտ և ամենափոքր զոհողութեան արժանի բան մը չպիտի գտնեմ: Պարտքը, առաքինութիւնը, պատիւը ա՛լ եւս սնոսի և դատարկ բառեր պիտի ըլլան: Ալ եւս արդարութիւն, փառք, երջանկութիւն, Աստուած չպիտի գտնային, և մարդ անասնոց ստորնագունէն ա՛լ թշուառ պիտի ըլլայ: Մտի՛կ ըրէ:

Մարդկային էակի մը կեանքը սովորաբար 70 80 ասարի է: Ընդհանրապէս կնոջ մը համար երիտասարդութեան և դեղեցկութեան կեանքը 10—15 տարի է. ասիկայ ծաղկման եղանակն է:

Արդ, երիտասարդութիւնը, ինչպէս ամէն ծաղկման եղանակ, վայելելու համար եղած չէ: Անիկայ դեղձիի մը կամ խնձորենւոյ մը ծաղկին պէս կը փայլի և հաճոյ կը լինի աչաց, բայց ծառէն սպասուածը ծաղիկը չէ: Եթէ այն ծաղիկը վերջէն պտոյղ փոխուելու չըլլար, նայինք թէ գեղեցիկ պիտի երեւէ՞ր մի մեզ: Վերջապէս անոր եղանակը շատ կարճ է: Այս եղանակն անցնելուն պէս, ա՛լ գեղեցկութիւնն ինքզինքին համար չի կրնար ըլլալ, անոր պտուղն ալ պէտք է, կամ,

աւելի աղէկ է ըսենք, հոտն ալ, և կնոջ համար այս հոտը կը կոչուի պատիւ և առաքինութիւն:

Նոյն իսկ ծաղկման եղանակին մէջ կինը չի կրնար առանց պատուոյ ապրիլ. բայց այն եղանակըն անցնելուն պէս, ա՛լ իւր ամբողջ կեանքը զըրկմանց և տանջանաց կեանք մը կ'ըլլայ, եթէ իւր նմաններէն չակնածի:

Արնայ ըլլալ որ նորատի բող մը, իւր գեղեցկութեան հետակէտին մէջ, իրեն մօտեցողներէն պաշտուած, ոսկւոյ և աղամանդներու աշխարհի մը մէջ լողայ: Բայց շուայտութեան այս օրերն երազի մը պէս կ'անցնին, և առաւօտ մը, տարիքն առած և խելքն ամէն ատենուրէն աւելի գլուխը, կը տեսնէ որ իւր հարստութեանց մէջ լքեալ է բոլոր կիներէն և բոլոր պատուաւոր մարդոցմէ երեսէ ձգուած: Թերեւս լած կամ տեսած ես անդիի ծայր հարուստ բողեր, որոց սըրահներուն մէջ բնաւ երբեք պատուաւոր կին մը կամ ինքզինքը գիտցող այր մը չերեւիր: Մինչ իսկ իւր ծառայները, զորս կը հարստացնէ, զինքը չեն յարգեր:

Եւ որովհետեւ ոչ մի անկեալ կին պատուոյ գիտակցութիւնը բոլորովին կը կորսնցնէ, այս բոզերու կենաց մէջ կան վայրկեաններ, յորում բոլոր ունեցածնին կու տան պատուաւոր պարմանուհի մը կամ աղքատ, բայց ընտանիքէն ու ծանօթներէն յարգուած մայր մը ըլլալու համար:

Ի գո՛ւր. պատիւը, ինչպէս ըսած է բանաստեղծը, մենացեալ կղզի մ'է: Մարգս մէկ մը որ անկից դուրս ելնէ, ա՛լ չկրնար մտնել հոն, մինչ

խոկ կամաւոր մահուընէ ետքը , որ մեծ քաւու-  
թիւն մ'է :

Ուրեմն հանդարտութեամբ և երջանկութեամբ  
պտուղներ վայելելու սահմանեալ 40 կամ 50 տա-  
րիները , երիտասարդութեան մի քանի տարիներ  
ու թալկաւոր և մղձաւանջաւոր (cauchemaresque)  
արբըութեանցը զոհելն խենթութիւն է : Այր և  
կին իրենց վաստակոց պտուղն քառասուն տարե-  
կանի մօտ կը քաղեն , երբ տղաք կը սկսին խելա-  
հաս ըլլալ , և իրենք ալ գացող ծնողաց և եկող  
որդւոց մէջ իբր խնամակալ և նեցուկ կը գտնու-  
ւին , անցելոյն և ապագային երկու սերունդներ  
ըը , որ ներկայն ներկայացնող սերնդեան վրայ կը  
յենուեն և զայն կը շրջապատեն : Ասիկայ մարդ-  
կութեան ճշմարիտ երրորդութիւնն է : Ասիկայ  
ընտանեաց սիրելի ու գեղեցիկ պատկերն է : Ան-  
կից զատ ո՛չ առն և ո՛չ կնոջ համար ճշմարիտ և  
տեւական երջանկութիւն կայ : Մնացեալը ծուխ  
և ցնորք է :

Բայց ենթադրենք վայրկեան մը թէ՛ այս արբ-  
ըութիւնը գրաւէ զքեզ : Մինակ դու չես : Հար-  
իւրաւոր պարմանուհիք , դաստիարակութիւն ,  
փորձառութիւն , նա մանաւանդ առաջնորդ չու-  
նենալուեն , և տենչանաց փափաքի մը տեղի տա-  
լով , կ'ընդունին այս ցնորքը : Անոնց մեծագոյն  
մասը խելքէ ու խմացողութենէ զուրկ է , վասն զի  
քեզի զրուցածներս ամէն աւուր փորձառութեան  
վրայ հիմնեալ են : Ոմանք ալ ծուլութեան մոլու-  
թեամբը բռնուած են , որն որ մարդուս գլխուն  
եկող բոլոր անկմանց և դժբաղդութեանց մայրն

է : Բայց կան ոմանք ալ , որոնք սխալ միտք մը և  
դէշ դատողութիւն մ'ունին և կ'ըսեն . « Լաւ :  
Այս արբըութիւնը երկար չտեւեր : Միշտ գեղե-  
ցիկ չեմ մնար , միշտ սիրահարներ չեմ ունենար ,  
որ ոսկի հեղուն ինձ : Երբ այն օրն հասնի , երբ  
քունքիս վրայ տեսնեմ առաջին կնճիւղը , երբ տես-  
նեմ որ արք առաջուան չափ փութով չեն գար  
քովս և մոլութեան ընկերներս կը ծաղրեն զիս ,  
այն օրն ինքզինքս կը սպաննեմ : Իմ սկզբունքս է .  
կարճ և լաւ : Երիտասարդութիւնս աղէկ կը վայե-  
լեմ , և այն երիտասարդութիւնը անցնելուն սէս'  
կեանքը կը թողում : »

Դիտէ՛ որ յանուն կրօնից չեմ խօսիր քեզ :  
Ինքզինքն սպաննել ուղղոյ անձ մը , որ մեռնիլը ո-  
րոշած է , բնաւ բանի տեղ չդներ այն տեսակ  
ճառերը :

Եւ մարդուս անասնոց վրայ ունեցած միակ  
առաւելութիւնը ինքզինքը կարենալ սպաննելն է :  
Եթէ ձին ու էջը այս կարողութիւնն ունենային ,  
գրաւ կը դնէի որ Օհայէն չպիտի ունենայինք :  
Եթէ մարդս ուղած ատեն չկարենար ինքզինքն  
սպաննել , զօրաւորներն այնքան պիտի նեղէին տը-  
կարները , որ մարդիկ բնաւ չպիտի կարենային  
գերութեան շղթայները խորտակել : Դու չէ՛ թէ  
միայն ինքզինքդ սպաննելու իրաւունք ունիս , հա-  
պա նաեւ կան պարագայներ՝ որոց մէջ առաջին  
պարտքդ է այն : Օրինակի համար , եթէ գտնուիս  
այնպիսի մարդու մը դիմաց , որ , իւր զօրութե-  
նէն օգտելով՝ ուզէ ամբժութիւնդ սլոծել , առա-  
ջին պարտքդ է նայիլ որ զայն սպաննես : Ասիկայ

օրինաւոր սաշտպանութեան պարագայ մ'է, և եթէ՝ տկար ըլլալով՝ զայն չես կրնար սպաննել, այն ատեն պէտք է լաւագոյն համարիս կեանքդ քան թէ պատիւդ կորսնցնել:

Բայց, աղջիկս, մեռնիլը չբաւեր: Պէտք է նաև գիտնալ թէ՝ մեռնելով յաւիտեան կը մեռնինք մի: Ասիկայ, ինչպէս որ պիտի տեսնես, բընաւ ստոյգ չէ: Եւ հոն է գլխաւոր խնդիրը: Ուրեմն մտիկ ըրէ՝, և ըսելիքներէս բառ մը մի՛ կորսընցներ:

Երբ յաշտարհ եկար, ոչ ոք քեզ հարցուց թէ՝ ծնիլ կ'ուզե՞ս մի: Աին ըլլալ կ'ուզե՞ս մի: Ա'ուզե՞ս մի ձի, էջ, ձուկ, թռչուն, օձ, ծառ, բանջար, աղամանդ, մարմար կամ խեցի ծնիլ:

Դու առանց կամացդ ծնար: Եթէ ընտրելու թոյլ տային քեզ, թերեւս բնաւ չէիր ծնէր կամ այր կը ծնէիր: Բայց Արարիչը կամօք չի հարցուց: Ծնելէդ վերջը կրնաս մեռնիլ, բայց մեռնելէդ վերջը չես գիտեր թէ՝ հրեշտակ, այր, կին, ձի, ծառ կամ խեցի՝ ի՞նչ պիտի ըլլաս: Ազատ ես չսպրեւրու. այս ստոյգ է. բայց ազատ չես չլեւրածնելու և ոչ ալ վերածննդեանդ ձեւն ընտրելու: Ասոնք ենթադրութիւններ չեն. քեզ ըսածներս ստոյգ բաներ են:

Հիմայ ակնարկ մը միայն նետէ՝ բոլորտիքդ: Բնութեան գեղեցկութիւնը և ներդաշնակութիւնըն պիտի հիացնեն գքեզ: Պիտի տեսնես որ առանց արդարութեան ոչ մի աշխարհի մէջ կարելի է ներդաշնակութիւն գտնուի: Մարդիկ իրարու հետ չեն կրնար կենակցիլ, եթէ իրենց մէջ Ար-

դարութիւնը չտիրէ: Ամենափոքր կուրը: և հետեւաբար պատերազմը անարդարութեան վրայ կը կայանան: Չենք կրնար նաեւ վայրկեան մը Արարիչ մը երեւակայել, առանց Արդար ստորագելին տալու անոր:

Գիտես թէ մարդ խօսքով, մտածմամբ և ազատութեամբ բարձր է անասունէն, որ նաեւ բարձր է տունկէն, և աս ալ բարձր է հանքէն. պայմանով մը սակայն, այն թէ՝ մարդ պէտք է իւր գերագունութեան յատկութիւններն պահէ, և զանոնք չկորսնցնէ այնպիսի մտութիւններով, զորս անասունն իսկ չի գործեր: Ուրիշ ստոյգ բան մ'ալ սա է որ, այն մարդը, որ միշտ կը ջանայ իւր տեսակին սովորական գերագունութենէն աւելի վեր բարձրանալ հրեշտակային առաքինութեամբ, մահուընէն վերջը չի կրնար իյնալ: Ի՞նչպէս կրնանք ենթադրել որ ստեղծող և ջնջող զօրութիւնն անիրաւ ըլլայ, և իւր կամօքն ու ազատութեամբն այնքան վեր բարձրացող էակը խոնարհեցնէ: Ասիկայ չի մտածուիր իսկ: Արարիչն այն ատեն ազատութիւն չէր տար անոր: Վասն զի ի՞նչ օգուտ պիտի ունենար անոր գեղեցիկն ու բարին ընտրել, և տղեղն ու յոռին անարգել, եթէ, մահուընէն վերջը, իրմէ բարձր կամօք մը, մտահաճութեամբ կամ անիրաւութեամբ, զինքն վար պիտի գահավիժէր այն աստիճանէն, զոր ա՛յնքան զոհողութիւններով և ա՛յնքան անձնուրացութեամբ ձեռք բերած էր: Ասիկայ անկարելի է:

Հիմայ այս ճշմարտութիւններն քու վիճակիդ պատշաճեցնենք:

Գեղեցիկ ու երիտասարդ էս : Դեռ պատուաւոր երիտասարդ մը չի ներկայանար ձեռքդ ուղեւ համար : Չես ուզեր պառաւ աղջիկ ըլլալ և կ'ըսես . « Գոնէ երիտասարդութեանս մէջ կը զըւարճանամ : Սիրահարներ և աղամանդներ ա կ'ունենամ : Հաճոյից մէջ կը լողամ և պերճուութեամբս կը քարկոծեմ զիս անարգել ուզող և պատուաւոր կիներն : Վերջը , երբ սկսիմ ծերանալ , երբ արք սկսին չսիրել զիս , երբ նոյն իսկ իմ տեսակէ կանայք չի յարգեն զիս , ինք և զինքս կը սպաննեմ » :

Լա՛ւ : Բայց գիտե՞ս ինչպէս պիտի վերածնիս : Արնաս դժոխքն ու քաւարանը ուրանալ , հայրդ գուցէ ատոր չի հաւատար : Բայց քու կարծած ոչնչուութիւնդ չկայ : Եթէ ատանկ բան մ'ըլլար , դու անկից դուրս չէիր ելլէր : Եթէ ոչնչութիւնը այդքան գեղեցիկ բան մ'ըլլար , հոն կը կենայիր : Բայց , պիտի ըսես , ինձ չթողուցին ընտրութիւնն : Իրաւ է : Բայց մահուանդ միւս օրն պիտի թողո՞ւն որ ընտրես : Միթէ կը կարծե՞ս որ Արարիչը , որ բնաւ կամքդ հարցուցած չէ , այս անգամ հարցունէ : Եւ եթէ հրամայէ որ էշ , շուն կամ կապիկ ծնիս , ի՞նչպէս պիտի դիմադրես անոր : Եթէ առաքինութիւններովդ բարձրացած ըլլայիր , կըրնայիր գանգատիլ ասոր վրայ . բայց քանի որ նա իւր բարութեամբն զքեզ կին ու գեղեցիկ ստեղծած է , և դու , քու կամքովդ , էշու , շան և կապիկ կեանք վարած ես , ի՞նչ իրաւունք պիտի ունենաս այս երկրորդ կենաց հրամանին և այս սոսկալի անկման դէմ բողոքելու համար : Կը տես-

նես որ « Կարճ և Լա » անհեղեղ խենթութիւն մ'է և եթէ ոչ Աստուծոյ , գոնէ ինքզինքիդ հաճելի ըլլալու և քու անձնական շահուդ համար պէտք է առաքինի ըլլաս :

Այս կենաց մէջ , աղջիկս , իրական չէ այն հաճոյքը , զոր չեն յարգեր մարդիկ : Այս մասին , ձայն բազմաց ձայն Աստուծոյ է : Ամուսնութիւնն սիրոյ սրբագործութիւնն է : Ուրիշ որ և է սէր այս աշխարհիս մէջ յանպատուութիւն , և մահուընէ վերջն յանկուսն կ'առաջնորդէ : Եւ որովհետև կենաց երջանկութեան մեծագոյն գանձը սիրոյ մէջ է , ասկից կը հետեւի որ մարդկային կենաց մեծագոյն երջանկութիւնը ամուսնութեան մէջ է , որ պատիւն երջանկութեան կը միացնէ : Ընկերութեան մէջ , մարդոց անիրաւութեամբն և անոնց ցած ու անասնական կրից պատճառաւ , այս երջանկութիւնը եթէ մերժուի կուսին , աւելի լաւ է իրեն համար առաքինի մնալով զրկուիլ անկէ , քան թէ ինքզինքը մոլի սիրոյ յանձնել , որ իրական երջանկութիւն մը չկրնար հայթայթել անոր յաշխարհի և զայն մահուընէն վերջը անասնոյ կարգ կ'իջեցնէ , կ'ուզէ վերածնի , կ'ուզէ չվերածնի :

ԺԷ .

Դու որ Անկլիարէն ու Գերմաներէն գրքեր կարդացած ես , գիտես , աղջիկս , թէ սրտի ըզգացումներն ամէն ժողովրդոց մէջ միօրինակ չեն : Սէր բաւը , որ Գերմանիոյ մէջ այնքան քաղցր ,

բանաստեղծական և վայելուչ է , Ֆրանսայի մէջ վախ կը պատճառէ բոլոր անոնց , որք սիրային դէպքերն չեն սիրեր : Շատ մը բառեր , որոց տեղըն ուրիշ բառեր դնելն անհնար է , Ֆրանսերէնի մէջ անվայելուչ են , և շատ մը վիպական տիպեր , որք Ֆրանսայի մէջ ժողովրդական են , Անկլիսիոյ և Գերմանիոյ մէջ չեն : Անկլիացի կամ Գերմանացի սիրահար մը իւր սիրուհին չի հրապուրեր . եթէ հրապուրէ՝ ամօթն իրեն է : Զայն յարգանքը կը սիրէ մինչեւ ամուսնութենէն վերջն ալ : Եթէ զիս կը սիրես , կ'ըսէ Գերմանուհին , յարգէ զիս , և նայէ՝ որ ուրիշներն ալ յարգեն : Գերմանուհին իւր սիրած անձին անձնուիրութեանը , աշխուրթեանը և անկեղծութեանն այնքան կը վստահի որ , անպաշտպան է մարդու մը զիմաց , զոր օրինակ Ֆրանսացւոյ մը դիմաց , որ անոր վրտապանութենէն օգտելու միտք ունի : Վասն զի մի՛ մոռնար , զաւակս , որ ո՛չ մէկ կին , ո՛չ մէկ պարմանուհի , որ թոյլ կու տայ մարդու մը ուղած ատեն զինքն տեսնել , և որ անոր հետ մտածմանց , խօսքերու և զրացմանց փոխանակութեան մը մէջ կը դառնուի , չի կրնար անձին վրայ ապահով ըլլալ , եթէ այն մարդը չգիտէ ինքզինքին յարթել , և կրից հոսանքն իւր սիրեցելոյն պատուոյն ու երջանկութեանը զոհել :

Ասոր համար է որ Սպանիոյ մէկ թագուհին ըսած է թէ , կին մը հրապուրելու համար Բուրգոն մտածելու չէ , այլ երբ :

Վաղ կամ անադան սիրող կինը , որ իւր սիրահարին պատուոյն չկրնար վստահիլ , կը տկարա-

նայ : Եթէ սիրահարն անկից օգտի , կինն առ յաւէտ կորսուած է , նոյն իսկ իրեն յաղթողին համար :

Գերմանուհիք և Անկլուհիք , իրենց սիրեցելոյն անկեղծութեանն և արժանեացն վրայ վստահութիւն ունենալով , ինքզինքնին աւելի դիւրաւ այն վստահութեան կը յանձնեն : Հազար , հարիւր հազար օրինակներ կ'ապացուցանեն թէ Գերմանացի կամ Անկլիացի աղջկան մը համար շատ քիչ վտանգ կայ ամբողջ ժամեր առանձին իւր նշանածըն տեսնելու մէջ :

Մինչդեռ ու մէկ Ֆրանսուհի կընայ անկորստ ատեն ինչ կենալ Ֆրանսացոյ մը հետ և անոր վարակի , վասն զի , հետադարձական բան , այս Ֆրանսացին պէտէ կարծէր թէ պարտաճանձեան օրէնաց Գերմանուհիք , եթէ չհրէր հրապուրել այն կնիք , որո հետ ատեն ինչ կը բարոնէ :

Գերմանացին կամ Անկլիացին սէրը կը սիրէ : Հաճելի է իրեն հաւատարմութեան , բանաստեղծութեան և սիրոյ անհունութեան վրայ խօսիլ կնոջ :

Ընդհակառակն Ֆրանսացին միայն կինը կը սիրէ . իտէական սէրը կը ծաղրէ , և անոր հաւատացողներուն վրայ կը խնդայ : Լաւագոյն կը սեպէ հրապուրիչ մը համարուիլ , քան թէ քիչ վստեղուկ և քիչ սիրահար մարդ մը : Ետքը , Աստուած հասնի , և վա՛յ կնոջ :

Ասոր համար ամէն ազգի մէջ Ֆրանսացիէն կը վախնան ու կը խորշին , իբր կանանց և պարմանուհեաց մեծ մտրեցուցիչ մը , որու վրայ ինքն ալ շատ կը հպարտանայ :

Թերեւս այս է պատճառը որ , Գերմանական և

ապերական Պաանասցի սյնտան երկիրներ նուաճեցին, առանց մեկը պահելու: Ուշ կամ կանաչի ամուսնաց և երբ որոշարարաց որելութիանը անոնց դեմ ժողովրդական պայմաններ յարաւ իւր Բերեր:

Աս ալ պատճառ մ'է, եթէ ոչ գլխաւորն, որ Պաանասայի մէջ գրեթէ բոլոր սիրոյ ամուսնութիւններն ողբերգականի կը դառնան, կամ առնուազն մարմնոյ բաժանման, մինչդեռ Գերմանիոյ և Անիլիոյ մէջ, սիրոյ ամուսնութիւններն լաւագոյններն են, մէկ աղիւններ:

Պաանասայի մէջ, երիտասարդ մը երիտասարդուհի մը կը տեսնէ. աղջիկն անոր հաճելի կը լինի, անոր կը խօսի գաղտուկ և կ'ըսէ թէ զինքը կը սիրէ: Արդարեւ երիտասարդներն կը կարծեն թէ տոգիանօք կը սիրեն զիրար, և առանց միմեանց չեն կրնար ապրիլ: Հազիւ ուրեմն սակայն զիրար առանձինն կը տեսնեն, և ժամանակ չունին իրարու բնութիւնն, ճաշակը և պակասութիւններն նշմարելու, վասն զի ոչ ոք կատարեալ է: Երբեմն ծնողք այս միութեան դէմ կը կենան. այն ատեն երիտասարդներն, ամէն իրաւունք և յարգանք առ ոտն կոխելով, կը յայտնեն թէ աւելի կ'ուզեն մեռնիլ քան թէ սպասել: Արդ, եթէ քիչ մը խելք ունենային, եթէ կարենային յաղթել նիւթոյն ի շահ հոգւոյն, չէ՛ թէ միայն պիտի յարգէին ծնողաց կամքը, այլ և պիտի ջանային զանոնք համոզել մաքուր և յարատեւ սիրով մը, և անխոնջ համբերութեամբ մը, վասն զի «չինչ կը դիմարբէ ճշարիտ սիրոյն, ու ինչ հայր մը:

Ժամանակն, որ ամէն բանի դեղն է, ամէն քանի փորձարարն ալ է:

Սէր մը, որ ժամանակի փորձն կրած չէ, ազէկ տեսակէ չէ: Շատ անգամ ստորին տախի մ'է, զգայարանաց յագեցման զգացում մը, անարժան առն, և որ զկինն անբանէն վար կ'իջեցնէ:

Բողոքական երկիրներու մէջ, բարքն չեն ընդունիր այն սէրը զոր ժամանակն փորձած չէ: Կը թողուն որ երիտասարդք զիրար տեսնեն, իրարու խօսին, զիրար դիտեն, և եթէ, տարիէ մը ետքը, երկու տարիէ ետքը, միասին ապրելու դիտաւորութեան մէջ պնդեն, նոցա սիրոյն կը հաւատան: Շատ հեղ նշանածք տասն տարի կը ըսպասեն. առանձինն զիրար կը տեսնեն, առանձինըն կը չըջագային, և ոչ ոք բան կ'ըսէ. վասն զի իրարու վրայ վստահութիւն ունենալով, հասարակութեան ալ մի և նոյն վստահութիւնն կը ներշնչեն իրենց մասին:

Ընդհակառակն Պաանասայի մէջ, սիրոյ ամուսնութիւնը հապճեալ ամուսնութիւն մ'է, սրտի փութորիկ մը, կրից ուրուական մը, բանականութեան ճշմարիտ խաւարում մը: Արդ, առանց բանականութեան սէր կրնայ ըլլալ, սակայն ոչ ամուսնութիւն: Ձէ թէ միայն բանականութիւն և շատ բանականութիւն պէտք է, հապա նաև մեծաբանակ իմաստութիւն մը: Ամուսնութեամբ միասին ապրելու համար, պէտք է ներել գիտնալ այն անձին պակասութեանցն, որու հետ կ'ապրինք. պէտք է իւր ժամանակն և ղուրսի հաճոյքներն զօհել գիտնալ. մանաւանդ եռանդէ, աւիւնէ, դախիւն գատ բան մը պէտք է: Վասն զի տախիլը եկածէն աւելի շուտ կ'երթայ, և եթէ բանակա-

նութիւն չըլլայ, ձանձրոյթ, յոգնութիւն և գըժ-տութիւն յառաջ կու գայ: Երանի է եթէ ոճիրն ալ իւր մահացու թոյնը չնետէ անդ:

Բնդհակառակն Գերմանիոյ մէջ, ժամանակի փորձին ենթարկուած սիրոյ ամուսնութիւններն գրեթէ ամենքն ալ բանականութեան ամուսնու-թիւններ են: Անանկ չեղողներուն վախճանն Ծռանսայի մէջ եղածներուն պէս գէշ կ'ըլլայ:

Վասն զի աշխարհիս մէջ ամէն բան կայ և կը տեւէ միայն բանականութեամբ, որ հոգւոյ լոյսն է: Բանականութիւնն անվախճան է, և անվախ-ճանն և եթ կը տեւէ:

Սէրը, երբ այս իտէականին ներքեւ մտնէ, աստուածային է: Այն ատեն մինչեւ գերեզմա-նէն անդին կը տեւէ, բայց այն ատեն միայն:

### ԺԸ.

Բի բեզ, աղջիկս, թէ ինքզինքդ քեզ ճանչ-ցընէլէս ետքը, թոյլ պիտի տամ կարդալ վէպեր և թատրերգութիւններ, և չպիտի երկնչիմ քեզ համար անբարոյական գրեանց սխալ դասերէն: Վասն զի փոխանակ այն գրքերուն զոհն ըլլալու, անոնց դատաւորը պիտի ըլլաս, և բանականու-թեանդ ակռաներովն զանոնք պիտի պատուես:

Ներէ՛ ինձ սակայն, որ քեզի հշարտացոյց (eridarium) մը տամ, բարոյական շո՛ք մը, որ զքեզ կարող պիտի ընէ դատելու, այսինքն բարոյապէս չափելու մտաց բերքերն, դատապարտելու կամ արձակելու համար, և կամ առաքինութեան

վարձքն շնորհելու համար, վասն զի տաղանդն անձամբ դատելու համար, քեզի ուրիշ ճշմարտա-ցոյց մը պէտք է, զոր վերջէն դու պիտի շինես:

Գիտցիր որ ամէն ժողովրդեան փիլիսոփայու-թիւնն երկու դրութեան կը վերածուի:

Ոմանք կը սնդեն թէ զաղափարներն ծնըն-դական են և ուղղակի Արարչէն կամ ըստ քնիւտն է եղող եռ-թէնէն կու գան:

Ոմանք ալ զգայութեանց տպաւորութենէն զատ զաղափար չեն ընդունիր. ուրիշ բառերով ըսենք, կը նիւթականացնեն նոյն իսկ մտածումը, զոր ուղեղի մի գտումն կը նկատեն:

Առաջիններն ոգեպաշտք կը կոչուին, միւսնե-րըն նիւթապաշտք:

Հոս տեղը չէ այս խնդրոց վրայ խորունկ վի-ճելու: Ետքէն այս երկու դասուց միոյն մէջ պի-տի մտնես, և ես առաջուց գիտեմ թէ իտէական պիտի ըլլաս: Եթէ իտէականութիւնը կորսուէր, կինն, որ առաքինութիւնն ստեղծած է, նորէն զայն ալ պիտի հնարէր:

Արդ, ամէն երկիրներու գրականութիւնն ալ նոյնպէս երկու բանակի կը բաժնուի, ինչպէս փի-լիսոփայութիւնն:

Ամէն ազգերու մեծ գրագէտներն իտէական են. էակներ կը ստեղծեն, որք իրենց մեծ հոգի-ներէն կը ցայտեն, ինչպէս Աթենաս՝ Արամաղդայ ձակատէն, էակներ որոնք ո՛ր և է իտէականով մը սովորական մարդոցմէ կը զանազանին:

Իրեականը՝ իտէ (idée, գաղափար) բառէն կու-գայ, որ պարկեր, րեալ ըսել է:

Արդարեւ , իտէական մարդը զամէն բան աւելի բարձր և աւելի հեռուն կը տեսնէ քան թէ սովորական մարդը :

Իտէականք հոգւոյ հեռատեսներն են , որք շատ հեռուէն կը տեսնեն , և անփոյթ են մօտի գործերուն , օրական չքաւորութեան :

Իտէականն , անվախճանին , արդարութեան և անմահութեան հաւատքն է :

Իտէական մարդը միշտ շահն՝ մտաց , նիւթական հաճոյքն՝ իմացողական սկզբան մը , վայրկեանըն՝ յաւիտենականութեան , և վերջապէս ամբողջ կեանքը՝ անմահ փառաց ճառագայթի մը կը դռնէ :

Իտէականն , Աստուածն է մարդացեալ :

Իտէական հեղինակք բնաւ ազգային բան մը չունին : Վասն զի իտէականն ամէն ազգի մէջ նոյնն է , միայն ձեւով կը դանազանի :

Անոնք բանաստեղծ ալ կը կոչուին , վասն զի իտէականաց մեծագոյն մասն ոտանաւորով գրած են , և ոտանաւորն ալ լեզուին իտէականն է :

Չէ թէ միայն կը ներեմ քեզ կարդալ ամէն ազանց մեծ բանաստեղծներն , այլ նաև կը ստիպեմ որ կարդաս : Հոմեր , Սոֆոկլ , Էսքիլ , Շէյքսպիր , Քալտէրօն , Տանթէ , Թասսօ , Քօրնէյլ , Ռասին , Մօլիէր , Լէսսէն և Շիլլէր քու ընտրելագոյն բարեկամներդ պիտի ըլլան :

Մինչ իսկ հոն , ուր այս մեծ մարդիկ կը սըխային , մանրամասնութեանց մէջ այնքան ազնիւ գաղափարներ կը ցանեն , հոգւոյ վշտերուն համար այնքան մխիթարութիւններ և սրտի վիրաց

համար այնքան սպեղանիններ ունին , որ մարդ զանոնք կարդալով չի կշտանար : Չկայ վիշտ մը , որ որքան զօրաւոր ըլլայ , մեծ հեղինակ մը կարդալով չի խաղաղի :

Ս. Գիրքն պիտի կարդաս ամբողջ , առանց գանցառութեան , մանաւանդ զՄովսէս , զԳաւաիթ , զԵսայի , զՍողոմոն և զԱւետարան : Տեսոյ պիտի կարդաս զՔեղբարքա ամբողջ : Անոգուտ է կարդալ Լատիներէն գիրք մը . սա չնչին հեղինակաց (cuisire) լեզուն է : Հուովմայեցիք , այն մեծ զինուորներն , գրական բան մը ստեղծած չունին : Վիրգիլիս՝ Հոմերոսի և Թէոկրիտի հետեւած է , և Ովրատիոսի կամ Սենեկայի մէջ առակ մը չպիտի գտնես , զոր արդէն Առաքնեբան կամ Պլուտարքեայ մէջ կարդացած չըլլաս :

Իտէականաց մօտ , կան հեղինակներ , որ ամէն ազգի մէջ , ջանացած են բացատրել բարքեր և տիպեր . զորս ընկերութեան մէջ դիտած են : Ասոնք իրական (réaliste) կը կոչուին : Ասոնց մեծագոյն մասն վիպասաններ են : Սակայն երբեմն անոնց վէպերը բոլորովին մտացածին են , կամ պատմութեան ամենէն թատրերգական տեսարաններն կը ներկայացնեն և անոր գլխաւոր անձերն հուշակաւոր կ'ընեն : Կան որ այս արուեստին մէջ մեծ տաղանդ վատնած են : Սակայն հանճարը գրեթէ միշտ իտէական է :

Այս տեսակն բոլորովին ազգային է , այսինքն օրոչակի կը կրէ իր վրայ այն ազգին բարուց դուրսը , որու կը վերաբերի հեղինակն : Ընդ հանրապէս անկլիական և գերմանական վէպերը երիտա-

սարդի մը և երիտասարդուհեոյ մը սիրոյ պատմութիւնն են , վասն զի բողոքական երիտասարդուհին ազատ ըլլալով և խտէական սիրոյ հետեւելով, սիրոյ տապալեղուկը կը բռնէ :

Ընդ հակառակն Ֆռանսայի մէջ , ուր երիտասարդուհին , եթէ հրապուրեալ չէ , ոչ ումեք սիրտըն կը գրաւէ , վէպերու , կատակերգութեանց կամ թատրերգութեանց սովորական նիւթն է շնացող սէրը :

Սա է պատճառը որ վիսպական գրականութիւնը աւելի թատրերգական է Ֆռանսայի մէջ քան յՄեկլիա կամ ի Գերմանիա , վասն զի անմեղութիւնը կրնայ գրաւել իւր թշուառութեամբն , այլ ոչ իւր գործերովն , ըստ որում չի գործեր : Միայն անգործ զօրութիւն մ'ունի : Թէև Ֆռանսայի մէջ իսկ , վիսպասնութեան ճշմարիտ հրաշակերտներն երիտասարդուհեաց սէրեր են . Պոզ և Վէրքէնէ , Էօֆէնէ կրանոէ , Ստանայն ճահէճ :

Ուրեմն վէպեր կարդալով , ամենէն առաջ կընող առաքինութիւնն և անոր բնութեան իմաստասիրութիւնն պիտի սովորիս :

Ամէն երիտասարդուհի , ամէն ամուսնացեալ կին , որ իւր սրտքերն կը պղծէ , մին՝ դեռ չամուսնացած , մարդու մը տեղի տալով , և միւսն իւր ամուսնէն զատ մէկուն տեղի տալով , թշուառութեան մատնուած է : Այս մեղքերէն տրամաբանապէս յառաջ եկած գործերն թատրերգական կրնան ըլլալ . կրնան սիրտդ շարժել ու գրաւել : Արցունքներ կը պարտես թշուառաց , մինչեւ անգամ կը պարտիս կենաց մէջ մտիթարել այս թըշ-

ւառներն և անոնց համար ներող ըլլալ . բայց երբ անոք , կամ , անոնց տեղ , հեղինակներն իրենց ըրածներն կը քարոզեն , և հասարակաց կարծեաց հակառակ սկզբունքներով այս մեղքերն կը պաշտպանեն , պէտք է զանոք կեցնես և դատողութեամբ միջամտես : Մի՛ շլնար ճարտարախօսութեանէ . թշուառութիւնն , շատ անգամ ալ մուլութիւնն խիստ ճարտարախօս են : Ի դուր կը խօսին , կը պօսան , կ'անիծեն . ճակատագիրն , կամ մանաւանդ տրամարանութիւնն հոն է , և ջներեր գեթ այս աշխարհի մէջ :

Այս կանոնին բացառութիւններն , վասն զի ամէն կանոն բացառութիւն ունի , այնքան հազուագիւտ են , որ բացառութիւն մ'ըլլալ կարծող անձը իւր սնապարծութեան խաղալիկն է :

Այն գործը որ կը փառաւորէ և կ'արգարացընէ մուլութիւնն , միջին գործ մ'է և վաղ կամ անագան պիտի աներեւութանայ , եթէ հեղինակն հանճար մ'ալ ըլլայ :

Այն ատեն կու գայ կէսշիւրհէ գրականութիւնը , անպարկեշտ կանանց հտմար շինուած վէպերու և խաղերու այս դէզն : Երբեմն կորսուած կին մ'է , որ սիրոյ կրքով կը յուսայ ինքզինքն սրբազործել . երբեմն հրապուրեալ աղջիկ մ'է , որ ամուսին մը և երջանկութիւն կը գտնէ . երբեմն ալ շնացող կին մ'է , որ պատուաւոր կինը կը թըշնամանէ , կը ծաղրէ և իւր երջանկութեամբն ընկերութիւնը կը նուաստացնէ :

Սուտ են ասոնք ամենքն , սուտ , երբակի սուտ :

Չկայ անպարկեշտ կին մը որ ինքզինքն սիրոյ իտէականին զօնէ : Իւր փնտաւածը թշուառ ամուսին մ'է զինքն վերահաստատելու համար , և եթէ մեռնի՝ ամօթէն է : Յաւինք իւր վրայ , բայց շթուղունք որ սիրոյ սուրբ բառն սլլծուի :

Հրապուրեալ աղջիկ մը իւր հրապուրելէն զատ մարդու մը հետ չկրնար երջանկութիւն գտնել . ամուսինը կրնայ իրեն ներել , բայց ներումը երջանկութիւն չէ :

Չկայ անպարկեշտ կին մը որ կարենայ պատուաւոր կին մը նուաստացնել : Պատուաւոր կնոջ համար բաւ է երեւիլ , և ահա անպարկեշտն , ըզգալով իւր ստորնութիւնն , պիտի տժգուցնի , կամ , եթէ յանդուգն է , միւսն զինքն արհամարհանաց լութեան պիտի բերէ : Երկու կանանց մէջ , նըշան մը բաւ է առաքինութիւնն ու մոլութիւնն , գրախտն ու դժոխքն զանազանելու համար :

Երկար ատենէ ի վեր Ֆրանսայի մէջ կը վըխտան լրագրաստներ , թատրերգուներ , գիտուններ և վիպասաններ , որոնք գրքեր կը շինեն մարդուն շատ լաւ գիտցածը իրեն սովբեցնելու և զինքն ստիպելու համար անանկ բաներ ընելու , զորս աշխարհի արարչագործութենէն ի վեր կ'ընէ :

Կարծես իրենց ընթերցողներուն կ'ըսեն . «Չուարճացէք , աղէկ կերակուրներ տուէք , ըսքանչելի գիւնի խմեցէք , սիրեցէք գեղեցիկ անպատիւ կիներ , ջանացէք որ իշխանութեան հասնիք՝ հնազանդելու տեղ հրամայելու համար , ձեր երիտասարդութիւնն , ոյժն , միտքն , տաղանդն ըստակ չահելու գործածեցէք , շատ ստակ , միայն

ստակ , յաջողութիւնն ամէն բանէ , և բաւ է որ ողջ առողջ նպատակին հասնիք , վախճանը միջոցներն կ'արդարացնէ » :

Իբր թէ , Մաթուսաղայէն ի վեր , մարդս իւր բնութեամբն դէպի նիւթական վայելից մղուած ըլլար ի փնաս մտային երջանկութեանց . իբր թէ գեղեցիկին , սլատուոյ , վառաց , մաքուր սիրոյ , արդարութեան և անձին զոհողութեան իտէական արդունդի մը մէջ ըլլար , ուր մարդիկ զտորելու և միմեանց վիզն խորտակելու ենթարկուած են . իբր թէ ճարտարախօսութիւն , տալանդ , և հանճարի ամենակարող զօրութիւնն պէտք ըլլար արդիւնու համար մարդոց մեծագոյն մասն վիրար հրմշտկելու այն արագ զանիվերին վրայ , որ առ մեծն , առ գեղեցիկին , առ բարին և առ ճշմարիտն կը տանի :

Այո՛ , աղջիկս , գրքեր պիտի կարդաս , որք խարէութեամբ կը խրատեն զերիտասարդութիւնն նիւթական կեանքն վայելել , որ անոր կը ցուցունեն հաճոյից և մոլութեան ճամբուն վրայ արագութեամբ յառաջանալու միջոցներն , որք մտօք ու սաղանդով կը յարձակին սովբեցնելու համար մարդոց իրենց պակասութիւններն կատարելագործել , իրենց ամենէն անարգ կրքերն ոսկեզօծել , իրենց փափաքներն և ստահակութիւններն փառաւորել . բայց դու զանոնք պիտի դատես , զմանս անաչառութեամբ , անոնց մէջ վատնուած տաղանդին համեմատ , և զմանս արհամարհանաց ժպիտ մ'ի շրթունս :

Վասն զի , կամ տղիտութեամբ , կամ ան-

փորձութեամբ, կամ ընկերական պէտքով և կամ բնապէս մարդն խիստ հակամէտ է զոհել հոգին մարմնոյն, բանականութիւնն զգայարանաց, միտքը նիւթոյն : Չի դատարարակուած մարդոց մեծագոյն մասը, չափազանց աշխատութեամբ մը անբանացեալ, մարդկային բաներն — հոգեւոր կամ նիւթական — անոնց իրենց վրայ ըրած ցաւալի կամ հաճոյ տպաւորութեանն համեմատ կը դատեն : Անասունն ալ բնազգմամբ ունի այս դատողութիւնը :

Մարդս բոլոր ապրող էակներէն զանազանողն բուն իսկ այն է որ, բանականութիւն մ'ունի դատելու, չէ թէ վայրկենական տպաւորութեան, հապա պատճառներու և արգասեաց տրամաբանական վերաբերութեանց համեմատ :

Չգացումը ջերմութիւն է միայն, իսկ բանականութիւնն ջերմութիւն է՝ լոյսի փոխուած :

Բանականութիւնն ինքզինքն տեսնելէն զատ, կը տեսնէ նաեւ անցեալն, ներկայն և ապագայն, և բաղդատութիւններ ընելով, արգասիքներն պատճառներուն յարմարցնելով, կը դատէ և օրէնքներ կը ստեղծէ, որոնք չարեաց առաջքն կ'առնուն և բարեաց կ'առաջնորդեն :

Չգացումը, եթէ ցաւազին է, կրնայ դատապարտել այնպիսի բան մը զոր բանականութիւնն կ'արձակէ, ետքէն անկից յառաջ գալիք բարիքն գուշակելով :

Չգացումը կարելի է որ խիստ լաւ դատէ բան մը, զոր բանականութիւնն՝ տրամաբանապէս անկից յառաջ գալիք չարիքն տեսնելով, անդարձ

պիտի դատապարտէ :

Ասոր համար մարդն, որ բնազգմամբ չէ որ կը դատէ, հապա բանականութեամբ, բոլոր արարածներէն գերագոյն է, ասոր համար տիեզերաց թագաւորն է :

Բանականութիւնը մարմնոյն հաճոյքներն չի դատապարտեր : Անոնց հարկաւորութիւնն կը ճանչնայ, վասն զի քննած և չափած է մարմնոյն գաղտնիքներն, որմէ ինքն իւր լոյսը կ'առնու : Միայն թէ, նոյն իսկ մարմնոյն օգտին համար, զանոնք իտէական օրինաց կը ստորադասէ, որոնք ամենքն ալ կարգի և պահպանութեան օրէնքներ են :

Բանականութիւնն այն է նիւթին համար, ինչ որ են երկաթներն ու կասեցուցիչ մեքենայն (frein) վայրաշարժին համար : Առանց այս սահմաններուն որք ճամբան կ'ուղղեն, վայրաշարժն աւրչտկութիւններ ընելէ զատ, քիչ ատենուան մէջ ինքն ալ պիտի խորտակուէր :

Այսպէս կենջ բանականութիւնն առաքինութիւնը ստեղծեց : Վասն զի իտէական առաքինութիւնն է որ, սիրոյ տյնպիսի վայելքներ հայթայթելէ զատ՝ որոնք անկարգ տուփանաց անծանօթ են, մարմինն ալ կը պահէ ստոյգ և անդարմանելի անկումէ մը :

Հոգւոյ առողջութիւնն միշտ լաւագոյն պահպանիչն պիտի ըլլայ մարմնոյ հիւանդութեանց :

Բոլոր այն գրքերը, վէպերը, թատրերգութիւնները սուտ և յաւիտենական ճշմարտութեան հակառակ են : Շեղած գրականութեան մը և կար-

ծանուող ընկերութեան մը պտուղներն են :

Այս թշուառ գրականութիւնն , պոչաւոր աղ-  
ուէս , կ'ուզէ մեզ հաւատացնել որ բնութեան վի-  
ճակն այնպէս է : ուրիշ բառերով , ապականեալ  
արք և կանայք , կատողած իւրեանց անկման և  
սրտերնուն մէջի դժոխքին վրայ , և բարձր հոգի-  
ներու իախական երջանկութեանն նախանձեւով ,  
կ'ուզեն դանոնք իրենց անդուդներուն մէջ քաշել ,  
անոնց հետ իրր հաւասար կարենալ վարվելու  
համար :

Մնտի՛ ճգունք :

Աստուած կ'ուզէ որ մարդ կութիւնն մնայ , և  
վասն զի առանց կնոջ առաքինութեանն և առն  
պատուոյն չի կրնար մնալ , վերջին վճիռը միշտ  
պատուոյն և առաքինութեանն պիտի ըլլայ :

Աստուած կ'ուզէ որ Ֆռանսա ապրի . բոլոր  
այս ստահակութեան , ցոփութեան , կիսաշխարհի  
և շնութեան գրքերն պիտի աներեւուիտանան ինչ-  
պէս կտրուած յարդն ուրականի մ'առջեւ :

ԺԹ.

Չկարծես , աղջիկս , թէ կ'արդ ելլում քեզ սի-  
րել , և կը քարոզեմ քեզ ինչ որ ուսմիօրէն և սը-  
խալարար բանականութեան ամուսնութիւն կը կո-  
չեն , հաւանականաբար բանականութեան բոլոր-  
րովին հակառակն ըլլալուն :

Ընդհակառակն այս նամակներուն նպատակն  
է քեզ ստիպել որ միայն քու սիրած մէկ մար-  
դուդ հետ ամուսնանաս , որ արժանի ըլլայ սի-

րոյդ , չէ թէ գեղեցկութիւնդ և խելքդ շողբոր-  
դելով , և ոչ ալ քեզ համար սէր զգալով կամ  
կեղծելով , հապա արժանի ըլլայ իւր կնոջը սիրոյն  
իւր բարոյական յատկութիւններովը , ընտանեացը  
պատուաւորութեամբն , և վերջապէս , իւր Քի-  
զիքականովը :

Վասն զի , որովհետեւ կնոջ երջանկութիւնն  
միայն իւր առաքինութեանն մէջ է , այսինքն իւր  
հաւատարմութեանն , պէտք է որ ամուսնոյն հա-  
մար զգացած սէրն ու յարգանքն այս առաքինու-  
թիւնն դիւրացնեն իրեն : Ապիտ է հետեւի ու կնոջ  
մը երջանկութեանը աւելի ամուսնոյն յետն ներշնչած սիրոյն  
ժըն է , +ան թէ իրեն յամուսնին ներշնչած ժըն : Վասն  
զի սիրոնէն առաքինութեան բեռը չի թեթեւցնե-  
ր միայն սիրեն երջանկութեամբ և խանդիւ ինքզինքն  
կը զոհէ :

Ասոր համար է նաև , սիրելիս , որ կնոջ մը ա-  
մենէն բարձր բանականութիւնն իւր ամենախորին  
սիրոյն հետ կը համաձայնի . թէ այն կինը , որ կ'ա-  
մուսնանայ մի առն հետ՝ զոր չպիտի կարենայ սի-  
րել Քիզիքական կամ բարոյական արգելքի մը  
պատճառաւ , անհեղեղ դաշնագիր մը կը ստորա-  
գրէ զոր ընդհուպ կ'ուզէ իւր արտասուօքն ջնջել  
և որ , շատ անգամ , անոր բանականութիւնն բո-  
ւորովին կը բառնայ :

Սիրելի տղա՛ս , ճշմարտութիւնն ամէն տեղ  
նոյնն է , վասն զի մի և անբաժան է : Ղեզուներն  
ինչ անուն կ'ուզեն դորձածեն՝ սիրոյ աստուա-  
ծային պարգեւին մի սկզբունքն յայտնելու հա-  
մար , միշտ կենաց կամ գիտութեան որ և է ճիւ-

դին մէջ սէրը բանականութեան հետ նոյն պիտի ըլլայ : Աւելին կայ, բանականութիւնն՝ սիրոյ միակ փորձաքարն է : Երբ սէրը բանականութեան հետ չի համաձայնիր, այն ատեն նիւթական տոխի մ'է՛, որ չի կրնար տեսել, և որ, վաղ կամ անապան, անբանութեան համարժէքն կ'ըլլայ :

Հիմայ պիտի ապացուցանեմ :

Սէրը երկու պատճառ ունի :

Գու մարդ մը պիտի սիրես կամ իւր Ֆիզիքական և կամ իւր հոգւոյն գեղեցկութեանն համար : Եւ կամ այս երկու գեղեցկութիւններն միանգամայն ունենալուն համար :

Արդ, նիւթական գեղեցկութիւնն ձգէ՛ որ անցաւոր է, ասկէց զատ շատ անգամ հաճոյից ճշմարիտ ջերմ մ'է, որ գեղեցիկ կը ցուցնէ ինչ որ չէ : Այս է սա առածն ստեղծողը թէ, «Սէրը կոյր է : » Այո՛, գէշ սէրը, անբանական սէրը, որ միայն նիւթական ձգողութեամբ է, այն սէրը կոյր է, կամ գոնէ մէկ աչքով միայն կը տեսնէ :

Ասիկայ անխելք սէրն է : Կ'ըսեն թէ մտորդս չի՛ գիտեր Ինչ մը կը սիրէ և առանց գիտնալու թէ զի՞ : Սուտ է. միայն թէ չեն համարձակիր խոստովանիլ : Չեն համարձակիր ըսել թէ նիւթի կոյտ մ'ենք, անասնոյն պէս բան մը, զոր արածուելու կը տանին և որ սիրոյ ետեւէն կը մայէ, ասանց փեղալու թէ չէ՞ :

Այս անխելք սէրը, և որ Ինչու համարը չգիտեր, յազ ենալուն պէս կ'աներեւութանայ, կամ ատելութեան, հիւանդութեան և անտարբերութեան կը փոխուի : Այրն ընդհուպ կը խնդայ անոր վրայ,

մինչդեռ կինն թշուառ է ցկեանս : Վասն զի որքան ալ յիմոր ըլլայ, աւաղ, իւր թշուառութիւնն զգալու չափ խելք ունի :

Բայց երբ մէկը սիրես իւր բարոյական յատկութեանցն համար զորս կրնաս բարձրաձայն գու վել, երբ այս մարդը ապացուցանէ թէ սիրտ մը և մէջն ալ ազնիւ բան մ'ունի, այն ատեն անոր համար զգացած սէրդ պատճառ մը կամ պատճառ ունի :

ԱՅՆ ԱՏԵՆ ԳԻՏԵՍ ԹԷ ԻՆՉՈ՞Ւ ԿԸ ՍԻՐԵՍ :

Կրնաս ըսել. «Կը սիրեմ այս մարդը, վասն զի պատիւ ունի, վասն զի խելք ունի, վասն զի իւր ժամանակն ազնուաբար կը գործածէ, վասն զի հոգւոյն մէջ իտէական մ'ունի : »

Ի շնորհս այս աստուածային պարգեւաց, կրնայ և պիտի կարենայ գնահատել ուրիշի յատկութիւններն. կը սիրէ և պիտի սիրէ առաքինութիւնն, բարի հայր պիտի ըլլայ, վասն զի բարի զաւակ եղած է : Թերեւս քծնող կամ հաւատարիմ չըլլայ, բայց արդար պիտի ըլլայ իւր կնոջ մասին, պիտի կարենայ պատուել և յարգել տալ մասին, պիտի իւր անունն պիտի կրէ, և իւր արայն կինն որ իւր անունն պիտի կրէ, և իւր արանքն պիտի տայ զաւակներուն : Այո՛, այս սէրն բանականութիւնն է ծպտեալ, մինչ իսկ եթէ այն մարդը Յորի պէս աղքատ և դու Ռօշիլտի մը պէս հարուստ ըլլաս :

Ամոթ այն հօրն ու մորը որ այս սէրն անխելութիւն կը կոչեն : Իրենց զաւակն և ինքզինքնին թշուառ պիտի ընեն, վասն զի այս բանական ամուսնութիւններն, որոնք փոյն փոյն տոնսնու-

Բիւններն , շատ անգամ չեն ներկայանար . պէտք է օգուտ քաղել երբ չնորհալի բաղդն հաճի զանոնք ցուցնել : Կը վափազիմ որ այսպիսի ամուսնութիւն մ'ընես , այսինքն սիրոյ ամուսնութիւն մը :

Եթէ այն մարդը Ֆիզիքական և բարոյական յատկութիւններն միանգամայն ունի , և հաճի քեզ հետ ամուսնանալ , սա աշխարհի վրայ դրախտն է : Չեմ համարձակիր քեզ համար այնքան յուսալ :

Սակայն որովհետև դիմադիտութենէ ( physiognomie ) բնաւ տեղեկութիւն չունիս , այսինքն մարմնոյն ուրուագիծերէն հոգին զօշակելու արուեստն , պէտք է զքեզ մտցնեմ այս խիստ քիչ ճանչցուած արուեստին մէջ , վասն զի ամէն մարդ կը ջանայ իւր ձեւերն ու ձայնը փոխել , մութութիւններն ու պակասութիւնները ծածկելու համար :

Ի.

Ամէն մարդ երեք լեզու կը խօսի : Երբեմն մին , երբեմն միւսը , և երբեմն երեքը միասին կը գործածէ իւր միտքն բացատրելու կամ կեղծելու համար :

Նախ և առաջ խօսուած լեզուն . ամենէն խարերայն :

Անկէց ետքը կու գայ նայուածքը , որ զատ լեզու մը կը ձեւացնէ :

Եւ վերջապէս շարժումն :

Նայուածքներու և շարժմանց լեզուներն ոչ

քերականութիւն ունին և ոչ բառգիրք . զայն առանց սովորելու պէտք է հասկնալ : Բայց երբ մարդ մը սոքէ կամ գէշ գործ մ'ընէ , ան ատեն այս երեք լեզուներն չեն համաձայնիր , և խարերայնց ու շողքորդներուն մեծ փորձառութիւն մը պէտք է իրենց նայուածքներն ու շարժմունքներն իրենց սուտերուն և շողքորդութեանց յարմարցնելու համար :

Ուրեմն կանուխէն պէտք է դիտես զարս և գլանայս , մաքուր հոգիներն աղտոտ հոգիներէն , և ծուռ ու մոլի որտերն ուղիղ և ազնիւ սրտերէն զանազանելու համար : Ասիկայ ընտանեկան հոգեբանութիւնն է :

Կանուխէն ուրեմն պիտի դիտես այն այրերն , որոնք քաղաքազարական և քծնողական խօսքեր կ'ուղղեն քեզ և քու քննիչ նայուածքդ բաւ պիտի ըլլայ անոնց ձայնն , շարժումն ու դիրքն փոխելու :

Մանաւանդ պիտի դիտես և փորձես քեզ ամուսին ըլլալու սահմանեալ անձը , այսինքն այն անձը որ նախ քու յատկութիւններդ փորձած է զանոնք գործածելու համար , և որ , ետքէն , թերեւս , քու պակասութիւններդ կը փորձէ անոնցմէ օգտելու համար :

Ամուսին մը՝ երբ դեռ կատարելապէս ճանչցուած չէ իրրե բարի մարդ , կնոջ թշնամին է . թշնամի մը զոր Աստուած յարուցած է անոր դէմ նորա վշտացն ու ցաւօցն համար :

Ուրեմն նախ և առաջ պէտք է որ սիրելիք անձդ պատուաւոր մարդ մ'ըլլայ , և թէ ընկե-

րութիւնն տեսած չ'ըլլայ իրմէն ոչ գէշ գործ մը , ոչ վատութիւն մը , ոչ ստորնութիւն մը , և ոչ մանաւանդ ինչ որ կոպտութիւն ( indélicatesse ) կը կոչուի :

Մարդս պատուաւոր կրնայ ըլլալ երկու կերպիւ . մին կրաւորական և միւսն ներգործական :

Ընկերութիւնը մարդէ մը անպատիւ գործ մը չտեսնելով , զայն պատուաւոր կը հրատարակէ : Լաւ ևս կը սիրեմ հաստատականն :

Երիտասարդ մը որ որդիական սէր ցոյց տըւած է , որ իւր աշխատութիւնն ու տաղանդը պատուաւոր նպատակի մը կը գործածէ , կամ հայրըն ու մայրն սնուցանելով և պատուելով , կամ քոյր մը ամուսնացնելով , կամ բարեաց մէջ նշանաւոր ըլլալով , իտէականով մարդոցմէ վեր բարձրանալու և Աստուծոյ մերձենալու համար , ահա՛ ճշմարիտ պատուաւոր մարդ մը :

Մի' մուննար որ պէտք է պատուաւոր ծնողաց օրէնսոր գաւակ ըլլայ . վասն զի պատուաւորութեան օրհնութիւնը ընտանեկան ժառանգութիւն մ'է , ինչպէս առողջութիւնն :

Թո՛ղ բւժիժադին այն զօրաւոր մտքերն , որք օրհնութեանց տղոց վրայ անցնիլն կ'ուրանան : Կ'ուրանան որ այս ազաք ծնողաց առողջութիւնն կամ հիւանդութիւններն կը ժառանգեն : Կ'ուրանան որ խենդութիւնն , թրքախտը , դաւուկն երբեմն մեծ հօրմէն թոռանն , և հօրեղբորմէն եղբորորդւոյն կ'անցնին :

Ուրեմն չպիտի ամուսնանաս ո՛չ ապուշի մը և ո՛չ ապօրինի զաւկի մը հետ , թո՛ղ հարուստ և

տաղանդաւոր լինի , միայն թէ իրենց բարոյական պատուաւորութեան փայլուն և հաստատուն ապացոյցներ տուած չըլլան :

Որպէս զի մարդ մը պատուաւոր մնայ , բառին ամենէն նուրբ իմաստովն , պէտք է որ իւր ժամանակն մարմնոյ կամ մտաց աշխատութեան զոհէ : Աշխատութիւնն մարդուս համեմատական երջանկութեան բացարձակ պայմանն է , վասն զի երկրի վրայ դրական երջանկութիւն չկայ : Այն մարդը որ չաշխատիր , սահմանեալ է ձանձրանալու , սնուցութեան և շատ անգամ ոճրի : Այս կանոնք քաջութիւնն չառնէ , և ասոր համար է որ աղքատ կամ չափաւոր հարստութիւն մ'ունեցող ընկերութիւններն աւելի առաքինի կամ նուազ մովի են , քան թէ հարուստ ընկերութիւններն , որք իրենց եկամուտներովն կ'ապրին , առանց միտք և իմաստութիւն ունենալու աշխատելու համար նոյն մրտօք և նոյն իմաստութեամբ :

Յիմար և հետեւաբար անգործ հարստութեան պէս սոսկալի բան չկայ : Քիչ ատենէն մովի , չար կ'ըլլայ , և ցօղունին վրայ կ'որդնոտի , ցտեալ հասկի մը պէս :

Ուրեմն փոխանակ՝ մեր աղջկանց շատերուն պէս , որոնք իշխաններ և վիլիոնատէրներ միայն կ'երազեն , հարուստ մէկը որոնելու , որ բան մը չընեն և իւր եկամուտներովն կ'ապրի , բնաւ իմ հաճութեամբս չպիտի ամուսնանաս հարստութեան մէկու մը հետ , որ վարժուած չէ աշխատելու և չաշխատիր ո՛չ մարմնով և ո՛չ մտօք : Լաւ եւս պիտի ընտրեմ պատուաւոր և ուսեալ գործաւոր

մը քան թէ մեր ծոյլ աղնուականներէն և դատարկագորտ հարուստներէն շատերը :

Քեզի ըսածս առն բնութեան աստուածային արամարանութեանն վրայ հիմնուած է , աղջիկս :

Անհնար է որ իւր ժամանակն բարեաց աշխատելու չվատնող մարդը չարեաց աշխատելու որսն չըլլայ : Այս թշուառներուն շատերը քսան և հինգ տարեկան ըլլալով կը ծերանան , բուն իսկ անոր համար որ իրենց միտքն և մարմինը բարեաց աշխատելու դրաղած չըլլալով , մոլութեան և զեղխութեան զոհն եղած են : Չեն կրցած նշանաւոր ըլլալ մտաց կամ մարմնոյ աշխատութեամբ , այսինքն էրէնցո՞վ , ուրեմն կը ջանան նշանաւոր ըլլալ ունեցանով : Կտոք մը , համազգեստ կրող ծառայներ , գեղեցիկ հարճ մը ունենալն իրենց համար նշանաւոր ըլլալ է , վասն զի ուրիշ խենթեր , իրենց հաւասարներն , անոնց կը փափաքին : Այս հարճն իրենց մտաւոր և մարմնաւոր գոհունակութիւն մը երբեք չէ հայթայթած , վասն զի կանուխէն կշտացած են հաճոյքով , իսկ միտքն իրենց համար շատ լուրջ է : Չարեաց զոհն ըլլալէ ետեւ , հազուադիւրս է որ կարենան անկից ազատիլ : Իրենց համար օրինաւոր կին մը շատ կամ քիչ հարուստ հարճ մ'է միայն , քիչ կամ շատ նշանաւոր կին մը , որու հետ կրնան պարել Ան—ժէրմէն արուարձանն , փոխանակ Մապիլ երթալու : Մինչ իսկ պատուաւոր կինն շնացողէն զանազանելու համար հարկաւոր իմացողութիւնն չունին : Որչափ ատեն որ իրենց կնոջ Փիզիքական հրապոյրներն զիրենք կը շողջորդեն և կը կաշկանդեն , կը հա-

ճին հաւասարակշիռ վիճակի մը մէջ զուարճանալու մնալ : Բայց ընդ հուպ իրենց կինն իրենց համար կուռի առարկայ մ'է , զոր կը յարգեն ըստ օրինագրոց և զոր կը նուաստացնեն ամէն վայրկեան իրենց արարքներովն ու շարժումներովն և իրենց երբեմն կիրթ բայց միշտ ցուրտ խօսքերովն :

Այս լուրդատարակեալ կարծուած արքաւորներ են միայն :

Մինչեւ ցարդ սիրուած չըլլալու վտանգ ին վերայ խօսեցայ քեզ , բայց հարուստ և դատարկագորտ ամուսինն աւելի մեծ վտանգ մ'է կնոջ համար : Արդարեւ , ընտիր կին մը չսիրեր իւր ամուսինն երբ չի կրնար յարգել զայն : Արդ , ինչ որ օրինաւոր կինն կը յարգէ յառն , ո՛չ անոր գեղեցկութիւնն է և ո՛չ հարստութիւնը : Հապայնպիսի յատկութիւններ են : զորս շնացող կանայք կը փնտռեն , բայց չեն յարգեր : Միայն բարոյական այժն , հոգւոյ գործօնութիւնն , որ աշխատութիւն , փառասիրութիւն , ստախլ կամ փառաց ծառաւ կը կոչուին , ահա ինչ որ կնոջ ակնածութիւն , յարգանք , և մագնիսական հակամիտութիւն կ'ազդեն :

Կնոջ սիրտն քաշող մագնէսն իտէականն է : Կին մը աւելի երկար ատեն կը սիրէ աղքատ գործաւոր մը , որ տղաքն ու կինը անուցանելու , կամ ծեր հօրն օգնելու համար կ'աշխատի , քան թէ հարուստ անձ մը , որ իւր պիտերն կառքով կը պարտցնէ ծառուղւոյն վրայ , երկու զօրաւոր ծառայներ ետեւէն և երկու գեղեցիկ անասուններ առջեւէն :

Արդ , այն կինը , որ իւր ամուսնոյն վրայ բարոյական գերազանցութիւն մը չի գտներ , ենթակայ է բազդատութիւններ ընելու և իտէական մը միտուելու , որու նախ կը հիանայ իւր հոգին , և զոր վերջապէս կը սիրէ : Այս կացութիւնն խիստ վտանգաւոր է , վասն զի անկման փաստարանն խիստ ճարտարախօս է , ըստ որում իտէական և բարոյական կողմն կը ներկայացնէ , և յանցանքն պատրուակ մը կը գտնէ այն անիծեալ մարմինն զոր ընելով երկնային սննդեան տենջացող հոգւոյն : Սա մի ցնորք է , մի եռանդ , մի աւիւն , որ շատ վէպեր շինել տուած է , զորս կը լափեն մեր հարուստ և թշուառ կիներն . վէպեր , որոնք շատ զոհեր ըրած են . վասն զի , աւա՛ղ , ասոնց ամենն սնտոի տեսիլ մ'է :

Առանց իտէականի ամուսին մ'ունեցող և զայն մտօք բարձր մարդու մը զոհող կիներէն հարիւրին իննսուներէն իրենց պակասութեան մէջ ո՛չ երջանկութիւն և ո՛չ գոհունակութիւն կը գտնեն : Ընդհակառակն : Այն հոգին , զոր կատարեալ կը կարծէին , քիչ ատենէն նիւթոյն կը ստորադասի , և արգիլեալ պտղոյն առաջին արբշուութիւնը անցնելուն պէս , գերագոյն կարծուած մարդը , ամուսնոյն տեղը չի բռնելէն զատ , իւր սիրահարի տեղն ալ կը թողու . պարտուց տեղ մը , վասն զի յանցանքն ընդունելով՝ հետեւանաց պատասխանատուութիւնն ալ ընդունած է : Արդէն ըսի քեզ , սիրահարին գերագունութիւնն անգամ խեղճ շնացող սիրուհւոյն կորուստն է . վասն զի այս մարդուն իտէականն մաքուր կին մը կը խընդ-

րէ , կոյս մը , իւր տղոց համար մայր մը , ամուսնոյն համար կին մը , կին մը , որ իւր միտն ըլլայ , բնաւ ուրիշ այր ճանչցած չըլլալով , և չկարենալով բազդատութիւն ընել :

Շատ մը կիներ ճանչցայ , աղջիկս , որոնք այս իտէականի փաստարանին հաւանեցան : Ո՛չ մին երջանիկ եղած է անոնցմէ : Անոնցմէ շատերն թըշուառութեան և լքման մէջ քաւեցին իրենց յանցանքն : Մին միայն հաւատարիմ սիրահար մը և ապա հաւատարիմ ամուսին մը գտաւ . բայց յանհընարինս չարչարուեցաւ , և իրենց յանցանքն քաւելու համար , այս երկու աղնիւ ամուսիններն ամենածանր ապաշխարանաց ենթարկեցին ինքզինքնին :

Ասիկայ կանոնին բացառութիւնն է : Վայ քեզ , եթէ յուստս բացառութեան հանդիպիլ :

### ԻԱ.

Ի բաց առեալ տարին քանի մը երկվեցեակ ամուսնութիւններն , որոնք անօթիա են , և ոչ սակայն խիստ թշուառ , ամուսնական միութեանց մեծագոյն մասն օթտի վրայ հիմնեալ են , ուրիշ բառերով՝ այն ստակին վրայ , որով կինն ամուսին մը կը գնէ :

Այս բառն առջի բերան դքեզ պիտի բարկացընէ : Ի՞նչ , պիտի ըսես ինքնիրենդ , ես , նորարոյս , գեղեցիկ և մաքուր ծաղիկ մը , մօրուսաւոր և թերեւս իսկ կոպիտ (malotru) էակի մը ըստա՛կ պիտի տամ որ զիս ժողուէ ու թառամեցնէ :

Քեզմէ առաջ ուրիշներն զայն ըսած են, և քեզմէ ետքն ալ պիտի ըսեն :

Նախ և առաջ ասիկայ քեզի կ'ապացուցանէ որ առն և կնոջ մէջ հաւասարութիւն չկայ :

Բայց, ամուսնութիւնն մօտէն դիտելով, պէտք է խոստովանիլ թէ՛ նա աւելի օգտակար և անհրաժեշտ է կնոջ քան թէ՛ առն, թէ՛ և բնութիւնն զայրն ամուսնութեան համար ստեղծած է, և զայն ամուսնանալու կը բռնադատէ ապօրէյն սէրը վտանգներու ենթարկելով :

Այո՛, խեղճ ծաղիկ, զքեզ պիտի ժողունեն ու թօշնեցնեն, բայց այն առաքինութիւնը՝ զոր ամուսինը քեզ պիտի տայ կնոջ անուամբ, հոգւոյ այս ծաղիկն, երկնից այս հոտն բնաւ չպիտի թօշնի : Առանց ամուսնոյ գեղեցկութիւնը պիտի կորսուէր, բայց անոր քեզ տուած հոգւոյ գեղեցկութիւնն բնաւ չպիտի աներեւութանայ, և մարմնոյդ կուսութիւնն, որ ամուսնութեամբ կը մեռնի, յարութիւն պիտի առնէ գեղեցկացած և ձեւափոխեալ հոգւոյ այն յաւիտենական կուսութեան մէջ, որ կը կոչուի ԱՌԱՔԻՆՈՒԹԻՒՆ :

Գոնէ միայն այս առաւելութեան համար, այն ամուսինը, որ իւր յատկութիւններովն զքեզ հրեշտակ կ'ընէ՝ մինչդեռ կին էիր, անվարձատրելի է :

Վասն զի ի զուր կոյս մը կը մնաս և վանքի մը մէջ կը փակուիս՝ կնոջ իրական առաքինութիւնը ամուսնոյն համար ունեցած սիրոյն և դաւկին համար ունեցած անձնուիրութեանն մէջ է :

Վասն զի այս առաքինութենէն կը ծագի

մարդկութիւնն, որ Աստուծոյ մեծութիւնը կը վերկայէ :

Ասկից զատ ամուսնութիւնն ու զաւակը առողջութիւնդ ու երիտասարդութիւնդ կ'երաշխաւորեն : Պահաւ աղջիկներն ամուսնացեալ կիներէն աւելի շուտ կը չորնան : Կրօնաւորութիւնը երեք քառորդն քառասուն և հինգ տարու չեղած՝ կը մեռնին :

Նաև այս ամուսինն քեզ միշտ եթէ ո՛չ սէր, գոնէ գութ և պաշտպանութիւն կը պարտի : Առաքինի ըլլալով, ամէն տեղ իրեն հետեւելու իրաւունք կ'ունենաս, եթէ զայն քեզ հետ ապրելու արժանի դատես : Աշխարհ բերելիք տղաքդ հայր մը պիտի ունենան, և ասոր համար դու զանոնք կրկին պիտի սիրես : Բարի ամուսնոյ մը խօսքն չեմ ըներ քեզ, որ, սլառաւ կամ նորատի, պիտի սիրէ զքեզ, որ քեզի համար պիտի աշխատի, որ կենաց ցաւերն պիտի թեթեւցնէ քեզ, որ քեզի համար պիտի նեղուի, որ, թերեւս մտօք մեծ, իւր փառաց մի քանի ճառագայթն պիտի հեղու վրադ և տղաքդ նշանաւոր պիտի ընէ, և որ վերջապէս զքեզ առն կէսն ընելով՝ ինքն ալ կնոջ մը կէսն պիտի ըլլայ :

Չկարծես թէ օժիտն կը պաշտպանեմ, և կը պնդեմ թէ պէտք է այս այսպէս լինի : Ես քեզմէ աւելի կ'ատեմ օժիտն, և երբ մօրդ հետ ամուսնացայ, միայն աշխատութեան հաւասարութիւնն փնտռեցի, որ լուազոյն օժիտն է : Միայն ուզեցի պաշտպանութեան փորձ մ'ընել : Խնդիրը սա է որ, ամուսնութեան մէջ խաչն ու բեռը հա-

ւասար չեն , և թէ կինն , հանդերձ իւր օժտոյն , դեռ առն հաւատար չէ , հակառակ այն օրինաց զորս քաղաքակրթութիւնն հնարած է ի նստատիրէն : Վաղ կամ անագան տիրի ըլլայ սակայն :

Ուրեմն հիմայ մեր գործն է կամ օժտի մը միջոցաւ , և կամ աշխատութիւնովդ , մտացդ և քեղեցկութեանդ օգնութեամբ մարդ մը գտնել որ , չեմ ըսեր թէ զքեզ միշտ սիրէ , հասկա դու զինքը կարենաս միշտ սիրել , յարգել և մեծարել . վասն զի այս է առաքինի կնոջ երջանկութիւնն : Սկսէ , այսինքն ' փնտռէ ' , դիտէ ' , առանց կասկած տալու , և գաղափարներդ ու զգացումներդ հաս զորդէ ինձի : Ես ալ իմ կողմէս , առանց յայտնի ընելու , ամուսին մը պիտի փնտռեմ : Երկուքս մէկէն , պիտի գտնենք այն հազուագիւտ որսը , այն երջանիկ մահացուն զոր բարի ամուսին մը կը կոչեն :

ԻԲ.

Մեր նախնիք , որք մեզմէ աղէկ կ'ամուսնանային , չէին սպասեր որ երեսունեւհինգ տարեկան երիտասարդներ գան իրենց աղջիկներն ուղելու : Իրենց տղոց մանկութենէն ամուսնոյն վըրայ կը մտածէին , և շատ անգամ տասերեք տարեկան տղայ մը կ'որոչէին : Այս ամուսնութեանց մեծագոյն մասն աղէկի կը դառնային :

Ահա ինչու :

Այնպիսի մարդիկ կ'ընտրէին , որոնք իրենց պատուաւորութեամբն և զգացմանց աշնուութեամբն ճանչցուած ծնողաց զաւակ ըլլալէ զատ ,

ստոյգ էր թէ հայրենի տան մէջ ընտիր դաստիարակութիւն մը ընդունած էին կամ օրինակով , որ դաստիարակութեանց լաւագոյնն է , և կամ խօսքով . նաև այս սկզբնական հարք , իրենց աղջիկներն տասնեւչորս տարեկան եղածնուն պէս նշանելով , միայն այնպիսի մանչեր կ'ընտրէին , որք նշանաւոր կ'ըլլային կանխահաս մտացիութեամբ մը , մարմնոյ և մտաց եռանդով մը , որոնք կանուխէն մարդու մը խոնրն կը յայանեն : Առածն ըսած է . Փուշը շուտով կը սուրնայ . Ագնիւ արիւնն չի ստեր . Աղէկ շունն ծնողացն կը նմանի : Մարդն ի մանուկն կը գուշակուի . բայց ասոր համար մարդ կային գիտութիւնն պէտք է գիտնալ :

Երբեմն այս հարք կ'երթային գտնել երիտասարդ մը , որ նշանաւոր եղած էր դիւցաղնական գործով մը , կամ որդիական սիրոյ մեծ ապացոյցով մը , և կամ գիտութեան և տաղանդի փորձով մը , և իրենք իրենց վրայ կ'առնուէին սոյն հազուագիւտ էակին ապագայն , զայն իրենց աղջկանն պահելու համար :

Այսպէս եղան հարուստ հրէուհեաց ամուսնութիւններն այն ատեն , երբ քրիստոնեայ սեղանաւորներն և աշնուականներն զանոնք կ'արհամարհէին :

Աղջկան հայրն սղքատ երիտասարդ մը կը փնտռէր , որ նուիրական ուսմամբ կամ ճարտար աշխատութեամբ մը նշանաւոր եղած ըլլար , և զայն կը խնդրէր իւր ծնողքներէն , որոնք , բնականաբար այս խնամութեամբ հպարտանալով , շուտով կը նշանէին զայն : Այն օրէն երիտասար-

դը տանը դաւակը և նշանածին եղբայրն կ'ըլար :  
 Աղքատներն այս դրուժեան կը հետեւէին ,  
 և փոխանակ օժտի , նոր ամուսիններուն կը նը-  
 ւիրէին իրենց սեղանն ու բնակարանն քանի մը  
 տարուան համար , որպէս զի ժամանակ ունենան  
 խնայողութիւն մը ընելու հաստատուելու համար ,  
 նման հին փեթակի մը , որ նոր մեղուաց սնունդն  
 կը պատրաստէ :

Այս սողորութիւններն աներեւութացան և  
 անոնց հետ մէկտեղ աղէկ ամուսնութիւնն , վասն  
 զի , ի շնորհս այս միջոցին , երիտասարդ կ'ամուս-  
 նանային : Մի միայն երիտասարդ սիրոյ յիշատակ-  
 ներն կը բաւեն ամբողջ կեանքի մը ծեփն կազ-  
 մելու :

Ուրեմն կ'ուզեմ , աղջիկս , քեզի ամուսին մը  
 փնտռել և զայն կրթել , ոչ սակայն առանց քեզ  
 հարցնելու :

Ահա՛ ինչպէս պիտի ընեմ :

Երբ երիտասարդ մը գտնեմ որ աղքատ բայց  
 պատուաւոր ծնողաց զաւակ է , և որ կամ ըն-  
 տիր դաստիարակութեամբ մը և կամ իւր մտքին  
 ու սրտին մեծ իտէականն յայտնող արժանի գոր-  
 ծով մը նշանաւոր եղած է , պիտի երթամ գլտ-  
 նեմ զինքն , և եթէ քեզի հաճոյ ըլլայ , պիտի ա-  
 ռաջարկեմ իրեն իւր ապագային հոգն ինձի թո-  
 ղուլ և զինքն որդեգրել : Նշանածդ և ազա ա-  
 մուսինդ պիտի ըլլայ :

Եթէ մարդկային հոգին կը ճանչնամ , այս  
 մարդն զքեզ երջանիկ պիտի ընէ :

Եթէ դու գտնես այնպիսի երիտասարդ մը ,

որ քու իղձերդ կրնայ լեցնել , բաւ է որ քիչ մ'ալ  
 իմ գաղափարներուս յարմարի , երջանիկ պիտի  
 լինիմ զայն քեզ սահմանելով : Մեծ հարստու-  
 թեան մ'անգամ աչք պիտի գոցեմ , եթէ հա-  
 րուստ երիտասարդ մը զքեզ ընտրէ , սա պայ-  
 մանով միայն որ իւր միտքն աշխատութեան հա-  
 կած ըլլայ , այսինքն աղնիւ և գործօն միտք մ'ու-  
 նենայ , լաւ եւս է գէշ մարդ մը որ կ'աշխատի ,  
 քան թէ սպուշ ու ծոյլ ամուսին մը , վասն զի  
 թերեւս պիտի սիրես առաջինն ու անոր հաւա-  
 տարիմ պիտի մնաս , մինչդեռ երկրորդին համար  
 շատ պիտի վախնամ , և , աւա՛ղ , այն ատեն շա-  
 տերն թշուառ պիտի ըլլան :

Բայց կը մտածես թերեւս թէ՛ այն ամուսինն  
 կրնայ միտքն փոխել և ամուսնութիւնն մերժել ,  
 քու հօրդ բարիքներէն օգուտ քաղելէ վերջը : Իսկ  
 զքեզ յաճախ իրեն հետ տեսնելէ շեմ վախնար :

Այս նամակները կարդալէ ետեւ , դու պիտի  
 կարենաս զգուշանալ , և եթէ դու չհսկես առա-  
 քինութեանդ վրայ , նոյն իսկ այն մարդն զքեզ  
 պիտի արհամարհէ և իրաւամբ : Առանց անոր  
 հետ մի և նոյն տան մէջ և մի և նոյն սեղանին վը-  
 րայ ըլլալու , պէտք է յաճախ զինքն տեսնես ու  
 հետը խօսիս , պէտք է քննես իւր յատկութիւն-  
 ներն ու պակասութիւններն , որպէս զի առաջին-  
 ներէն օգտիս և երկրորդներն ծածկես : Գալով  
 ապերախտութեան վտանգին , աւելի աղէկ է որ  
 այն թշուառականն ամուսնութենէն առաջ իւր  
 գիմակը վար առնու քան թէ ամուսնութենէն  
 ետքը , և իւր ապերախտութիւնն արգելք մը չի

պիտի ըլլայ ինձ փորձն նորէն սկսելու : Բայց այս մասին վախնալու բան չկայ . վասն զի մարդ մը կրնայ քիչ մ'ատեն իւր միտքն կեղծել, բայց պէտք է սատանայն ինքն ըլլալ՝ ազնիկ մը , անոր հայրն ու մայրը խափելու համար : Էրբ այս անձինք գքեզ կը դիտեն , կը քննեն ու կը փորձեն մէկ կամ երկու տարի :

ԻԳ.

Ազնիկս , որպէս զի այս մասին չի շփոթիս , քեզ քանի մը հոգեբանական սկզբունքներ պիտի տամ , որք դունուրեք սխալ են :

Ընդհանրապէս մարդիկ երկու դասի կը բաժնուին :

Ոմանք մեծ են սրտիկ բաներու մէջ , և սլըզափկ՝ մեծ բաներու մէջ :

Միւսներն սրտիկ են սրտիկ բաներու մէջ , և մեծ՝ մեծ բաներու մէջ :

Վասն զի կատարեալ մարդ չկայ :

Մարդիկ կան , որոնք հասարակ կենաց փոքր բաներուն մէջ քաղցր և սիրուն են : Երբ մեծ գէպք մը հասնի , այս քաղցրութեան հրեշտակներն խզձախ կ'ըլլան , և իրենց տկարութեամբն կը յայտնեն թէ ո՛չ սիրտ , ո՛չ միտք և ո՛չ իտէական ունին :

Միւսներն , որոնք ներքին կենաց բաներու մէջ երբեմն կծու , և անհաճոյ իսկ են , բայց բընաւ ձանձրացուցիչ չեն , միայն մեծ բաներու մէջ մեծ կ'երեւին : Այս մարդն իւր կիներն յանդիմա-

նեց չնչին բանի մը համար , բայց վայրկեան մը վերջը կեանքը վտանգի կը դնէ զայն փրկելու համար : Իւր մէկ բարեկամին ճշմարտութիւնները սաւ , սրոնք յիմարութիւններ կը կոչուին , բայց միւս օրը իւր հարստութեանն կէսը կու տայ անոր՝ իւր պատիւը փրկելու համար :

Պիտի ըսեմ քեզ , յամօթ քու սեռիդ , թէ կանայք նախամեծար կը համարին առաջիկներն , վասն զի , սովորական կենաց մէջ , աւելի հանադարտ , կիրթ և քծնող են : Եթէ սովորական կին մ'ես , քեռցդ դաղափարակից պիտի ըլլաս : Բայց եթէ ընտիր կին մ'ես , հոգիդ միայն այն մարդուն պիտի տաս , որ արժանի է փոխարէն իրն քեզի տալու :

Ան այս երկու նկարագիրներն կանուխն կ'երեւին :

Այն պատանին որ քաղցր , զանդաշտօրտ , գեղեցկահասակ , շողքորդ , գեղեցկախօս է , հաւանականարար փոքր բաներու մէջ մեծ մարդ մը պիտի ըլլայ : Շատ անգամ այս ալ չէ : Վասն զի ինչպէս որ բոլոր թունաւոր տունկերու հիւթն կաթի դոյն է , այնպէս ալ սրիկայներն , մատնիչներն , կեղծաւորներն , մոլիններն ցած ձայն մը և քաղցր խօսուածք մ'ունին , այնպէս որ բոլոր քաղցրաձայն և կամաց խօսող մարդ երէն պէտք է կասկածիլ , թէ և բոլոր բուսային թունոց կաթի դոյն ըլլալէն չի հետեւիր որ , կաթն ալ թոյն մը ըլլայ (1) :

(1) Գերմանական առած մը կ'ըսէ . «Քաղցր ձայն , կարծր ոտք » :

ընդհակառակն, խիստ, կրակոտ, դժուարա-  
 փօս երիտասարդը, որ երբեմն յանդուզն կամ  
 խորունկ դիտողութիւն մը կ'ընէ, շատ կամ քիչ  
 մեծ պիտի ըլլայ մեծ բաներու մէջ, մանաւանդ  
 եթէ բարկանայ պասմական կամ արդի անիրա-  
 ւութեանց վրայ և եթէ ազգացուցանէ թէ արդէն  
 իւր խօսքն ու պատիւը կը ձանձնայ: Անշուշտ կըր-  
 նայ գէշի դառնալ, և աւազակապետ ըլլալ, եթէ  
 մեծ բանաստեղծ մը, մեծ հանճար մը, կամ մեծ  
 արուեստագէտ մը չըլլայ: Ինչ փոյթ: Լաւ եւս  
 է աւազակապետ ըլլայ քան թէ թարթիւֆ և սը-  
 րիկայ, թէ և բանուած հագուստ մը հագնի, վա-  
 սըն զի թարթիւֆ մը կրնայ իւր անամօթութիւն-  
 ներն ծածկել ընկերութենէն, բայց երբեք իւր  
 կնոջմէն որ կրնայ դատել, և, աւա՛ղ, դատելէ  
 և վճռելէ զառ, ի լրումն թշուառութեանց, այն-  
 պէս կապուած է իւր ամուսնոյն ճակատագրին  
 որ, զայն նշուակելով՝ ինքն ալ կը նշաւակուի:

### ԻԴ.

«Մարդ դաշտաց ծառի մը պէս է:»  
 (Մ.Վ.Է. .)

Շատ մարդիկ աշխատած են արտաքին նշան-  
 ներով մարդուն իմացողական նկարագիրն հաս-  
 կընալ: Անշուշտ կօլ և Լավատըր, գանգաբա-  
 նութիւն և դիմագիտութիւն բառերն լրած ես:  
 Մինչեւ ցարդ գիտութիւնն այս դրութիւններն  
 վաւերացուցած չէ: Հիմայ ես քեզի պիտի հաղոր-  
 դեմ քանի մը սկզբնական գաղափարներ որոնք

Մարտիակոն Բանալի անուամբ ձանձցուած են և  
 զորս դտայ Գերմանացի ծեր փիլիսոփայի մը գոր-  
 ծոցն մէջ, որ բնութեան մեծ նկատողներէն մին  
 էր և կը կոչուէր Ժաֆօյ Պօզէֆ: Անոր վրայ չը պի-  
 տի խօսէի, եթէ անցեալ դարուն ամենէն մեծ  
 բժիշկն, տօքթէօր Հիֆֆլան, անոր գաղափարներն  
 պաշտպանած չըլլար, զորս խիստ ընդարձակած է  
 մարդուս առողջութեանն ու կազմութեան վրայ  
 զբաժ գործերուն մէջ: Ասիկայ տիեզերական բը-  
 նախօսութեան մէջ կը մտնէ, և ասով ամուսին  
 մը կամ կին մը ընտրելու մէջ քիչ շատ օգտակար  
 կրնան ըլլալ այս դիտողութիւններն:

Ըստ Պօզէֆի, մարդիկ ամենքը մէկէն հաւա-  
 քական մարմին մը կը ձեւացնեն (մարդկութիւն),  
 ինչպէս որ ծառերը մէկտեղ անտառ մը կը ձե-  
 ւացնեն:

Մտերն իրարու չեն նմանիր, և սակայն մէ-  
 կըզմէկու առջեւ հաւասար են սա մասամբ որ, իւ-  
 րաքանչիւրն իրեն յատուկ պաշտօնն կը կատարէ:  
 Կաղնին ուրիշէն և ուրիշէն աւելի կարծր է, ձի-  
 թենին և արմաւենին՝ խնձորենեոյն և եղեւիին  
 տեղ չեն կրնան գործածուիլ: Այս ինչ ծառն, որ  
 ընտիր է շինութեան համար, այրման համար բան  
 մը չարժեք: Ուրիշ մը, որ չէնքի մը մէջ գործած-  
 ւելու չափ կարծր չէ, ածուխի փոխուելու կամ  
 խից շինուելու յարմար է:

Նոյնպէս է նաև մարդուն համար, ամէն հա-  
 մեմատութիւն պահելով:

ձանձցողը մէկ մը տեսնելուն կը զանազանէ  
 պողատու ծառն անտառային ծառէն, կաղնին

ովիկէն եւ: Նոյնպէս, ըստ Պօհէմի, մարդիկ իրենց կազմովն, հասակովն ու գունովն ներքին յատկութիւններն և այն մասնաւոր պաշտօններն կը յայտնեն, որոց համար ծնած են:

Նախնիք օրդէն ծառոց և արանց, ծաղկանց և կանանց մէջ շատ մը բարդատական խօսքեր (apophthegme) յողուած էին: Ահա մէկ քանին:

«Ամուլ ծառին տերեւներուն մէջ փշոզ հովն և աւելի աղմուկ կը հանէ քան թէ պաղատու ծառի մը տերեւներուն մէջ փշոզն:»

«Պողատու ծառն անտառային ծառին չափ և գեղեցիկ, բարձր և ուռճալից չէ: Բայց ո՞ր չափ որ ագեղ և տձեւ ըլլայ, այնքան իւր պըրտուզն հոտ ու համ ունի:»

«Այն ծառն, որ իւր կակուղութեամբն սահմանուած է ամուխ ըլլալու, առաջինէն աւելի փայլուն կեանքի մը մէջ կը վերածնի:»

Սակայն մի՛ կարծեք թէ նիւթն ազդեցութիւն ունի մտքին վրայ: Ո՛չ ծառոց և ո՛չ մարդուն արտաքին մասն է որ ներքինը կը ձեւէ:

Հիւթին տեսակն է այն, որ ծառը բուսնելուն պէս անոր ձեւ, հասակ, գոյն և կազմութիւն կու տայ:

Անչուշտ այս հիւթն անհուն լուսոյ մի ճառագայթն է բուսական հիւթի փոխուած:

Մարդուն վրայ այս Աստուածային հիւթն հոգի կը կոչուի: Մի փայլուն և շքեղ շառաւիղն է սա Արարչին, որ յամենայնի է և ամէն քանի կեդրոնն:

Ինչպէս ծառին, նոյնպէս մարդուն մարմնոյն ձեւն, հասակն, գոյնն ու կազմութիւնն տուողն հոգին է:

Երբ մարդկային կակի մը արտաքին մասը իմացողական պակասութիւններ կը յայտնէ, այս ստորնութիւնն յառաջ բերողը մարմինի չէ, այլ հոգին և միայն հոգին, որ իւր ստորնութիւնն կը ցոլացնէ արարածին Ֆիլիքական կազմութեանն վըրայ, ձիւղ ինչպէս որ ծառին նախնական հիւթն աւելի կամ պակաս առատ կամ ուժով ըլլալով, մին կաղնի մը կ'ընէ, և միւսը շնչին ծառ մը:

Ուրեմն կարելի է դրսէն ներսը դատել, ինչպէս որ արդիւնքէն պատճառը կը գտնենք:

Հիւֆֆիւանտ, որ մեծին Մօցարդի հետ սերտիւ կապուած էր, մարդկային ձայներու վրայ խօսակցութիւն մը կը պատմէ, զոր ունեցեր է այս հանճարաւոր մարդուն հետ:

Ահա ինչ կ'ըսէր Մօցարդ իրեն:

«Կնոջ մը կամ մարդու մը վրայ նայուածք մը միայն նետելով՝ կրնամ հասկնալ թէ ի՞նչ ձայն ունին: Կուրծքի Բէնօրի (ténor) յոյր (trapa) է և միջահասակ: Ընդհանրապէս մաղերն չազանակադոյն կ'ըլլան: Ամենէն ընդարձակ ու կատարեալ Բէնօրի ձայնն ուժեղ կազմութիւն մը և լայն ու ուռուցիկ կուրծք մը կը պահանջէ: Այս տեսակ անձինք հասակաւ կարծ են և մաղերնին չազանակադոյն է, վասն զի այս գոյնն խարտեալէն և թուխէն աւելի ոյժ մը կը ցուցունէ: Բացի ասկից, վզերնին երկայն ու հաստ է, զլուխին արձակ, ձեռքերնին ու ոտքերնին փոքր, բայց աւելի ազեղ են քան թէ գեղեցիկ: Եթէ բարձրահասակ մարդ մը Բէնօրի ձայն ունենայ, ասիկայ Կոնրտայնի Յոյն Տ'է, զոր սովորաբար երեսունէն

քառասուն տարեկան եղած ատեն կը կորսնցու-  
նէ : Ընդհակառակն ճշմարիտ Բէնօրն երեսուն և  
հինգ տարեկան եղած ատեն իւր ամբողջ ոյժն կը  
պահէ , և երբեմն իւր ձայնն մինչեւ վաթսուն  
տարու կը տեւէ :

«Տոյնն է նաև սօփրանօ (soprano) կոչուած կա-  
նային ձայնին համար :

«Բարձրահասակ գեղեցիկ կանայք ընդհանրա-  
պէս *տենօր—ալտօ* (contre—alto) ձայն մ'ունին , բը-  
նաւ մաքուր սօփրանօ մը :

«Մեծ երգչուհիներն , — և անհնար է մեծ  
երգչուհի մը ըլլալ առանց սօփրանօ ձայնի , որ կա-  
նանց Բէնօրն է , — ամենքն ալ միջահասակ կամ  
կարճահասակ են : Կրօրձքերնին լայն և կոկորդ-  
նին ոյժով է : Հազուադիւր է որ շատ գեղեցիկ  
ըլլան , բայց միշտ խելացի են : Եթէ զխուլածաւ  
գեղեցիկ ըլլան , այն ատեն յինքեանս կը միացնեն  
բոլոր ինչ որ Աստուած գեղեցիկ , մեծ և հրա-  
պուրիչ բան երեւակայած է :

«Ամենէն գեղեցիկ արք ընդհանրապէս պարե-  
նօնի (baryton) ձայն մ'ունին : Մէցցօ սօփրանօներն  
(mezzo soprano) ամենէն գեղեցիկ կիներն են : Ա-  
սոր համար Տօն Ժուանս պարենօն մ'ըրի , և շատե-  
րըն զիտողութիւն ըրին թէ պէտք էր Բէնօր մ'ը-  
նէի : Բայց հազուադիւր է որ Բէնօր մը յաջող  
բաղդ մ'ունենայ : Պարենօն ընկերութեան սիրելի  
մարդն է :

«Երբ մարդու մը հասակն միջակն անցնի ,  
ձայնը պատօ է : Որչափ հասակն բարձրանայ , ձայ-  
նըն այնքան կ'իջնէ : Մինչ իսկ պարենօն — պատօն և

պարենօն—Բէնօրն հասակնուն կը ճանչցուին : Առա-  
ջինն միւսէն մեծ է , Մէկ պատօն յը ֆայն ճանչցայ  
որ փոքր և գեր էր : Հրէչ մ'էր : Ձայնն ալ իրեն  
պէս տարօրինակ էր :

«Տոյնպէս է նաև կանանց *տենօր—ալտօն* :

«Ընդհանրապէս Բէնօրներն և սօփրանօներն ա-  
ւելի ոյժեղ կազմութիւն մ'ունին քան թէ միւս  
ձայներն : Բնականաբար : Անոնց աւելի շունչ  
պէտք է : Անոնք են միւսները բռնողը : Արդարեւ  
մարդկային երեք ձայներն կը միացնեն յինքեանս  
Շատ անգամ պարենօններն իրենց ձայնն շուտով  
կը կորսնցունեն , և պատօն այն մեծ արձաններն,  
որոնք այնքան ոյժով կ'երեւին , անանկներ տեսայ  
զորս պզտի Բէնօրներ մէկ բազկով գետին կը ձը-  
գէին : Ասկից զատ շատ անգամ ալ հիւանդ են :  
Ընդհանրապէս կարճահասակներն երկայնահասակ-  
ներէն ոյժեղ են :»

Այս սկզբանց վրայ , տօքթօր Հիւֆֆլանտ  
արտաքին հոգեբանութեան դրութիւն մը կը կազ-  
մէ , մարդուս շորս բարեխառնութեանց վրայ  
հիմնեալ :

Իւր դրութեան ասպոցոյց կու տայ անցելոյն  
պատմութիւնն և ներկային փորձառութիւնն : Այս-  
պէսով , ըստ իրեն , մարդկութեան բոլոր մեծ  
մարդիկն , երեւակայութեամբ և դիւցազնական  
բնութեամբ մեծ , սակայն հասակաւ կարճ և բա-  
րեխառնութեամբ արիւնոտ ու ցասկոտ էին :

Կը խոստովանիմ թէ տօքթօրն զիս կատա-  
րելապէս համոզած չէ , Մէկէ աւելի բացառու-  
թիւններ կրնամ ցուցունել իրեն , սկսեալ Շար-

լըմաննըէն մինչեւ Շիւէր, որ բարձր էր հասակաւ  
և շատ բարձր երեւտիայութեամբ : Իրաւ է թէ  
առողջութիւնն շատ տկար էր :

Ըստ Հիւֆֆլանտի, արեան շրջանն աւելի ա-  
րագ ըլլալով միջհասակ մարդոց մէջ, անոնց  
գործերն, շարժումներն ու կամքն աւելի եռան-  
դոտ են : Մի և նոյն պատճառաւ անոնք աւելի  
փոփոխամիտ, մտահաճոյ և սխալելու ենթակայ են :

Ամէն առեւն միտքն լանականութեան հետ  
հաւատար չէ, բայց ընդհանրապէս կարծահասակ-  
ներն բարի սիրտ ունին (1) :

Ըստ Հիւֆֆլանտի, երկայնահասակ արք և  
կանայք քաղցր և բարեձեւ են, վասն զի աւելի  
շատ կը խորհին ընկիւքնին և իրենց շարժումներն  
այնքան արագ չեն : Աւելի աղէկ կը խօսին քան  
թէ կը գրեն, արուեստէ կը հասկնան, մէկ բա-  
ւով, թէ՛ իրենց մարմնովն և թէ՛ հոգւովն մեծ  
առաւելութիւններ ունին անոնց վրայ, որք իրենց  
բարձրութեանն չեն հասնիր : Բայց առողջութիւն-  
նին խիստ աղէկ չըլլալէ զատ, հազուադիւր է որ  
կարգապահ ըլլան : Անոնք ոչ կը ստեղծեն, ոչ կը  
հնարեն, և յարատեւ բնաւորութիւն մը չունին :

«Երկայնահասակներն, կ'ըսէ հնդկական ա-  
ռած մը, կը ծռին, կարճահասակներն կանգուն  
կը մնան :» Տօքթէօրն, այս առածը յառաջ բե-  
րելէ ետքը, կը յաւելու թէ՛ աւելի դիւրին է  
երկայնահասակ ժողովուրդ մը նուաճել, քան թէ՛

(1) Ժողովրդային առած մը կ'ըսէ. «Գլուխը  
սրտին մօտ է :»

կարճահասակ կամ միջահասակ ժողովուրդ մը :  
Ասոր համար է որ բոլոր պալատականներն գրեթէ  
դեղեցիկ մարդիկ են : Ասոր համար է վերջապէս  
որ, հիւսիսային ժողովուրդներն, ամենքն ալ եր-  
կայնահասակ, միջին Եւրոպիոյ ժողովրդոց բաղ-  
դատմամբ ստորին են :

Տօքթէօրն աւելի հեռուն կը մղէ իւր եզրա-  
կացութիւններն :

Մտքերն ձայներուն կը բազդատէ :  
Ինչպէս որ Բէնթըն ցած, միջին և բարձր խա-  
զեր ունի, մինչդեռ միւս ձայներն քանի մը խա-  
զեր միայն ունին, այնպէս ալ, կ'ըսէ, իրաւցնէ  
բարձր, բայց հասակաւ կարճ մտքերն, մէկ նիւ-  
թէ միւսին կ'անցնին—մեծագոյնէն փոքրագոյնին—  
մտացի և զուարճացողիչ կերպիւ մը ամենուն  
հասկանալի ընկելով ամենէն ծանր խնդիրներն, և  
ըստ երեւութին ամենաչնչին բաներէն լուրջ եզ-  
րակացութիւններ կը հանեն : Շատ անգամ իրենց  
բոլոր խազերն միանգամայն կը նուազեն, ինչպէս  
երաժիշտ մը իւր ջութակին չորս լարերը : Ընդ-  
հակառակն, սովորական մտքերն միալար են : Մի-  
այն թէ երբեմն այս միակ լարէն անոյշ մեղեդիներ  
կը հանեն : Դիտել կ'ուտամ քեզ թէ՛ այս միա-  
լար ըսուած մտքերն շատ դէշ ամուսիններ չեն,  
թէ և Մօցարդի Բէնթըններուն պէս կարճահասակ  
չեն :

Ուրեմն, աղջիկս, ահա իմացար : Հիւֆֆլան-  
տըդ ի ձեռին, պիտի ընտրես թէ իւր դրութե-  
նէն ինչ առնելու և ինչ ձգելու է : Ամէն պարա-  
գայի մէջ, շատ երկայնահասակներ կան ձգելու,

և բաւ է որ հատ մը գտնենք սա պըտիկ , շագանակադոյն , հզօր և հնարիչ կամք մը ունեցող Եսակներէն , թէև սասանի պէս ցասկոտ և կռուսէր ըլլայ , երկայնահասակ այրերն երկայնահասակ կիներուն կը թողունք : Թո՛ղ իրենց ուզածին պէս վարուին : Իրաւ է թէ զմեզ հասակաւ և մըտօք այնքան փոքր տեսնելով , մեր վրայ պիտի խնդան , և ուրիշներ ալ իրենց հետ :

ԻԵ

Թալմուտ կը պատմէ թէ , Այսուա թագուհին , որ իւր իմաստութեամբն ու տգեղութեամբ միանգամայն նշանաւոր բարբուռնոյն՝ մեծին Էքիպարի պաշտպանն ու բարեկամուհին էր , օր մը անոր հարցուց . « Ի՞նչպէս կ'ըլլայ որ այսքան գեղեցիկ հոգի մը այսպէս տգեղ մարմնոյ մը մէջ գտնուի : »

Բարբուռնին , պատասխանն ետ ձգելով , աղաչեց թագուհւոյն որ թոյլ տայ իրեն գլեկին մասուններն շրջիլ , և ընդունեց սոյն թոյլտուութիւնը : Այցելութիւն ընելէ ետեւ , Էքիպար թագուհւոյն ըսաւ :

« Ի՞նչպէս կ'ըլլայ որ ձեր ամենէն ընտիր գինին՝ փայտեայ տգեղ ու հին տակառի մը մէջ ըլլայ : Մարմարեայ տակառ մը աւելի աղէկ չէ՞ր :  
— Բայց , գոչեց թագուհին , գինին անոր մէջ չի կրնար պահուիլ :

— Նոյնպէս է նաև միտքն , պատասխանեց իմաստունը : Միտքն ալ գինւոյ պէս հիւնալով կը

լաւնայ և կը դտանայ : Անոր փայտէ տակառ մը պէտք է : »

Ասիկայ , աղջիկս , բեզի կ'ապացուցանէ թէ , Քիլիքական գեղեցկութիւնը միշտ հոգեւոր գեղեցկութեան անբաժան քոյրը չէ :

Հիմայ բեզ քանի մը հոգեբանական դիտողութիւններ պիտի հաղորդեմ , որոնք մաթէմատիքական սկզբանց վրայ հիմնեալ են :

Մարդկային էակն զանազան արտաքին նշաններով կը զանազանի անասունէն :

Անասնոյն աչերը բնաւ վեր չեն նայիր , և նայուածքներն առ մի և նոյն կէտն չեն հակիր (converger) :

Այնչէն ծալը աչին Խոռոչն աւելի վեց է :

Մարդկային գլուխը , թէև անասնական մի քանի գծեր կը կրէ յինքեան , սակայն աստղերու ձեւն ունի (1) : Երկու ձուածեւ կը ներկայացնէ : Գանգը , ձուածեւ գնդակ մը որ դէմքին վրայ դրուած է , և դէմքն , որ զսա ձուածեւ մը կը ներկայացնէ :

Ասոնցմէ կրնաս եզրակացնել թէ ,

Նախ և առաջ , մարդն բոլոր երկրաւոր Եսակներէ գեր ի վեր է , երկնային մարմնոց ձեւին մօտենալով :

Ապա , թէ մոլորակներն և աստղունք կ'ապրին և թերեւս մարդուս պէս գործելու ազատութիւն ունին : Մարմնոյ մեռնելէն վերջը , մարդ-

(1) Արեւուն և լուսնին վրայ մարդկային դէմք մը տեսնելն բոլորովին մոտացածին բան մը չէ :

կային հոգւոյ յառաջադիմութիւնն ուրիշ բան չի կրնար ըլլալ, ըստ այս սկզբան, բայց եթէ համաբարձում մի առ եթերն երկնային, կամ անկում մի դէպի անասնական կենաց ստորին աստիճաններն :

Հոս տեղը չէ այս ծանր և բարձր խնդիրներուն վրայ վիճելու :

Բաւ է ինձ քեզ ըսել, և ապահովութեամբ ըսել թէ, մարդկային հոգին իւր իմաստութեան կամ անասնութեան աստիճանն կը դրոյժ մարմնոյն վրայ :

Այս հետքերն մեր գեղեցկութիւն կոչած բանին վրայ չեն գտնուիր, հասկա մարդկային դիմաց մի քանի գործարաններու ընդարձակութեանը վրայ :

Ընդհանրապէս խտական և խոհուն մարդ մը խորիսխը լայն ու բարձր ձակատ մ'ունի: Իւր գանգը ձուածեւ է :

Մարդկութեան բոլոր մեծ մարդիկն այս աստուածային նշանն ունեցած են :

Մարդկային կնիքն յինքեան կրող մարդու մը ականջին ծակն աչքին խոռոչէն վաբէ: Յանասունն իսկ, որ մտաց տեսակ մը դրոյմով կը զանազանի, այս երկու գծերն մտա են: Որքան ականջը վեր ելնէ, (օրինակի համար կապկին), այնքան կենդանին անբան և չար է :

Մարդկային էակ մը մորթով, քթով, հասակով կամ ձեւով ո՛րքան գեղեցիկ և ո՛րքան տրգեղ ալ ըլլայ, անոր ձակատն, նայուածքն և ականջը դիտէ՛, և անոր հոգւոյն մի կերպարանքն

տեսնելէ, անոր մարդկային իմաստութեան և բարութեանն աստիճանն հասկնալէ զատ, մէկզմէկէ օգտակար խել մը գիտողութիւններ պիտի ընես :

Սակայն, որովհետեւ այս տեսակ բաներն սրխալմանց կամ եղծմանց կրնան տեղի տալ, պէտք է զանոնք չափազանց չափաւորութեամբ գործածել :

Ըստ իս, կը խոստովանիմ թէ երբեմն ասոնք այրեր ու կիներ դատելու ծառայեցին ինձ, և եթէ ամուսնանալու ըլլայի, զիս համոզող բանը քթին գեղեցկութիւնն չպիտի ըլլար :

### ԻԶ.

Հիմայ եկանք ամենէն ծանր խնդրոյն, խընդիր մը, որ ընկերական և միանգամայն փիլիսոփայական է, և ամուսնոց երջանկութեանն կենսական խնդիրն է :

Կրնա՞ս, կամ պէ՞տք է որ ամուսնանաս այնպիսի մտրդու մը հետ զոր կը սիրես, և որ սակայն քու կրօնքդ չի դաւանիր :

Պիտի ջանամ, սիրելիս, խօսքերս համառօտել, վասն զի այս խնդիրն առանձինն՝ կրօնական երկար ճառերու կը կարօտի :

Ահա գրեթէ երեսուն տարի է որ տիեզերաց աստուածաբանութեանց ուսմամբն կը պարապիմ: Քանի մը խօսքով պիտի բացատրեմ քեզ իմ ուսումնական խոզարկութեանցս արդասիքն: Ազատ ես անոնցմէ օգտիլ իմ եզրակացութեանցս իմաստովն, կամ քու խղճիդ համեմատ վարուիլ:

Բոլոր ժողովրդոց կրօնից պատմութիւնն գի-

տես, թէ և վեր ի վերոյ : Գիտես թէ կար և կայ տակաւին չինական կրօնք մը, Պուտաեան, թէ կային հեթանոսներ որք բազմաստուածութիւն կը դաւանէին, թէ կար և կայ Եբրայեցի, Մահմետական, Կաթօլիք, Բողոքական կրօնք մը, առանց հաշուելու այն խել մը զանազան աղանդներն, որոնք քիչ ատենուան մէջ երեւան ելան : Աղջիկս, բոլոր այս զանազան կրօնքներն մէկ իմացական վիճակի կը համապատասխանեն, այսինքն, մասնաւոր մտքի մը, զոր նախ մարդ մը, ապա խել մը մարդիկ և վերջապէս ամբողջ ազգեր ներկայացուցած են :

Մտիկ ըրէ ինձ կարելի եղածին չափ ուշադրութեամբ :

Եթէ արարիչ մը կայ — և ասոր վրայ տարակուսիլ չըլլար, վասն զի ամենէն կատաղի Սիեպտիկեանք իսկ ստիպուած են ընդունիլ Քրիստոսի նախնական և արարչի, որ շարունակ կը ձեւափոխուի — մարդս, որ միւս արարածներէն աւելի մօտ է անոր, այնպէս էր միշտ՝ Իսլէմ որ Քրիստոսէն : Վասն զի, մեր բանականութիւնն որքան ալ որ սահմանափակ ըլլայ, անհնար է անոր վայրկեան մը ընդունիլ ամենակարող արարիչ մը, որ էակ մը կը ստեղծէ և զայն հետզհետէ կը կատարելագործէ, ինքն ալ կատարելագործուելով : Աստուած կամ չկայ, կամ կայ : Առաջին պարագային մէջ, մարդն Աստուած կ'ըլլայ, քանի որ վայրկեան մը չի կրնար ասլիլ իւր նմանին հետ առանց Աստուածային և հոգեւոր սկզբունք մը պահանջելու, որու իշխանութեամբն զօրաւորա-

զոյնն իւր պարտքն կ'ընէ, որպէս զի տկարագոյնն իւր իրաւունքներն վայելէ, վասն զի միշտ զօրաւորագոյն մը կայ : Այս պարտուց կատարումն կ'ուզեն խիղճ կոչեն, կ'ուզեն դուրս և առաքինութիւն, նա միշտ հոգեւոր և իտէական սկզբունք մ'է, մարդ կային ճշմարիտ առանձնաշնորհումն, որոյ անուամբն մարդն, միակ ընկերական, ընկերութեան այն կապն կը ստեղծէ, որ կրնա կը կոչուի :

Եթէ արարիչ մը կայ, արդար ըլլալու է : Ուրեմն անհնար է ենթադրել թէ աշխարհիս առաջին մարդոց հետ անիրաւութեամբ վարուած ըլլայ, որոնք մեզի պէս իւր զաւակներն էին, և թէ զանոնք սխալանաց դատապարտած ըլլայ մինչեւ ցգալուստ Մովսիսի և Յիսուսի :

Եթէ Աստուած շատ մը դարեր սպասեց ճշմարտութիւնն յայտնելու համար, ըսել է թէ՛ կամ մինչեւ այն ատեն ինքն ալ չէր գիտեր, և կամ անիրաւ էր :

Եթէ այս ինչ ժողովուրդն ընտրեց անոր յայտնելու համար ճշմարտութիւնն, ի վնաս միւսներուն, ուրեմն բռնաւոր մ'էր, որ իւր սիրելիներն ունէր և զտնադոն տեսակ ու այլ և այլ կարգի կրօնքներ կը բաժնէր ամենուն :

Եւրոպայի մէջ խել մը անհեղեղներ երեւան ելան, զիսուն տիտղոսն առնելով, և հին սխալներ բարբառնջելով, որոնք լրջօրէն կը պնդեն թէ մարդն, փոխանակ գերագոյն զօրութենէ մը ըստեղծուած ըլլալու, մի միայն նիւթէն յառաջ եկած է ու շատ ձեւերէ անցած է : Ոմանք կ'ըսեն

իսկ , և առանց կատակի , թէ կապիկէ մը յառաջ եկած է : Ասոնք կամ անաստուածութեան իմաստակներ , և կամ ծիծաղելի տխմարներ են : Գիտցիր , աղջիկս , թէ ամբողջ տիեզերք Քէ և Քա՛կ օրէնս՛վ մը կը կառավարուին : Թէ հազար սխալներու դէմ մէկ և միակ ճշմարտութիւն միայն կայ , ինչպէս հողար տեսակ հիւանդութեանց դէմ մէկ առողջութիւն միայն , և թէ նոյն օրէնքն , որ տեսանելի աշխարհն կը կառավարէ բոլոր իւր տեսակներովն , կը կառավարէ նաև բոլոր անտեսանելի աշխարհներն : Արդ , ըստ այս օրինաց , Տիրի՞քԱՎԱՆ ԿԱՄ ԳԵՐԲԵՆԱՎԱՆ ՈՅ ՄԻ ԱՇԽԱՐՀԻ ՄԷՋ ԵՐԲԵՔ ԶՕՐՈՒԹԻՒՆ ՄԸ ԻՐԵՆ ՀԱՒԱՍՏԱՐ ՈՒՐԻՇ ԶՕՐՈՒԹԻՒՆ ՄԸ ԿՐՆԱՅ ԱՐՏԱԳՐԵԼ : Անազատ զօրութիւն մը ուրեմն չի կրնար ազատ զօրութիւն մը յառաջ բերել : Եթէ կապիկն կարենար մարդ մը ստեղծել , որ բան և ազատութիւն ունի , նախ ինքզինքն կը սկսէր : Երկիրն , որչափ որ զօրաւոր ըլլայ , կամք չունենալով , ձի մը , շուն մը , կամ փիղ մ'անգամ չի կրնար ստեղծել , անասուններ , որք կամք և բանականութիւն ունին , ուրեմն բռնաւ երբեք մարդ մը , ամենէն ազատ էակն , իր Արարչին պատկերին համեմատ ստեղծուած , զօրութիւն գերազոյն մարդուս ճանչցած և երեւակայած բոլոր բաներէն :

Մարդն ստեղծուած է , և իւր Արարիչն իրեն յայտնուած է անոր բանականութիւն տուած վայրկեանին , նոյն իսկ այն բանականութեան աստիճանին համեմատ :

Կրօնական գիւտերն , որք մէկզմէկէ աարբեր

են , և ամէն ատեն գտնուած են , այս բանականութեան լուսոյն կատարելութեանն համեմատ կը չափուին , երբեմն մարդոց անիրաւ կրից համեմատ , որոնք այն լոյսն միշտ խաւարեցուցած են , երբեմն դասերու շահուցն համեմատ , որոնք իրենց զօրութիւնն գործածած են ժողովուրդն վրիպաց մէջ պահելու , որպէս զի կարենան զայն գերութեան կամ իշխանութեան ներքեւ ամփոփել :

Այս կրօնքներն շատ կամ քիչ կը բարձրանան դէպի իտէական ճշմարտութիւնն , զանոնք քարոզող մարդուն կամ մարդոց բանականութեան կամ կրից աստիճանին բարձրութեան համեմատ :

Քիչ խելքով մարդ մը , ( և ինչպէս գիտես , խելքն լոյս է և զգացման բնազդումին համեմատ կը դատէ ) , Արարիչն իբրև տղայ մը կ'ըմբռնէ որ իրեն պուպրիկ (պէպէկ) մը կը շինէ և որու առջեւ ի ծուկը կու գայ զայն պաշտելու համար , սակայն վայրկեան մը ետքն զայն կտոր կտոր կ'ընէ , վասն զի իւր ըղձերուն չի պատասխաներ :

Այն մարդն հնարեց կառաչութիւնն : Վասն զի աղէկ դիտէ որ բնաւ չկայ մարդ մը , որքան ապուշ կ'ուզէ ըլլայ , որ աչերն երկինք վերցուցած չըլլայ բնաւ , հոն փնտուելու համար գերագոյն էակն , հայր մը , արարիչ մը և մխիթարիչ մը : Մարդուն սրտին մէջ միշտ Աստուածային իտէականին հուստն կայ : Ձկսց վայրենի մը կամ մարդակեր մը որ իւր կուռքն չունենայ : Միայն թէ այն մարդն բնազդմամբ և եթ դատելով , միայն անասնական ոյժն և նիւթական վայելումն կը

ճանչնայ : Եւ եթէ թշնամի մը ունի , կը նայի որ զայն սպաննէ և ուտէ :

Այս մարդկային էակին քով , որ քիչ վեր է անասունէն , կայ և կար միշտ ուրիշ մը , որ աւելի շատ ունի Աստուածային բանականութիւնն , որու միջոցաւ կը ճանչնայ իւր նմանին այս ինչ իրաւունքներն , վասն զի գիտէ թէ նա այս ինչ զօրութիւնն ունի , զոր ինք չունի : Կը տեսնես որ յառաջդ իմութիւնն , որքան անզգալի ալ ըլլայ , միշտ անձին ճանաչումէն յառաջ կու գայ : Ուրեւ մըն այն մարդը , տեսնելով որ ամէն մարդկային էակ յատուկ յատկութիւններ ունի , այս զօրութիւններն ու յատկութիւններն աստուածացուցած է , և ոմանց այս ինչ պարտքերն ու ոմանց ալ այն ինչ իրաւունքներն սեպհականած է : Անկից ետքն այն մարդն ալ իւր թշնամին չէ սպաննած . զայն իւր գերին ընելով գոհ եղած է : Այս գերին , որ իրմէն ստորին է , Աստուած մը ունի , իրաւ է թէ ստորին Աստուած մը , բայց վերջապէս ունի : Ինքը , տէրը , ինքզինքը ազնուական , պատրիկեան , գերագոյն Աստուծոյ մը ցեղէն կը կարծէ : Ասկից յառաջ եկած է , աղջիկս , ազնուականութեան գաղափարը : Կան և միշտ եղած են բազմաստուած մարդիկ , որք ինքզինքնին անտեսանելի և գերագոյն զօրութեանց ներկայացուցիչներն կը կարծեն իրենց նմաններուն դէմ , զորս իրենց ստորադասեալներն և ստորին զօրութեանց զաւակներ կը համարեն : Անուանուեալն հեթանոս է : Առանց գերիի , կամ գեթ առանց ստրկի ազնուականութիւն չըլլար :

Այս հեթանոս մարդէն վեր կայ և միշտ եղած է քիչ մ'աւելի շատ բանականութիւն ունեցող մարդ մը , այսինքն բիւրեղացեալ լըյս ունեցող , որ իր առջեւն ու ետեւն կը տեսնէ , որ մըտօք ըմբռնած է Աբրեյէ Էսկին և յարդային սեպին փութեան մեծ ճմարտութիւնը , նախնական զօրութեան միութիւնն , որու առջեւ միւս բոլոր կենդանի զօրութիւններն հասասար են , թէև պաշտօններով արքեթեր : Ասիկայ անհուն յառաջդ իմութիւն մ'եղաւ . վասն զի , բոլոր մարդիկ Արարչին առջեւ հաւասար ըլլալուն պէս , միոյն իրաւունքներն միւսին պարտուց կատարուելէն յառաջ կուգան : Անկից ետքն ալ գերութիւն , ստրկութիւն ծառայութիւն , առանձնաշնորհումն չկայ . վասն զի ոչ ոք պէտք է ընէ իւր նմանին ինչ որ չուզեմ որ ուրիշն իրեն ընէ : Սա Արդարութեան իշխանութիւնն է , որ կը հրամայէ բարիք ընել և չարիքն կ'արգելու օրինօք : Կամաւ դործուած բարիքն Աստուծոյն կը կոչուի : Բանի գործուած բարիքն Արդարութեան կը կոչուի : Արդարեւ շարեաց պատժուելէն կրնայ բարիք յառաջ գալ : Եթէ գողն բռնուի , պատուաւոր աշխատաւորն կրնայ իւր ինչքն վայելել : Եթէ մարդաստանն պատժուի , խաղաղարարոյ մարդն իւր կեանքը կը վայելէ : Ասիկայ քաղաքակրթութեան սկիզբն է , արդարութեան և Աստուծոյ առջեւ հաւասարութեան վրայ հիմնեալ ընկերութիւն մը :

Կը կրկնեմ քեզ թէ ամէն ատեն մարդիկ եղած են , որ այս ճմարտութիւնն ընդունարած և հոչակած են : Մովսէս զայն ծանոյց իւր բո-



նի մ'անդամ կրկնած է սոյն ճշմարտութիւնն :

Մարդկութիւնն դէպի սիրոյ այս խոհականն կը քալէ , թէև յամրաքայլ և երբեմն ընկրկելով :

Ուրեմն այսօր-ընէ ալ մարդիկն պէտք է զստեայն կրնային հասնար , որո մէջ թնօն են :

Կը տեսնես թէ այս կրօնքներն միշտ եղած են . միայն թէ ի շնորհս մարդկութեան անբաժան յառաջդիմութեան օրինացն , մարդն լուսոյ ճանապարհին մէջ կը յառաջանայ , որ նախ և առաջ Արդարութեան , և ապա Սիրոյ և Անձնութեան ճանապարհն է :

Մինչև այսօր կան Կաթօլիկներ , Մահմետականներ , Հրեայներ , Բողոքականներ , որոց բանականութիւնն կրօնքեր պաշտող առաջին մարդոց բանականութեան աստիճանն անցած չէ : Անոնք վայրենի և մարդակեր են , վասն զի թերեւս յօժարակամ մարդկային զոհեր մատուցանեն իրենց Աստուծոյն , և կարծեն իրմէ մասնաւոր նպատակներ ընդունիլ միւս աշխարհին և մանաւանդ այս աշխարհին մէջ սոյն մարդկային ողջակէզներով : Նոքա կ'ատեն և կը հալածեն այնպիսի մարդիկ , որք իրենցմէ լուսադոյն են , և եթէ իշխանութիւն ունենային , զանոնք պիտի այրէին կամ գոնէ իրենց մարդկային իրաւունքներէն պիտի զրկէին , անոնց կողպուաներուն տիրելու համար :

Եթէ երբեք այսպիսի մարդ մը սիրես , որ թերեւս սուրբ մը կոչուի , աւելի աղէկ է քեզ համար կաթուածահար մեռնիլ , քան թէ այն թշուառականին ատելութեանն , անիրաւութեանն

և կրօնամուլութեանն հետ ամուսնանալ :

Բայց երբ տեսնես մարդ մը որ արգար է իւր նմանին հետ , և սիրով կամ շահ մը գոհելով դայն կը փառաւորէ , կամ թէ իւր կեանքն ու ինչքն վտանգի դրած է պատուոյ սկզբան մը համար , իւր եղբայրը փրկելու համար , այն մարդն կ'ուզէ Հրեայ ըլլայ , կ'ուզէ Հնդիկ , Չինացի , Հօթէնթօթ կամ Պապական , ամուսինդ ըլլալու արժանի է : Աւելի երջանիկ պիտի ըլլաս անոր , քան թէ քեզի կրօնակից սուտ ջերմեռանդի մը հետ , և անոր հետ ամուսնանալով հաճելի պիտի ըլլաս Աստուծոյ , բոլոր արանց , բոլոր ընտրեալ կանանց , որք քու եղբայրներդ և քոյրերդ են սիրով և բարի գործերով :

Կրօնքը խօսքերու , աղօթից և երգերու մէջ չի կայանար , հապա՛ գործոց մէջ : Ամէն ոք , որ բարիք կ'ընէ , քու կրօնակիցդ ու եղբայրդ է : Միայն չարիք ընողն հերեաիկոս է :

Առաքինութենէն և Արդարութենէն զատ ճշմարիտ կրօնք չկայ :

Մուլութենէն և Անիրաւութենէն զատ հերեաիկոսութիւն չկայ :

Մեր նախնիք , այս ճշմարտութիւնն աղէկ հասկցած ըլլալով , քաղաքական ամուսնութիւնն հնարեցին , ալ եւս պէտք չունենալու համար քահանայից , որք ստէպ կրօնամուլութեան , խաւարի և ատելութեան գործիքներ եղան :

Քաղաքական ամուսնութիւնն ներկայ յառաջդիմութեան ամենէն մեծ յաղթանակներէն մին է : Ֆրանսա , որ ամենէն յառաջ արձանագրեց

զայն իւր օրինագրոց մէջ , կրնայ ասոր վրայ հըպարտանալ :

Այս ամուսնութիւնն սիրոյ առջեւ զամէն որ հաւասար կը հրատարակէ :

Կը մօտեցնէ և կը միացնէ բոլոր այն ազնիւ սրտերն , որք գեղեցկին , ճշմարտին և բարւոյն աստուածային սիրոյն մէջ կը խնդրեն յիրեար խառնուիլ : Գործոյ օրէնքն կը հրատարակէ , և բանիւ ու գրով կեղծեալ ՀԱՒԱՏՈՅ շողաբորդութիւնն կ'արտաքսէ :

Քաղաքական ամուսնութիւնն այն ատեն միայն պիտի աներեւութանայ , երբ նիւթական կըրօնքն իտէական մտածման բարձրութեանն հասնի :

Եթէ քու կրօնիցդ մէջ ծնած մարդ մը սիրես և անոր հետ ամուսնանաս , քու ճանչցած մէկ բարի քահանայիդ կրնաս նուիրագործել տալ սոյն ամուսնութիւնն :

Բայց եթէ ուրիշ ո՛ր և է կրօնից մէջ ծնած մարդ մը սիրես , քաղաքական ամուսնութիւնն քեզ կը բաւէ , և զայն բոլոր ծանօթներուդ կըրօնաս հաղորդել ի շահ քու պատուոյդ : Ասիկայ ճշմարիտ փորձաքար մը պիտի լինի ճանչնալու համար այն բարի և ողջախոհ մարդիկն , որք արժանի են յարգանացդ և բարեկամութեանդ :

ԻԷ.

Հակառակ մարդկային բովանդակ խոհեմութեան և իմաստութեան , մարդս բաղդէն վեր չ'է . բայց , երբ իւր պարտքը կ'ընէ , բազմին

ակուսներն ալ , թէև երկաթեայ , սոյն ասպարին դէմ կը յոգնին :

Կարելի է որ , առանց իմ խրատներուս , և թերեւս իմ խրատներովս իսկ , այնպիսի մարդու մը հետ միանաս , որ անարժան ըլլայ կնոջմէ մը սիրուելու : Կարելի է որ քու բարեմասնութիւններդ դժբաղդութեանդ պատճառ ըլլան : Բայց Աստուած , որ կարողութիւն չէ տուած մարդուս ինքզինքն երջանիկ ընելու , գեթ ազատութիւն տուած է անոր , ազատ կամք մը , թշուառութեան դէմ հանելու համար մեղքերէ ազատ , խայթերէ զերծ սիրտ մը :

Կարելի է որ թշուառ ըլլաս , աղջիկս , բայց ոչ որ , ո՛չ իսկ Աստուած կրնայ բառնալ քենէ առաքինութեան երջանկութիւնն , մեծութիւնն և շքեղութիւնն , եթէ ուղես առաքինի մնալ :

Այսօրուքնէ սկսեալ կրնամ գրեց առանձին թողուլ . վասն զի , եթէ պիտի իյնաս , ես ալ չեմ կրնար արգելուլ անկումդ : Պահպանուելու հարօր աստիճանն պահպանուելու շարժեր :

Եւ եթէ պարտքդ պղծես , եթէ երջանկութիւնդ խորտակես , միշտ իմ աղջիկս պիտի մնաս , բայց բնաւ կին մը չը պիտի ըլլաս :

# ԱՄՈՒՍՆՈՒԹԵՆՆԵՆ ԵՏԻՔ

Ահա ամուսնացար, աղջիկս, և առանց օժտի ամուսնացար, վասն զի ամուսինդ, քու ձեռքդ խնդրած ատեն, չէր գիտեր թէ դու իրմէ աւելի հարուստ էիր, կամ գոնէ տեղեկութիւն չունէր հորդ քու զաւակներուդ սահմանած ստակէն: Քու ընտրած երիտասարդդ բուն իսկ ամուսնոյ իտէականն չ'է. ոչ գեղեցիկ է և ոչ հարուստ. բնաւ իւր անունն փառաց տուժարներուն մէջ չպիտի արձանագրէ: Ա՛ռուղե՞ս որ միտքս քեզի ըսեմ. ես զինքն ինձ փեսայ չպիտի ընտրէի, եթէ ուշադրութիւնս իւր վրայ չդարձունէիր: Բայց քեզի հետ կը համաձայնիմ թէ, թէև մեծ մարդ մ'ըլլալու սահմանեալ չ'է, սակայն միշտ բարի ամուսին մը պիտի ըլլայ: Բարի զաւակ, ընտիր եղբայր եղած է, և դայտիարակութիւն ալ ունի. կը յուսամ թէ ընտանեաց հօր տիպար մ'ալ ըլլայ:

Ապահովեցիր ինձ թէ այս էր քու երջանկութեանդ համար պէտք եղած բանն: Հաւանեցայ և ահա ընտանեաց մայր եղար:

Ճամարիտ է թէ երջանիկ ըլլալու բոլոր հաւանականութիւններն ունիս: Ա՛ռուղե՞ս կը «երե»: Ամուսնացեալ կնոջմը երջանկութեան գլխաւոր կէտն այս է: Զինքն կը սիրես աւելի իւր բարոյական յատկութեանցն, քան թէ գեղեցկութեանն ու երիտասարդութեանն համար: Անոր հետ ամուսնանալով, գիտէիր թէ ընտանեկան հոգերէ զատ, քու միտքդ, խելքդ, և, եթէ պէտք ըլլար, աշ-

խատութիւնդ պիտի միացնէր ամուսնոյդ մտացը, խելքին և աշխատութեանն: Քանի որ համաձայնութիւն կայ, դու հունակութիւնն ա՛լ միշտ ձեր մէջ պիտի ըլլայ, և բաղդն, որ կարծուածին չափ մտահաճոյ չ'է, հաւանականաբար պիտի գայ ընկերանալ ձեզ, թէև, ի հարկին, կրնաք անկից անցնիլ: Մի՛ մոռնար, աղջիկս, թէ այս ընտանեկան երջանկութիւնն բացարձակապէս քու գործըդ պիտի ըլլայ: Ընկերութիւնն այս ինչ իրաւունքներն կ'ապահովէ կնոջ, երբ նա իւր տարաքերն կատարէ. բայց ամէն տեղ և միշտ ամուսնական երջանկութիւնն կնոջ գործն է:

Չկարծես թէ բաւ է քեզ տաքինի մնալ: Իրաւ է թէ ամուսինդ, առաքինութեանդ առջեւ պիտի ընկրկի, ինչպէս անմատոյց ժայռի մ'առջեւ: Պիտի յարգէ գքեզ, բայց յարգելն երջանկութիւնն չ'է: Ամուսնոյ մը կնոջն համար ունեցած սէրն որքան սաստիկ ա՛լ ըլլայ, կինն մտօք և շնորհօք իւր ամուսինէն որքան գերի վեր ա՛լ ըլլայ, ընտանեկան երջանկութիւնն կնոջ քաղցրութեամբն և արժանապատուութեամբն միայն կրնայ հիմնուիլ և ապահովուիլ: Ամուսինն պէտք է չափաւորութեան յատկութիւններն ունենայ. կրնայ ըլլալ որ, աղէկ կրթուած ըլլալով, քաղաքավարութեան սահմաններն չ'անցնի, բայց բոլոր այս յատկութիւններն բացասական են: Եւ ի՞նչ է երջանկութիւնն, աւա՛ղ, եթէ ոչ թշուառութեան բացակայութիւնն:

Հօրդ մէկ վէպն կարդացած ես, Մեհոսեայ Թոգոսիին և Երկոսի Թոգոսիին: Այս վէպին մէջ ջանացած եմ հաստատել սա ճշմարտութիւնքն թէ,

երկու ին թագուհին իւր գեղեցկութեամբն, մտօք ու առաքինութեամբ որքան զօրաւոր ա՛լ ըլլայ, Գրոստոսայ կէնն անոր պիտի յաղթէ, և իւր երջանկութիւնն աւազի վրայ չպիտի հիմնէ :

Բնութեամբ բուռն կամ քաղցր այրն, պիտի կրծէ կամ կտրէ այն սանձն զոր կինն մը, մանաւանդ իրենն, կը գնէ իրեն : Որպէս զի այր մը տղու մը պէս հնազանդի կնոջ մը, պէտք է, որ այս կինն անոր հետ միշտ տղայ մը ըլլայ : Այր մը, որ կնոջ մը բարկութեան դէմ չի խոնարհիր, անոր վրայ պիտի խնդայ կամ ստործենայ . բայց այր մը կնոջ որ քաղցրութեան առջեւ չի խոնարհիր, մանաւանդ եթէ բանակութիւնն է անոր խօսքերն տուռն տուռոյն, հրէջ մ'է : Միշտ քաղցր ու խոհեմ եղիր : Ամուսնոյդ դիմաց ինքզինքդ լաւ դիտէ՛ : Արնաս բարկանալ և սրտնեղիլ ծառայիցդ կամ մտերմութեանցդ դէմ, բայց բնաւ ամուսնոյդ : Անոր առջեւ, միշտ գերագոյն արժանապատութեան խորանին վրայ պէտք է գահակալես : Եթէ կուզես որ միշտ քու առջեւդ ի ծուռն մնայ, միշտ բաձր և հանդարտութեամբ, քաղցրութեամբ ու մտօք եթերացեալ մթնոլորտի մը մէջ կեցիր : Նոյն իսկ երբ իւր սիրովն զքեզ մինչև և իրեն իջեցնէ, ինքն ալ պիտի խոնարհի զքեզ պաշտելու համար :

Առն ամենէն աւելի ուզած բանն է կինը սիրել, թէև իրն ըլլայ :

Ա՛հ, եթէ ամուսինդ մեծ մարդ մ' ըլլար, հուշակաւոր մարդ մը, կրնայիր երբեմն գահէդ իջնել, և ներշնչող մուսայի պաշտօնն առնուլ . բայց այդ վիճակիդ մէջ, պէտք է տանդ թագուհին մընաս :

Ասիկայ դուրին բան չ'է : Ասոր համար պէտք է հոգւոյ մեծ զօրութիւն մը, շատ բանականութիւն, չափազանց խոհեմութիւն ու չնորհալի ծանրութիւն մը, զոր կինն դաստիարակութեամբ չի կրնար ստանալ ամէն տեսն :

Բայց եթէ ասոնք զքեզ կը ձանձրացնեն, եթէ աւելի կի սիրես հոգիդ բանալ, և երբեմն սրտիդ հակառակ կողմն ցուցնել, ազա՛տ ես : Բայց այն տեսն հնազանդիլ ձեւացնելով չես կրնար հրամայել . ընդհակառակն, միշտ տանը տիրուհին պիտի մնաս ըստ երեւութին, իսկ իրականապէս ծառայ մը պիտի ըլլաս : Ընկերական կեանքն մարդոց, նոյն իսկ ամուսնոց մէջ կատակերգութիւն մ'է : Երբեք երեւոյթն իրականութեան չի համապատասխաներ : Կենաց պատկերն միշտ հակառակ ձեւով կը լուսանկարի . մի միայն մարդուն և Աստուծոյ մէջ իրական ու անկեղծ է :

Քեզ բան մը չեմ պատուիրեր, միայն գրական կամ բացասական երջանկութեան տարերքն կը ցուցունեմ քեզ : Քեզ կ'իյնայ բնութեանդ և բանականութեանդ համեմատ ընտրել :

Ներուի ինձ ուրեմն, զքեզ չի թողած, ընկերական և հասարակային կենացդ վրայ խօսիլ քեզ . վասն զի միտքն, խօսակցութիւնն, ընթերցանութիւնն, գեղարուեստներն և գիտութիւնն սիրելով, ամուսնոյդ, ազախնոյդ ու տղոցդ հետ մէկ տեղ չորս պատերուդ մէջ փակեալ չի պիտի մնաս : Իրաւունք ունիս : Ամենէն առաջ ամուսին, ընտանեաց մայր ես, բայց ետքն՝ Ծռանսուհի ես : Իսկ ամուսին և Ծռանսուհի ըլլալէ առաջ՝ կին ես, այ-

սինքն խորհող էակ մը , որու անձանօթ մնալու չէ մարդկային բան մը , և ինչ որ քեզ սիրելի ըլլայ , վաղ կամ անագան տղոցդ և ամուսնոյդ ալ սիրելի պիտի ըլլայ :

Եւ յիշե՛ս մէկ երեկոյեան շրջագայութիւն մը , զոր հօրդ թեւն մտած ըրիր , երեւակայութեանդ բացուած ատեններն : Հրեղէն հորիզոնին ցոլքն երազներդ կ'ոսկեցօժէր . քու մանուկ հողիդ խնայահանով կը զեղուր : և ի նկատի կալով բնութեան անհուն գեղեցկութեան անջեւ , գոչեցիր . « Ո՛հ , փառաց պէս գեղեցիկ է այս : »

Երբեք չեմ մոռցած հոգւոյդ այս սկիւմայ ազադակն . Ըննացի հասկնալ , վասն զի , արդարեւ , հօրդ հոգւոյն մէջ արձագանգն էր :

Սյո՛ւ , գեղեցիկ եմ փառք իբր զանվախճան բնութիւն , իբր զարարչութիւն անհուն , և իբր զաստուածութիւն կը սլաշտուին ընդ բովանդակ տիեզերս :

Ամենէն նիւթապաշտ մարդիկ իսկ կը սիրեն ըզփառս , առանց այն զգացումն կատարելապէս հասկանալու : Մանաւանդ կիին , իւր անդրանիկ երազներն մէջ , երբ հողին դեռ կենաց շնչովն նըսեմացած չ'է , սիրահար է ամէն փառաց և բոլոր այն մարդոց , որոց ճակարին վրայ սոյն աստուածային մէտէորային մի ճառագայթն կը փայլի . կիին դէպ ի փառս կը քաշուի , ոչ այնպէս ինչպէս երկաթն դէպ ի մանգէնսն , հապա ելեկտրական ուստոսմամբ :

Ամէն եւանդուն հոգի ունեցող սլարմանուկի փառաւոր ամուսին մը կ'երագէ :

Իրաւ է թէ այս զգացման հակառակ , շատ քիչ կանայք մի առն փառացն համար այրած են : Ասկից զատ , մեծ մարդ մը , իբր ամուսին , շատ խոհական չ'է : Հազուադիւր է որ փառքն կառք մը տայ կնոջն : Շատ անգամ , ինքն իւր հիւթովն սնանելով , բնակարանի մը վարձքն չի կրնար տալ : Փառք ընտանեաց համար աննպաստ են , և կարծեմ թէ իբր սէր անկից ետ քաշուելով աղէկ ըրիր : Բայց սիրոյ մերժածն բարեկամութիւնն կուտայ , և աւելի շնորհալի կերպիւ մը , աւելի արժանապատուութեամբ և յարատեւութեամբ :

Թէ և ամուսնացած ես և ամուսինդ կը սիրես , հողիդ խոհականի ծառան ունի , և որքան առաքինի ըլլաս , չես կրնար չսիրել այն մարդիկն , զորս Աստուած իւր փառաց կնիքովն դրոշմած է : Ընդհակառակն , զանոնք պիտի փնտռես , վասն զի , ամուսնոյդ և տղոցդ համար աշխատելով հանդերձ , քու անձնական մեծութեանդ պէտքն կը զգաս : Քու հրապուրեալ և հրացեալ հողիդ բնականաբար պիտի ձգտի աւելի ընդարձակ ծիրի մը մէջ մղորելու , և աստուածային , հօր , կեդրոնական ուլուսաւոր ճառագայթի մը ներքեւ մտնելու :

Սյո զգացումն բնական է բոլոր հոգիներու : Մարդն ինչ որ ալ ընէ , ինչ որ ալ ըսէ , այս աշխարհին մէջ իւր ծանրութեան կեդրոնն չ'ունի : Սիրտն , որու վերայ այն քան կը խօսի , իւր զգացմանցն անտեղեակ ժամացոյց մ'է . ջրհան մ'է որ արիւնն դէպ ի թռքերն կը մղէ և երակներէն կ'առնու զայն : Շարժումն , կեանքն ուղեղէն կուգան իրեն , որ մտաց օթեւանն է : Բանականութիւնն ,

հոգին , կամքը նոյնն են , և հոգին է որ մարմնոյն ձեւն , կազմութիւնն և շարժումներն կուտայ :

Այս հոգին քիչ կամ շատ մեծ է , քիչ կամ շատ ընդարձակ , այսինքն զայն բաղադրող հոգւոյ հիւլէներն քիչ կամ շատ են , ինչպէս որ ամէն լոյս քիչ կամ շատ ձօճումներէ բաղկացած է , և ամէն արիւն քիչ կամ շատ զնդիկներէ :

Բոլոր ինչ որ կայ , մի և նոյն օրէնքովն է : Ըսի քեզի թէ արարչութեան Դէ ըլլալէն զատ արեւելու յեւալ անհրաժեշտ նոյնն է : Այլ որ օրէնքի մը խորն թափանցած է , զանոնք ամէնն ալ կը ճանչնայ :

Կը տեսնենք որ արարչութիւնը քառօտն կ'ելնէ և դէպ ի դաշնակաւոր միութիւնն կը ձգտի : Այնպէս ալ պատմութիւնն կտրելով կ'երթայ , և միութեան կը ձգտի : Նոյնպէս ամէն ինչ որ առանձինն կ'ապրի կը ջանայ ժողովուրդ միասին մեծնալու համար : Արարչութիւնն Արարչին նմանիլ կը ձգտի : Էականերն կը ջանան յէական միանալ : Այս է ամէն բանի իղձն : Միանալ , մեծնալու համար :

Արդարեւ ուրիշ մասերու հետ միանալով , կամ անոնց հետ խառնուելով միայն կարելի է մեծնալ : Նոյնն է նաև աստեղց համար : Աստղունք կը ձգտին միանալ և մտրոբալ ըլլալ : Արեւն անգամ անշուշտ կը ջանայ մեծնալ և յԱստուած միանալ : Ուրեմն ամէն հոգի իւր բնութեամբն նախ ուրիշ հոգիներ կը քաշէ , և դէպ ի լուսաւոր կեդրոն մը կը դիմէ , հոն բնակելու և միաբան մեծնալու համար :

Ահաւասիկ այն բնական ձգողութեան պատ

ձառն , զոր վառքն ամէն ազնիւ սրտերու վրայ կը ներգործեն : Մեծ մարդու մը հոգին սոփորական մարդու մը հոգիէն մեծ է : Կ'ըսեն թէ Շէյքսպիր տասն հազար հոգի ունէր : Ճշմարտն աս է թէ , անհնար է որ պուետ մը տրամաբանօրէն այնքան էականեր ստեղծէ , որք երեւակայական են , առանց անոնց էութիւնն ունենալու : Շիլլեր իրաւամբ կ'ըսէ . « Քարծու յիս կ'ապրի , կը շարժի և կ'ածի , ինչպէս մանուկն իր մօրն աղեացը մէջ » : Փոյթ չէ թէ այս մեծ հոգիներն կենաց մէջ խեղ մը ձեւափոխութիւններ ըրած ըլլան , կամ թէ աստղեր եղած ըլլան : Միշտ սա իրաւ է թէ՛ անդիմադրելի գորութեամբ մը ուրիշ հոգիներ յինքեանս կը ձգեն , և զանոնք իրենց ծիրին մէջ կ'առնուն , ձգողականութեան և շարժման օրէնքով :

Հոս , աղջիկս , մարդոց մեծամասնութեան աւելի կարեւոր մէկ կէտին կը մօտենամ :

Ամէն մարդ կը յուսայ տեսնել ի բարձունս , աշխարհիս վրայ սիրած հոգիներն : Այս զգացումըն տիեզերական է , ուրեմն ճշմարիտ ,

Յայտնի կը ցուցունէ թէ հոգիներն ալ ճիշդ մարմնոց պէս կը միանան և միանալով կը մեծնան Ասիից յառաջ կուգայ որ , նոյն իսկ այն երկիրներու մէջ , ուր ամուսնութիւնն նուիրագործութիւն մը կը համարուի , խոյլ կը տրուի ողջ մընացող ամուսնոյն նորէն ամուսանալ : Ուրեմն , եթէ դժբաղդարար կորսնցունես ամուսինդ զոր կը սիրէիր , կրնաս նորէն ամուսնանալ . բայց մի' մոռնար առաջին ամուսինդ , ստէպ խօսէ՛ անոր վրայ ողջ ամուսնոյդ , նայէ՛ որ ինքն ալ անոր յի-

չատակն ու գործն սիրէ , և որովհետև հոգիներն սեռ չունին , կրնաք զիրար սիրելով և առ իրեարս ձգտելով միակ խումբ մը կազմել և մեծնալ Սատուած սիրով և առաքինութեամբ :

Ուրեմն , որչափ որ ալ ամուսնացած ես , կարելի է որ հոգիդ ի փառս ձգտի և մեծ մարդու մը լուսաւոր հոգւոյն մէջ դեզերիլ ըզձայ :

Միայն թէ , եթէ ամուսինդ սիրես , այս խառնուրդին մէջ պիտի յաղթանակես և մի և նոյն ըզգացումներն պիտի ներշնչես անոր ալ : Իտէականի ծարաւն իրարու կը հաղորդուի : ով որ կաթիլ մը նեկտառ ծծած է , բնաւ չյազենար : Անոր բուրած հոտն իսկ հաղորդելի է : Նա կը յանկուցանէ և ցնորքներ կուտայ : Մարդն , ծննդենէն մինչեւ ցմահ , կը վազէ և կը սօսայ Սատուծոյ ետեւէն , ինչպէս եղնորթ մը իւր մօրն , ինչպէս տղայ մը իւր հօրն ետեւէն :

Ուրեմն քու ժամանակիդ մեծ մարդոց բարեկամուէին պիտի ըլլաս : Հոգիդ , փառաց ծառայի և լուսաւոր կեդրոնի մը բոլորտիքն դստնալով , պիտի ըզձայ ձուլիլ ի հոգի մի , որ խումբ մը կը ձեւացնէ և որ կարող է իւր թռչած առենն զայն այնպիսի բարձրութեանց հանել , ուր առանձինն չպիտի կարենար հասնիլ :

Ըսի . մեծ մարդու մը քարեկամահին պիտի ըլլաս , բայց ոչ երբեք հարձն : Մարմնոց միութիւնն այս յեղափոխութեան չ'օգնելէ զատ , երբեմն անոր դէմ արգելք մ'է : Սա մտին մի ցնորքն է , շատ անգամ մի կեղծիքն : Սէրն ասկէց աւելի կամ պաւ կաս բան մ'է : Իրաւ է թէ սէրը երկու հոգիներու

իտէական միարանութիւնն չ'արդելուր : Բայց անոր պատճառն չէ : Կնոջ մը և մարդու մը հոգիներն սիրեար չեն խառնիր (s'engrener) չափ զի իրենց մարմիններն միացած են , հապա այս վայրկենական միութեան հակառակ : Հոգիներու խնամութիւնըն յաւիտենական է , և ժամանակն կամ հեռաւորութիւնն անոր չեն կարող վնասել : Մամնոց միութեան նպատակն մի միայն էակներու սերիւն ըլլալով , անցաւոր է և միայն բարեկամութեան իտէականովն կը սրբագործի :

Անուշտ , բարեկամութեան փոխուող սէրն աշխարհիս վրայ ամենէն գեղեցիկ բանն է : Բայց հոգիներու և մարմնոց ներդաշնակութիւնն շատ հազուադիւտ բան է , և մեծ հարստութիւն մը : Եթէ ստիպուէիր սէրէ զրկուիլ և իտէական մարդու մը ստասել՝ զայն քեզ ամուսին ընելու համար , հաւանականաբար կոյս պիտի մեռնէիր :

Շատ անգամ պիտի տեսնես մեծ մարդերու մեծ կիներ որոնք իրենց սէրն կը վատնեն և սովորական մարդերու կիներ կը սիրեն : Անոնք ալ ծառայել են հոգիներու , մեծնալու համար : Բայց բնաւ չեն միանար այն մարմնոց հոգիներուն հետ , զորս պահ մը սիրեցին : Ասոր համար աւելի սերտ հաղորդակցութիւն մը , կրկին միութիւն մը , կատարեալ խառնուրդ մը պէտք , և եթէ այս միութիւնն սէր ըլլայ , շատ սահմանափակ կ'ըլլայ : Ինչ որ ալ ըլլայ , ամուսնացած ես , և ամուսինդ ու զաւակներդ պարտական ես երջանիկ ընել , և այս երջանկութիւնն քու առաքինութենէդ միայն կատարմն ունի :

Թո՛ղ հոգիդ փառաց ըլլայ, բոլոր գեղեցիկ, մեծ և աստուածային բաներու, բայց մարմինդ բացարձակապէս ամուսնոյդ ըլլայ, մինչ իսկ եթէ զայն չես կրնար բարձրացնել մտլորակ—հոգւոյ մը նշուլագեղ կեդրոնին մէջ մտցնելու համար:

Կ'ուզեմ ուրեմն որ սրահդ ընդունիս քու ժամանակիդ ամենէն ընտիր հոգիներն, բոլոր անոնք, որք իրենց բոլորովն իտէական փառաց ճառագայթ մը կ'արձակեն:

Սա ալ դժուար չէ, վասն զի փառքն իսկ կը ձգտին ճառագայթել, և կը փնտռեն մաքուր և եթերացեալ մթնոլորտն, որու մէջէն իրենց ճառագայթներն ցլանալով՝ նորէն իրենց կը հասնին աւելի մաքուր և աւելի սաստիկ:

Գործը միայն զանազանելու և ընտրել գիտնալու վրայ է:

Հարստութիւն ունենալու պէտք չկայ: Ճշմարիտ փառքն ոսկեզօծ նիւթով չի քաշուիր:

Իտէականն գիտէականն կը փնտռէ, և լոյսն առ լոյսն կը սլանայ:

Պէտք եղածն ճշմարիտ փառքը՝ սուտէն, տաղանդն՝ յաջողութենէն, միտքն՝ շաղակրատութենէն զանազանել գիտնալն է. առանձնանալ գիտնալ, երկնային հրոյ ամպով մը, նիւթապաշտ ընկերութեան մը մէջ, որ իտէականն կ'ուրանայ, ինչպէս խլուրդն լոյսն ուրանալու է:

Համբաւ, հուշակ, յաջողութիւն, ասոնք փառք չեն: Պետական մարդ մը, եպիսկոպոս մը, պաշտօնեայ մը, պաշտօնակալ մը, որ տարին 50000 Քռանք կ'ընդունի և պալատի մը մէջ կը բնակի,

և որու ազդեցութիւնն այնքան մեծ է, չի կրնար փառաց հասնիլ:

Գրադէտ մը, նոյն իսկ հանճարեղն, արձանագործ մը, նկարիչ մը, որ շահու նպատակաւ գործ մը կը շինէ, և յաջողութիւն ու ստակ սքփուողներուն կրքերուն կը ծառայէ, չունի և չպիտի ունենայ բնաւ փառք:

Ջինուոր մը, որքան արի ալ ըլլայ, որ իւր արիւնն կու տայ աստիճանի մը և պատիւներու փոխարէն, առանց միանգամայն հայրենեաց և մարդկութեան իտէականի մը ծառայելու, չունի և չպիտի ունենայ փառք:

Բոլոր այն բաներն, որք, թէև ըստ երեւութին մեծ, սակայն երկրաւոր շահու մը նպատակաւ կ'ըլլան, մարդէն աւելի չեն ապրիր:

Սմէն մարդ կրնայ օգտակար ըլլալ ու մեր յարգանքն գրաւել: Փողոցն աւելորդ նոյնչափ և երբեմն աւելի օգտակար և յարգելի է քան թէ լրագրի մը խմբագիրն, որ իւր թերթն շահու նըպատակաւ կը հրատարակէ, կամ ազդարարութիւններով, կամ գայթակղութեամբ և կամ կուսակցութեան մը յաջողութեանն դիտաւորութեամբ: Կերպասավաճառն, կօշկակարն, դերձակըն աւելի յարգելի են քան թէ թատերական խաղերու այն գործարանապետը, որ բոլոր փտտած փայտերն նետ կ'ընէ և միայն յաջողու ու ապականեալ այրերէն ու կիներէն գովուելու կը նայի:

Փառքն Ստուածոյ մի ուղիդ բղխումն է:

Ստուած բնաւ չերեւեցաւ մարդոց ըսելով. Պաշտե՛ք զիս: Մինչեւ իւր էութիւնն կը զոհէ նա:

Որչափ մարդս Աստուծոյ մտեանայ, այնքան քիչ կարեւորութիւն կու տայ մարդոց գովեստներուն, և աւելի կ'աշխատի անոնց համար:

Կրնայ ըսուիլ որ մարդկային փառքն կը կայանայ մարդու իւր անշննի, իւր նմանի և Սրբային հետ անեղած անկեղծութեան մէջ:

Բոլոր այն բաներն որոց կը հաւատայ մարդն անկեղծօրէն, զորս կը տեսնէ անկեղծօրէն, և ուրոց համար կ'աշխատի անկեղծօրէն, իրենց արժանիքն ունին և լուսաւոր հետք մը կը ձգեն:

Երբ որմնաշէն մը քար մը քարի վրայ կը դռնէ, երբ խանութպան մը վաճառք մը կը պարզէ կին մը, տղայ մը, հայր մը կամ եղբայր մը սընուցանելու համար, այն մարդն յարգելի է, և այն աստուածային խոյականով, որ զինքն կ'աշխատցնէ, նա իւր փառաց բաժինն ունի:

Այն հեղինակն, որ իտէական կամ ֆիզիքական յառաջդիմութեան նպատակաւ գիրք մը կը շինէ, եթէ ամէն բանի մէջ սխալի ալ, դարձեալ յարգելի էակ մ'է: Ինքզինքէն ետքն պիտի ապրի: Չինուորն, որ իւր հայրենեացը պատուոյն և պաշտպանութեանն համար իւր կեանքը վտանգի կը դնէ, փառաց արժանի է և իւր հոգին լուսաւոր խումբի մը մէջ պիտի գտնուի:

Գեղեցիկ, նորատի բայց անաքինի կին մը, որ իւր տոբին կը զոհէ չէ թէ իւր ամուսնոյն զոր կը սիրէ, հապա անաքինութեան խոյականին, յարգանաց և ճշմարիտ փառաց արժանի է: Եւ նա պիտի փառաւորուի: Անպատիւ կին մը որքան ալ բարձրանայ, չի կրնար ճշմարիտ փառք ունե-

նալ: Թող անպատիւ հեղինակներն զայն փառաւորեն, փառաւորուն ու փառաւորեալն, ամենքն ալ արհամարհանաց մոռացման մէջ պիտի աներեւութանան:

Թէ որ ուղես ակնարկ մը նետել, աղջիկս, պատմութեան և վեց հազար տարիէ ի վեր ապրող մեծ մարդոց վրայ, պիտի տեսնես թէ մարդկութիւնն շատ կծծի է փառաց ճշմարիտ տիրուարն տալու:

Այն մարդոց թիւն, որոց ճակտին վրայ անմահ փառաց դրոշմ մը դարկած է, յիսուսի չելլեր: Մարդկութիւնն, զտուելով և խառնուելով, ճշմարտութեանն առ միութիւնն կ'երթայ, և այն մարդը որ Կիւրեակն չէ, այսինքն մարդկային բառին բովանդակ անամարն, մահուընէն ետքը չապրի: Այն մարդը որ միմիայն իւր անձին, իւր ընտանեացը, իւր լեզուին և իւր հայրենեացը կը զրաղի, իւր անձին, իւր ընտանեացը, լեզուին և հայրենեացն հետ պիտի աներեւութանայ: Ով որ մահուան կը հաւատայ, պիտի Կիւրեակն:

Բայց եթէ մեծ մարդիկն հաղուագիւտ են, եթէ արհեստներու, գրականութեան, քաղաքականութեան մէջ երեւելի մարդիկ ընդհանրապէս փառաց ընտրեալներն չեն, կան շատեր ալ, որք, առանց ազմուկ հանելու, խոյականի մը համար կ'ապրին, իրենց ազնուանալուն կ'աշխատին, իւրեանց հոգւոյն անմահութեանն և մարդկութեան յառաջդիմութեանն կը հաւատան, և կրնան միանալ ու անմահ խումբեր ձեւացնել:

Ուրեմն այսօրուընէ կրնաս բարեկամական

հաղորդակցութեան մտնել բոլոր անկեղծ հոգիներու հետ, որոնք կարծեօք, տաղանդով, փիլիսոփայութեամբ, արուեստով և կրօնքով կատակերգուններ չեն:

Երբեք Ֆրանսայի մէջ այնքան տաղանդաւոր անձինք չեն եղած որքան 1820էն մինչև 1870:

Եւ սակայն ոչ մէկ թուական աւելի ամուլ եղաւ:

Վասն զի բոլոր այս մարդիկ, յառաջդիմական կամ յետադիմական, ի բաց առեալ հանճարըն, ոչ ոք անկեղծ եղաւ իւր տաղանդին, Աստուծոյն և նմանին հետ:

Փոխանակ կեդրոնական ճառագայթի մը ներքեւ մտնելու, ամենքն ալ նիւթոյն պէս կեդրոնախոյս եղան: Անոր համար ալ իրենց ոչնչութեանն մէջ լուծուեցան:

Աստղունք տարածիրք, որք իւրեանց շրջանակէն կը խուսին, ոչնչութեան մէջ աներեւութանալու համար:

Եւ գիտե՞ս ի՞նչ պակաս էր իրենց:

Առաքինութեան մեծ կին մը:

Արդարութեան մեծ այր մը:

Այսինքն գերագոյն գեղեցիկն գերագոյն ճշմարտին հետ, ուրանալով զմահ, յաւիտենական կեանքն ապացուցանելով, և ի կինն Առաքինութեամբ, յառն Արդարութեամբ ներկայացեալ:

ՀՀ Ազգային գրադարան



NL034 1638

